

GO NA LE MONNA FANO YO

OKA TSHUBANG LOBONE

Ke a go leboga mokaulengwe. (Mo letlelele a opele.) Mpe re obeng ditlhogo tsa rona jaanong. Rraetsho wa Legodimo, re a Go leboga mosong ono ka ntlha ya bomolemo le boutlwelobothoko jwa Gago, ka ntlha ya go re naya tshiamelo ya go phuthegela fano mmogo gape, letsatsi ka fa letlhakoreng lena la Bosakahutleng jo bogolo, go obamela Ena yo o rategang, Morena Jesu Keresete. Re Go leboga ka ntlha ya gore O tlie mo lefatsheng go—go re rekolola mo bo—botshelong jwa boleo, le go re naya boswa jo bogolo jona jo re nang najo ka tshiamo ya Gagwe. Mme jaaka rona, mosong ono, re le fano jaaka baemedi ba Gagwe, go—go ngathoganyetsa phuthego ena e e letileng Senkgwe sa Botshelo, mma Mowa o o Boitshepo o tlhotlheletse Lefoko lengwe le lengwe mo dipelong tsa batho, fela jaaka re na le letlhoko. Re lopa sena mo Leineng la Jesu. Amen.

Dulang.

² Nna go tlhomame ke kaya mona, ebole e le tshiamelo e kgolo, gape mosonog ono, go bo ke eme fano le lona. Lo re intshwarele gore ga re na bonno jo bongwe go na le ka fa re dirang, go tlhokomela batho. Motlaagana wa rona ga o mogolo mo go lekaneng. Mme rona re itumelela thata go bo re le fano, ka malatsi ano a boiketlo, go tswa—go tswa golo kwa gae ko... kwa Tucson. Mme seemo a bosa se ne se le makgwakgwaa ka mokgwa mongwe, fela re ne re itumeletse go bo re le fano le go nna le bokopano.

Jaanong, ke batla go itsise gore bosigong jono go tlaa bo go na le tirelo ya phodiso bosigong jono, kgotsa thapelelo ya balwetsi. Mme ke boleletse Billy fela jaanong. O ne a re, “Sentle, o tlaa dira eng?”

³ K ne ka re, “Sentle, gongwe go botoka wena o abe dikarata dingwe bosigong jono, go ka nna masome a mararo morago ga borataro, gore kwa batho ba ka se tleng ba...”

Mme, lo a bona, gone go kitlane thata teng mono, re ka itse fela ka fa re ka ba tlisang ka gone, ka monokela, gore lo kgone go bidiwa ka nomore ya karata ya gago, mme jalo he ga go ntle go nna le kitlano epe. Re ka ba bitsa fela, ka monokela, re ba letle ba feta mo gare ga motlhomagang jaaka re ba rapelela.

⁴ Jalo he, lona, fa lo lwala, kgotsa lo na le ba lo ba ratang ba lwala, mme lo batla go ba tlisa mo teng, tlayang go ka nnna masome a le mararo morago ga borataro, sengwe se se ntseng jalo, nako ya bosupa, mme lo tseyeng karata ya thapelo. O tlaa

bo a le kwa mojako, kgotsa le fa go ntse jang fela ena a di abang, ebong fa lona le tsena.

⁵ Mme, fong, mona kooteng go tlaa bo go le lekgetlo la bofelo nna ke kgonang go boa, mo sebakanyaneng, ka gore ke na le thulaganyo ee bokete thata jaanong. Fano, mme ke santsane ke le mo United Statses go fitlhela dikgakologong tsena, kgantele. Jalo he, rona, rona gongwe re tlaa boa gape moragonyana ka selemo sena.

Fa Morena a ratile, ke tlaa rata go, fa re bona le—lefelo ka kwano fa lone le laolwa mogote wa phefo. Ke ne ke ile go botsa Billy. Ke tlaa rata go bua ka ga Dinaka tse Supa tseo, ke nne le tire—... bokopano jwa Dinaka tse Supa, fa—fa Morena a ratile. Gonnie, tseo, di—Dipaka tse Supa tsa Kereke, le Dikano tse Supa, mme jaanong Dinaka tse Supa. Mme re ka kgona go nna le nako nngwe jaaka mo go Seetebosigo kwa batho ba nang le malatsi a bona a boikhutso, re ba neye nako gore ba kgone go tsena.

⁶ Mme ke itumelela go bona Mokaulengwe Shepherd fano mosong ono, go tswa kokelong. Ke ne ke tswile go ya go mmona maloba. Mme Kgaitsadi Shepherd, ga ke a ka kgona go go leletsa maabane. Toro ele e o e nthometseng e ne tota, e siame thata tota. O bone, jaaka go ne go ntse ka gona, Keresete ko loa—mo loa... ko—ko loaping, a pagame pitse tshweu ena, fela le fa go ntse jalo le bofilwe, lo a bona. Fela, le fa go ntse jalo, pele ga e nyelela ka bonya, lolwapa la gago lotlhe le kgonne e bona. Eo, phuthololo ya toro, ke gore lolwapa la gago le bone motsamao wa Gagwe wa malatsi ano a bofelo pele ga o feta, se O neng o le sone. Jalo he, gone ke, eo e ne e le e e semowa tota, ebole e le tshegofatso e siameng thata mo go lona, lona le lolwapa. Lolwapa leo le ne la tswa mo pitlaganong nngwe e kgolo, go tla kwa ba leng gone gompieno.

⁷ Mme jaanong re na le sengwe, gannye mo letlhakoreng la khutsafalo, mosong ono. Esale ke kopane fano... Mongwe wa ditsala tsa rona tse di rategang thata, le—le ba ba tllang mo motlaaganeng ona, lolwapa la boorra Coats; mo e leng gore, rotlhe re a ba rata. Ba ne ba goroga ba tswa botlhaba-tsatsi, mme, kgotsa go tswa Chicago, mo tikologong. Mme Kgaitsadi Billie Habib, le—le kgaitsadie, Armstrong, le basetsana botlhe. Bona... Ke akanya gore pele ba ne ba le Manasarene, mme ba tlide mo Moreneng, mme bona ke ditsala tse di rategang thata tsa rona.

Mme Mokaulengwe le Kgaitsadi Coats, rraabone le mmaabone, ba ne ba le mo tseleng go ya gae maloba, go tswa golo ko Bophirima-tsatsi, mme mongwe o ne a relela mo tseleng mme—mme a bolaya Kgaitsadi Coats, ka ponyo ya leithlo. Mme—mme fa ba santse ba ne ba mpiletsa ka koo, ko—ko Tucson, mme ke ne ka utlwa ka ga gone, ke ne ke dutse gone foo ka nako eo ka lebokoso la dimonemone tse a neng a di ntiretse, ke dutse

mo lo—mo lomating. Mme ga lo itse ka fa go neng ga ntira gore ke ikutlwé ka gone. Fela ke—ke akanya gore, ke leboga Morena mosong ono, mosadi o ne a se tshwanele gore a boge. O ne a tsofala, mme ga a a ka a tshwanela go boga. Mme o ne a ya Gae go nna le Modimo.

⁸ Ke ne ke akanya fela, mme ke bua le basetsana ba gagwe ba babedi, jaanong jaana, mo kamoreng teng kwa. Mokaulengwe Coats o fano mosong ono; o na le dikgopo dingwe tse di robegileng. Mme ke ne ka mo leletsa ko kokelong e le kwa a neng a robaditswe gone, golo ko Missouri, mme dikgopo tsa gagwe di robegile le dilo, fela ena e le ruri o ne a le pelokgale tota, Mokeresete wa mmannete; a neng a itse gore kgosigadi e nnye ya gagwe ga e a swa, ena o tshela ka bosafeleng, le Keresete, mme go tlaa nna le nako ya go kopana.

⁹ Jobe ne a re, nako nngwe, “Ao, gore Wena o tlaa mphitlha mo lebitleng, mme o ntshole ko lefelong la sephiri, go fitlhela tshakgalo ya Gago e fetile.”

¹⁰ A lo kile la lemoga Modimo, mo tlholegong, o dira selo se se tshwanang? Jaaka matute a a leng mo ditlhareng godimo fano, a tshwareletse mo matlhareng; mme pele ga nako ya mariga e tla, tshakgalo e e tshologelang mo lefatsheng . . . Lo a bona, ka nako nngwe lefatshe le ne le sena mariga. Mme mo Mileniamong ga go kitla go nna le mariga, lo a bona. Jalo he ke tshakgalo mo lefatsheng. Fong erile moo go diragetse . . . Lo a bona, pele ga tshakgalo e tla, Modimo mo boutlwelo-botlhokong jwa Gagwe o romela matute ao gone kwa tlase ka ko mmu . . . ko tlase ga lefatshe, ka ko meding a setlhare seo, mme a a tshole moo go fitlhela tshakgalo ya mariga e fetile, a tloge a a tlhatlosetse morago ko godimo gape, lo a bona, ka nako ya dikgakologo.

“Ao, gore Wena o tlaa mphitlha mo lebitleng, mme o mpeye mo lefelong la sephiri, go fitlhela tshakgalo ya Gago e fetile.” Ke se A se diretseng kgaitadsia rona. Ke se A se direlang Bakeresete botlhe.

¹¹ Mokaulengwe Coats, Modimo a go segofatse. Ke itumetse thata go itse gore, gore Sekano sa Modimo se a tshwarelela mo oureng ya bothata. Ke a itse se a raletseng mo go sone, ka gore ke ne ka ralala sone selo se se tshwanang, dingwaga tse di fetileng. Fela nna ke . . . Ka monokela re tshwanetse gore re kgabaganye noka e kgolo ena; mme, nna, mme e tlaa bo e le nako ya me, lengwe la malatsi ano; le nako ya gago, lengwe la malatsi ano. Fela jaaka Dafita a ne a bolela, “Ga ke na go boifa bosula bope; gonne Wena o na le nna. Tsamma ya Gago le seikokotlelo sa Gago di a nkgomotsa.”

¹² Jaanong e le segopotso sa ga Kgaitadsia Coats, kgaitadsia rona yo o rategang thata yo o feteng pele ko Modimong. Nna . . . E le segopotso se sennyé sa gagwe, mosong ono, ke batla phuthego e eme motsotso fela.

A re obeng ditlhogo tsa rona re bo re akanya ka ga mongwe yo a kileng, malatsi a le mmalwa a a fetileng, a tsamaya mo—mo motlaaganeng ona, mo teng le kwa ntle ga rona, a dumedisa ka go tshwara diatla tsa rona, Mokeresete yo o rategang, o jaanong kwa lefelong lele le Morena a neng a ntetla gore ke le bone go se bogologolo, moroba gape, a letetse lelwapa la gagwe le le tswelelang le tla.

¹³ Rraetsho wa Legodimo, re Go lebogela dikgakologelo tsa ga Kgaitzadi Coats. A kgaitzadi yo o rategang thata, yo o rategang! Mme jaanong nako e a tla gore fa re tshedile lobaka lwa rona mo botshelong, le re neng ra le abelwa, re tshwanetse go kgabaganya noka eo. Re a Go leboga ka gore ga a a ka a tshwanela go boga. Ga go a ka ga tshwanela go nna le sepe kgantlhanong nae fano, se a neng a tshwanetse go se bogela. O ne a ya fela ka tlhamallo ko mabogong a Modimo, ka motsotsotso fela.

¹⁴ Monna wa gagwe, bana ba gagwe, ba fano mosong ono, Morena, gone kwa morago mo maikarabelong a bona a tiro. Ka fa re Go lebogelang tumelo e e pelonomi eo! “Tumelo ya borraetsho e e santsaneng e tshela, mo boemong jwa kgolegelo, kgabo, le tshaka.” Re Go lebogela dilo tsotlhe tsena.

¹⁵ Lapolosa mowa wa gagwe o o rategang thata, Morena. E ne e le kgaitzadia rona. Khutsafalo, marothodi a dikeledi a rotha mo pelong ya rona, ka ntsha ya go se nne teng ga gagwe, fela boipelo bo tlhoga go tswa mo marothoding a dikeledi, mpe re itse ka tshepiso ya Lefoko la Gago gore o tswelela pele a tshela mo botshelong jwa bosasweng jo bo ka sekeng bo swe. Mme ga go kitla go nna le kotsi kwa a leng gone jaanong, o letetse fela bao ba ba tlang morago go nna nae.

¹⁶ Segofatsa Mokaulengwe Coats, mme o segofatse basetsana bao le lelwapa la gagwe, Morena, le ba ba ratiwang bao, le botlhe ba ba mo ratang. Mme letsatsi lengwe, Rara, re tshepa gore re tlaa kopana nae godimo ko Mosejeng o mogolo ole, kwa go senang bolwetsi, bohutsana, kgotsa loso. Go fitlheleng nako eo, re tshole rotlhe re itekanetse ebile re siame, re Go direla, mme re soloftsetse motlheng oo. Mo Leineng la Jesu Keresete re a go lopa. Amen.

¹⁷ Mma Mowa o mogolo o o Boitshepo o o berekanang le rona fano fa motlaaganeng, ka go senoloa Lefoko la Gagwe, mma A lapolose mowa wa gagwe o o pelonomi mo kagisong go fitlhela re kopana nae.

¹⁸ Jaanong go bothitho teng fano mosong ono, ka gore ke mebele, lo a itse, go le go kana e le mogote wa mmele wa motho wa nama.

¹⁹ Jaanong, re tlaa rata go dira kitsiso jaanong. Dinako dingwe ditirelo tsa rona fano, di leng di leelee, mo mo—mo mosong, lebaka gone go leng... Ka mmannete ga go a siama go tshwara tirelo bolelee jo bo kalo, ka gore, oura, oura le seripa, kgotsa dinako

dingwe dioura di le pedi. Fela se ke se dirang, nna ke a theipa fa morago fano, lo a bona, mme theipi ena e ya gotlhe gotlhe mo lefatsheng. Mme moo ke se nna...re phuthegela mo teng, lobaka jaana, mo mosong, ke—ke ka gore ke tla fano go dira ditheipi tsena. Moo ke go...nna...bona ba...Lo a bona, lo kgona go bona mo phaposing foo, di—ditheipi tse di ntseng di—ntseng di diriwa. Jaanong...Mme di tswela gongwe le gongwe go kgabaganya lefatshe.

²⁰ Jaanong, segautshwaneng, Morena fa a ratile, mo go tlang mona, fela ka bonako fa ke sena go tloga fano...Ke tlaa bo ke tloga, Morena fa a ratile, ka moso mo mosong, nako nngwe, ke boela ko Arizona, ka gore ke na le bokopano jo bo tlang. Mme fong ke fela tsela yotlhe go kgabaganya Borwa. Mme lona batho ba ko borwa go tswa tlase ko Georgia, le Mississippi, le Texas, le Alabama, re tla gone ko tlase teng koo, tsela yotlhe go ya ko Florida, ka bonako.

²¹ Re yang go tloga fano go ya Phoenix, re tlogue re ye California, le gone morago ko Dallas, mme—mme kooteng re fologele ko San Antonio, ke akanya gore ke gone, le morago ka ko Alabama, le Florida, le go ralala koo. Jalo he re tlaa bo re lo bona lona batho golo koo, Morena fa a ratile, gone ka bonako.

²² Mme fong lo tsweleleng le re rapelela, mme re tlaa lo itsise gore leng, fa rona...Morena a go tsenya mo pelong ya rona jaanong go tshwara ma—malatsi a le mmalwa fano, selemo sena se se tlang.

²³ Ke ne ka nna le setlhophsa sa dikopano tse di rulaganyeditsweng. Mme ba le batnsi ba lona ko New York lo a itse nako e ponatshegelo e tlileng, e e neng ya bua gore dikopano tseo ko lefatsheng la ko Scandinavia...Lo gakologelwa tsone di ne di rulaganyeditswe teng koo? Mme fong, nako e ke neng ke le ko New York, ponatshegelo e ne ya tla, gore bongwe le bongwe jwa dikopano tseo bo tlaa phimolwa, ka tlha ya lebaka lengwe. Mme ke a gakologelwa ke ne ka bolelela bangwe ba lona fano, nako e re neng re le ko New York. Moo ke fela totatota se se diragetseng, ka gore bottlhe ba ne ba batla letsatsi le le tshwanang mme ba ne ba sa kgone go newa kago eo.

Jalo he, fong, moo go ka tlogela lefelonyana foo ka Seetebosigo. Go ka tswa e ne e le thato ya Morena, ke ne ke akanya, gongwe go boela Dinaka tsele gone fano, pele ga go nna thari thata. Lo a bona? Jalo he re a itse gore sengwe le sengwe se direla bontleng. Jalo he moo go ne go le mo pelong ya me, jalo go ka nna ga bo go le se A batlang gore re se dire.

²⁴ Jaanong ke a bona gore le fetola manno mongwe le yo mongwe, le—le ko ntle ko mahalahaleng, le jalo jalo. Re eletsa re ka bo fela re na le lefelo la nna.

Mme jaanong nako e re nnang gle Dinaka tseo, moo ke...re batla go fira lehalahala la itshidilo mmele la sekolo se segolwane.

Ke akanya gore le nnisa makgolo a le masome a matlhano le botlhano, mme fong re tlaa nna le sebaka, le gone, mongwe le mongwe a tshwanele gore a nne le sedulo, mme a dule a bo a reetse ka tidimalo fa re santse—fa re santse re rera.

²⁵ Kgotsa, mona, Dinaka, tsona di siame thata, thata. Nna ke ne ke di lebeletse maloba. Lo a bona, mo Sekanong sa Borataro, tsotlh Dinaka tse Supa di utlwatsa gone foo mo Sekanong seo sa Borataro, lo a bona, fela pele ga Sekano sa Bosupa se bula go Tla ga Keresete.

²⁶ Mme, bosigong jono, ke na le Molaetsa o o botlhokwa thata o ke batlang go o bua fela pele ga ti—ti—tirelo ya phodiso. Mme fa o le fano, mme o ile go lala, sentle, re tlaa leka, fa go kgongega go simolola fela go le pelenyana ga nako, ka gore go tlaa nna le motlhomagang wa thapelo. Ga ke na go rera lobaka lo lo leeple thata, fela go na le sengwe se ke neng ke ntse ke batla go se bolelala kereke, nakonyana, mme ka mohuta mongwe ke le itsise ka ga di—di—di—di...ka fa dilo di tsamayang ka gone ka nako e, mme gone fa re emeng gone, le bojotlh jwa kitso ya me ka Lokwalo.

²⁷ Jaanong, ke batla le bule mosong ono le nna, fa lo batla go tshwaya kgotsa go nna le rekhote ya fa re balang gone, Buka ya ga Isaia. Mme ke eletsa go bala go tswa mo go Isaia, kgaolo ya bo 42 ya ga Isaia.

²⁸ Re itumetse thata mosong ono, gape, go nna le Mokaulengwe Dauch a dutse le rona fano. Fa le santse le bula...Lo a itse, ba ne ba akanya gore o ne a sa ye go tshela, fano mo Shreveport maloba. Mme ena go tlhomame o na le tumelo. Ee, rra, o pagamela gone kwa ntle ga gone; Morena o tswelela a mo segofatsa, eya. Lo a bona, Mokaulengwe Dauch o dingwaga di le masome a ferabongwe le bongwe, mme ne a nna le go palelwa mo go feleletseng ga pelo; le tlhaselo ya pelo, mo godimo ga gone. Mme yone ngaka ne a re ga ba bone gore go na le tsela epe ya gore ena a tshele. Mokaulengwe Dauch o a tshela, mme ngaka e sule. Lo a bona? Ka gore, ena...Lo a bona, Mokaulengwe Dauch o dula fano.

²⁹ Mme fong, mo—monna wa dingwaga tse masome a ferabongwe le bongwe, ka go palelwa ga pelo le tlhaselo ya pelo. Mme foo, fa ke ne ke ya koo, ke ne ka mmona a tla a tsamaya go fologa mmila; ke ne ka mmona mo kerekeng. Mme ke ne ka ya mme ka mmolelela, mo tlase ga tante ya okosejene, “Ka Leina la Morena, ke go dumedisa ka seatla sa gago mo ke...Ke tlaa go bona ko kerekeng gape, mme ke go dumedise ka seatla sa gago mo mmileng.”

Yone tirelo e e latelang, o ne a le yo, a dutse gone morago fano mo kerekeng. Mme ke ne ka ya ko Louisville, kwa re jang gone kwa Blue Boar ka koo, go ja, mme fela jaaka ke ne ke tswa mo koloing ya me, ke simolola go tlhatloga mmila, Mokaulengwe

Dauch ke yo a tla a fologa mmila. Yone ke eo, ka boitekanelo fela. Le ka fa Morena a mo segofaditseng!

³⁰ Jaanong re ile go bua ka ga phodiso, bosigong jono, le dilo, mme ke na le dilo dingwe tse di faphegileng ka mmannete go lo di bolelala bosigong jono.

³¹ Fela jaanong, gore ke kgone go dira ditheipi jaanong, ke tloge ke ipaakanye go di tshuba, ke batla go simolola go bala go tswa mo go Isaia kgaolo ya bo 42, le temana ya bo 1 go ya go ya bo 7. Le Matheo kgaolo ya bo 4, go simolola, ke a dumela, temana ya bo 15 le bo 16.

³² Jaanong, mo—mo kgaolong ya bo 42 ya ga—ya ga Isaia, re ile go bala.

Bonang motlhanka wa me, yo ke mo tshegetsang; moi shenkedwi wa me, yo mowa wa me wa botho o itumelang mo go ena; Ke beile mowa wa me mo go ena: o tla tlisa katlholo ko Baditšabeng.

Ga a tle go goa, kgotsa a tsholetse lentswe la gagwe, kgotsa a bake gore lo utlwive mo mmileng.

Letlhaka le le phitsegileng ga a ketla a le roba, le lodi lo le kukelang ga a ketla a le tima: o tla tlisa katlholo mo boammaaruring.

Ga a tle go palelwa le fa e le go ngodiega, go fitlhela ena a... a tlhomile katlholo mo lefatsheng: mme ditlhaketlhake di tla letela melao ya gagwe.

Go rialo... MORENA, ena yo o tlhodileng magodimo, a ba a a phutholola; ena yo o tsharaboltseng lefatsheng, le seo se se tswang mo go lone; ena yo o neeleng batho phemo ba ba mo go lone, le mowa mo go bone ba ba tsamayang mo go lone:

Nna MORENA ke go biditse mo tshiamong, mme Ke tlaa tshwara seatla sa gago, ebole ke tlaa go dibela, mme ke go ntshe gore o nne kgolagano ya batho, go nna lesedi la Baditshaba;

Go bula matlho a a foufaditsweng, go ntsha bagolegwii mo kgolelgeleng, le bone ba ba dutseng mo lefifing go ba ntsha mo ntlong ya kgolelegelo.

³³ Jaanong mo Efangeding ya ga Matheo, kgaolo ya bo 4, ke eletsa go bala tiragatso ya seporofeto seo se se neilweng ke Isaia. Mo kgaolong ya bo 4 ya ga Matheo, ke—ke tlaa simolola go bala. Fa go kgonega, mpe re simololeleng ka temana ya bo 12 mo boemong jwa ya bo 15.

Jaanong nako e Jesu a neng a utlwa gore Johane o ne a latlhetswe ko kgolelgeleng, o ne a tloga go ya ko Galelea;

. . . a tloga ko Nasaretha, o ne a tla mme a nna mo Kaperenaume, o o leng mo letshitshing la lewatle, ko melelwaneng ya Zabulone le Nefethali:

Gore go tle go diragatswe se se neng sa buiwa ke Isaia moporofeti, a neng a re,

Bonang, lefatshe la Zabulone, le lefatshe la Nefethali, bolebana le lewatle, ka kwa ga Jorotane, Galilea wa Baditshaba;

Batho . . . ba ba dutseng mo lefifing ba bone lesedi le legolo; le bone ba ba dutseng ko dikarolong tsa meriti ya loso lesedi le tlhabile.

Mme go tloga ka nako eo Jesu ne a simolola go rera, le go re, Ikotlhaeng: gonne bogosi jwa legodimo bo atametse.

³⁴ Mma Morena a oketse ditshegofatso tsa Gagwe mo go balweng ga Lefoko la Gagwe! Mme jaanong, temananyana e e sa tlwaelesgang e ke neng ka utlwa mongwe a e bua, ne a bua mona, fela ke batla go tsaya mona go nna temana: *Go Na Le Monna Fano Yo O Ka Tshubang Lobone*. Mme jaanong re ile go bua ka serutwa sa lesedi.

³⁵ Sena se latela dirutwa tse tharo tse re fetsang go bua ka ga tsone.

Se le sengwe sa tsone, kwa Tucson, kgotsa kwa Phoenix, ka ga gore ke goreng Jesu a ne a tla ka tsela ya Bethelehema. Gore, O tshwanetse gore a dire, ka gore Ena ke Bethelehema. Bethelehema! *B-e-t-h* ke “ntlo”; *e-l*, “Modimo”; *e-h-e-m* ke “senkgwe,” senkgwe. “Ntlo ya Senkgwe sa Modimo.” Mme Mokeresete mongwe le mongwe yo o tsaletsweng mo go Keresete o tsaletswe mo Bethelehema, ntlo ya senkgwe sa Modimo.

³⁶ Fong, teng moo, go tshwantshiwa ga Dafita, yo neng e le motshabi ka nako ya go kgaolwa ga gagwe mo bathong ba gagwe. O ne a kojwa. Mme Bethelehema e ne ya tlhaselwa, mme Bafilisita ba ne ba dikaganyeditse Bethelehema. Mme Dafita, motshabi, setshwantsho sa kereke gompieno, sa ga Keresete. Lo a bona, Keresete ke Motshabi mo kerekeng e e Leng ya Gagwe gompieno. Ba ne . . . *Motshabi* ke “sengwe se se gannweng.” Mme Dafita ne a gannnwe, le fa go ntse jalo o ne a le kgosi e e tloditsweng; fela moporofeti o ne a mo tloditse.

³⁷ Mme ka nako ena, a leng mo—motshabi mo bathong ba gagwe, o ne a tlhophile Baditshaba ba le bantsi ba ba pelokgale. Mongwe wa bona o ne a bolaya banna ba le makgolo a ferabobedi, letsatsi lengwe, ka lerumo, kgotsa, tshaka. Mme yo mongwe o ne a tlolela ka mo moleteng mme a bolaya tau, mo letsatsing le le sefokabolea. Mme—mme ba ne ba kgobokanya lotlhodi, mo e leng dinawa kgotsa dierekisi, kgotsa sengwe, mme—mme bone botlhe ba ne ba siya, a bo a ema a bolaya

banna go fithela seatla sa gagwe se lapa. Gape ba bolaile bomorwaarragwe Goliate bao ba mekaloba.

Banna ba ba pelokgale, ba ikaegile ka Dafita, ka gore ba ne ba itse gore o ne a tla go busa. Ba ne ba itse, go sa kgathalesege se ope a neng a se bua. Modimo o ne a na le tlotso mo go Dafita, mme ba ne ba go itse. Ba ne ba le Baditshaba. Go sa kgathalesege ka fa ba neng ba mo koba thata ka gona, ba ne ba itse le mororo gore o ne a ile go busa. Mme letsatsi lengwe go . . .

³⁸ A mohuta o go leng gone gompieno, wa ga—wa ga Keresete, Motshabi! Lo a re, “Keresete, Motshabi?” Go ya ka Baebele, gore rona . . . Modimo ka bopelonomi ne a re bontsha go ralala Dipaka tse Supa tsa Kereke. Kereke ena ya Laodikea, Keresete e ne e le Motshabi kwa ntle ga kereke ya Gagwe, a ganngwe, a leka go boela mo teng gape. Lo a bona? Ena ke Motshabi, mo kerekeng e e Leng ya Gagwe. Mme lebaka A leng Motshabi, ke ka gore Ena ke Lefoko, mme ga ba tle go leseletsa Lefoko le tsene. Ba amogetse ditumelo tsa kereke, mo boemong jwa gone.

³⁹ Mme re filthela gore, ka nako eo, gore mo tshokolong e kgolo ena, banna ba ba pelokgale bao gaufi—gaufi le Dafita, Baditshaba.

⁴⁰ Mme fa lo lemoga ka fa Bethelehema e agilweng ka gona. Ga ke batle go tseno mo serutweng seo, fela ka fa Bethelehema . . . Totatota, Rahabe, moakafadi, morwae e ne e le ena yo simolotseng Bethelehema. E ne e le lefelong la mabele, mme go na le metsi a mantsi a siameng koo. Mme o ne a simolola motse monnye. Mme o ne o le o monnyennygo feta wa metse yotlhe, ka gore moporofeti ne a re, “Go tswa . . . Bethelehema wa Judea, a wena ga o mmotlana go gaisa mo gare ga dikgosana tsotlhe tsa metse ya Jerusalema . . . kgotsa Judea? Fela go tswa mo go waena go tla tla Mmusi yo o tla busang batho ba Me.” Go tswa mo go yo mmotlana.

⁴¹ Dafita, nako e a neng a tlhophiwa foo. Bomorwarraagwe ba bagolo, ba ba siameng thata, nako e moporofeti Samuele a neng a tlhatlogetse koo, go tlotsa, bona botlhe ba ne ba eme foo. Banna ba bagolo, ba ba pelokgale, ba lebega okare ba tlaa bo ba ntse jaaka, ba lebega, ba le dikgosi tse di lebegang di siame thata. Fela ena yo o gannweng e ne le ene, Dafita, yo neng a tshelwa leukwane. Motse o o gannweng e ne e le one o Keresete . . .

Ke ba ba gannweng ba Keresete a ba tlhophang, lo a bona, bona ba ba gannweng.

⁴² Fong re fitlhela gore, morago ga ene ga tla Obede. Mme morago ga ena ga tla Boase. Mme go ne ga tla Moditshaba yo mongwe mo teng, yo neng a tla ka Rute. Mme go tswa moo go ne ga tla Jese. Mme go tswa mo go Jese go ne ga tla Dafita. Mme bojelo jo bonnye jwa fa lekgabaneng koo bo ne jwa tlisa Kgosi ya dikgosi, Jesu Keresete, Morwa Dafita, Morwae wa mowa.

⁴³ Jaanong fong, o ne a, Dafita ka sebele a neng a tsaletswe mo motseng ona, o ne a tshwanela go tla mo lefelong le lennye lena. Mme le ne le bidiwa go twe Bethelehema, mo go rayang, “ntl—ntlo ya senkgwe sa Modimo.” Mme Ene ke Ntlo ya Senkgwe sa Modimo.

⁴⁴ Dafita, a neng a dutse foo mo lekgabaneng letsatsing lele, mme o ne a lebelela tlase mme a bona Bafilisita ba dikaganyeditse jalo, o tshwanetse a ne a gotela le go nyorwa. O ne a re, “Ao, fa nka kgona fela go nna le seno go tswa mo sedibeng sele, gape!” Goreng, kakanyo ya gagwe e potlana go feta e ne e le taelo mo go ba gagwe, bao ba ba mo ratang.

⁴⁵ Go ntse jalo gompieno, e e potlana go feta ya dikakanyo tsa ga Jesu, kgotsa ga tweng ka ga Lefoko la Gagwe, e tshwanetse ya bo e le taelo mo go rona Baditšhaba ba ba Mo ratang. Gonre re a itse gore O etla go busa, go sa kgathalesege thata ka fa Ena a ganwang ka gona. Magodimo le lefatshe di tlaa feta, fela Mona go tlaa santse go rena fela go tshwana nako e magodimo otlhe le lefatshe di ileng. Mme re a itse O etla go busa, ka gore ga go sepe se se tlaa go kganelang gore go diragale. [Mokaulengwe Branham o phophotha Baebele ya gagwe—Mor.] Mona ke Keresete, tshenolo ya Gagwe, mme mona go ile go diragala fela ka tsela e Lefoko le reng go ka gona, ka gore Ena ke Lefoko. Mme e e potlana bogolo ya ditaelo tsa Gagwe, go sa kgathale ka fa e leng nnye ka gone, fa e le go “kolobediwa sešwa,” kgotsa eng le eng se go leng sone, re tlaa go dira, le fa go ntse jalo. Ke taelo ya Gagwe.

⁴⁶ Mme kakanyo e potlana go gaisa ya ga Dafita e ne e le taelo mo Baditšhabeng bao, gonre, bona, setshwantsho sa Kereke ya Baditšhaba gompieno. Banna ba ba pelokgale! Lo a bona, banna bao ba ba neng ba ema Dafita nokeng e ne e le Baditšhaba, fela, banna ba ba pelokgale. Ba ne ba tlhoka poifo. Ba ne ebile ba sa itse se poifo e leng sone.

⁴⁷ Monna mongwe o ne a tsaya tšhaka mme a bolaya banna ba le makgolo a ferabobedi, mme bone botlhe ba mo dikologile. A monna yo yoo e neng e le ene! Mongwe wa bona, mo . . .

Monna yo mongwe. Go ne go na le Moegepeto yo neng a sianela kong, ka lerumo le le lee. O ne a na fela le thobane mo seatleng sa gagwe. O ne a tsaya thobane a bo a iteela lerumo kwa ntle ga seatla sa gagwe; a tsaya lerumo a bo a mmolaya, ka boene. Lo a bona?

⁴⁸ Mongwe wa mekaloba eo o ne a na le menwana ya diintšhi tse di lesome le bonê, jalo. Jaanong, diintšhi tse lesome le bonê, monwana wa gago o moleele fela jaaka seatla sa gago, se tswetswe; bula seo, moo go tla bo go le seatla sa diintšhi di le masome mabedi le boferabobedi. Mme ka lerumo! Mme ne a tlolela gone teng foo mme a mmolaya. Lo a bona? Goreng? E ne

e le monna yo o pelokgale, Moditshaba a lebile motlodiwa yo a itseng gore o ne a tla go busa.

⁴⁹ A lo ne lwa lemoga, bone ba neng ba le pelonomi jaana mo go Dafita, nako e Dafita kwa bofelong a neng a tla mo pusong, o ne a ba dira babusi mo metseng? A Jesu ga a a ka a soloftsa selo se se tshwanang? Selo se se tshwanang, a ba dire babusi.

⁵⁰ Fong, teng foo, nako e keletso ya ga Dafita e neng e le go nwa metsi a tsiditsana. Ena kooteng o ne a na le metsi a kgale, a a kgotleletsegileng a le bothito golo koo, a a neng a a nwa. Fela go ne ga diragala gore a akanye ka ga metsi ao a a tsiditsana tlase kwa ko Bethelehema, ntlo ya senkgwe sa Modimo. Mme o ne a re, “Fa fela nka nwa metsi go tswa sedibeng sele!” Mme banna bao ba ne ba somola tshaka ya bona ba bo ba lwa dimmaele di le lesome le botlhano tsa Bafiletisa, eseng ka gore o ne a ba kopa, fela ka gore ba ne ba itse gore o ne a batla. Mme ba ne ba kgaola Bafiletisa bao, tsela yotlhe go ya sedibeng. Fa ba le babedi ba bone ba ne ba santse ba lwa, yo mongwe o ne a ga me—kgamelo ya gagwe ya metsi; ba bo ba lwa mo tseleng ya bone go boela morago, tsela yotlhe go ya morago, mme ba e neela Dafita. Bua ka ga bopelokgale!

⁵¹ Dafita, monna yo o poifoModimo yoo, ne a re, “Modimo a kganele gore nna ke rate go a nwa go tswa mo ditsaleng tsena tse di neng tsa tsenya matshelo a bone mo diphatseng.” Mme o ne a ntsha tshupelo ya seno; a a tshollela mo godimo ga mmu, ko go Morena. “A neeleng Morena. Ke Ena yo o tshwanelwang ke one, eseng nna.” Ba ne ba baya . . .

⁵² Sone setshwantsho sa ga Keresete ka Boene, ka Botshelo jo e Leng jwa Gagwe jwa Bosakhutleng mo teng ga Gagwe; Lefika le le iteilweng, ne a tshollela Botshelo jwa Gagwe mo godimo ga lefatshe, e le tshupelo ya boleo ka ntla rona, gore Lefoko lena le kgone go tshela.

⁵³ Ao, Baditshaba, jaaka ke ne ka bua, ke mang yo o tlaa somolang tshaka eo le nna? O batla seno se se phepa, mosong ono, eseng ditumelo tsena tsa bogologolo tse di kgotleletsegileng le dilo tse re tshametshamekisanang natso. O batla tumelo ya mmatota mo Lefokong la Gagwe, ba ba tlaa dumelang Lefoko lengwe le lengwe la Lone. A re yeng kwa sedibeng mme re buseng seno, tapoloso; kobamelo e e sa agiwang mo godimo ga ditumelo tsa kereke le lekoko. Fela Mowa wa mmatota wa kobamelo, ka Keresete mo gare ga rona, a tshela Botshelo jwa Gagwe ka tsela e A batlang go dira ka gona, mo gare ga rona, moo—moo ga se ka ditumelo tsa kereke le dilo tse di farologaneng. Mpe rona fela—fela re nneng Nae ka tsela eo.

⁵⁴ Jaanong, mo go latelang ke ka fa Modimo a neng a berekisana le batho ka toro, mo metlheng ya ga—ya ga Josefa. A lo ne lwa lemoga? Toro ke ga bobedi. Ke tsela ya bobedi ya Modimo a dira. Batho bangwe ba ka nna le ditoro, tse di sa reyeng sepe. O ka

ja mo go fetang wa bo o nna le digateledi. Mme toro ke tsela ya bobedi. Lo a bona? Fela goreng Modimo a sireletsa Morwa o e Leng wa Gagwe ka tsela ya ga bobedi? O ne a bonala ko go Josefa. Tshireletsego ya Ngwana o e Leng wa Gagwe, O ne a romela ka tsela e e leng ya ga bobedi. A lo kile lwa ba lwa akanya ka ga gone? Ka gore, go ne go se na moporofeti mo nageng. O ne a tshwanelwa go dira ka ditoro. Mme e ne e se toro e e neng e tshwanelwa go phuthololwa. Moengele wa Morena ne a re, “Josefa, se boife go itseela Marea mosadi wa gago, gonne yoo yo o ithwelweng mo go ene ke wa Mowa o o Boitshepo.”

⁵⁵ E ne e le selo se se sa tlwalesegang gore moo go diragale. Josefa e neng e le mosiami, ena... Go ne go sa tlwaelesega. Modimo ga a a tlwaelesega. Mme mo go sa tlwaelesegang go bokete gore go tlhaloganngwe. Moo ke lebaka go leng bokete thata go tlhaloganngwe Boammaaruri gompieno; Jone ga bo a tlwaelesega tota. Mosadi yo tshwanetseng go nna le ngwana ntengleng ga go itse monna, moo go ne go sa tlwaelesega thata.

Fela fa o tshepega ebile o le peloepheda, Modimo o kgona go bonala mo go wena le fa go ntse jalo mo torong. Go ya go supegetseng gore sengwe le sengwe se o nang naso, a kana ke monagano wa gago, a kana o kgona go letsa molodi, go opela, go paka, kgotsa eng le eng se o kgonang go se dira, fa sebele se se feletseng sa gago se ineetse mo Modimong, Modimo o kgona go go dirisa fa fela o ka Mo leseletsa go go dira.

⁵⁶ Fong, bosigo jo bo latelang golo fano, Mokaulengwe Neville ne a rera ka serutwa sa “go falola,” ka fa mo—motha a falotseng ka gona. Mme ke ne ka akanya gore ka mohuta mongwe go ne go lemosega.

Mme mosong ono Mowa o o Boitshepo okare o mpatla gore ke bereke ka serutwa sa lesedi, mo go latelang. Tswelela gone kwa pele, kwa tshimologong, ka fa botshelo jwa ga Keresete bo simolotseng ko bojelong ka gona, re tsamaela gone morago ka gone gape mo temaneng ya rona. Mme o ne a sa go itse; ke ne ke sa go itse; mme sone ke sena gone fa selong se se tshwanang. Lo a bona, gone go tswelela, selo se se latelang ke kwa Ena a tsenang mo bodireding jwa Gagwe. Mme bosigong jono re na le sengwe se se tlaa nyalanang sentle le moo, go tswelela gone kwa pele, bosigong jono, Morena fa a ratile.

⁵⁷ Jaanong, Lesedi le legolo! “Baditšhaba ba ba dutseng ko dikarolong tsa meriti ya loso, Lesedi le bonagetse mo gare ga bone. Ko Zabulone, le Nefethali, mo tse... bolebana le Galelea wa Baditšhaba, Lesedi le legolo, ba ne ba bona Lesedi le legolo.”

⁵⁸ Jaanong lesedi, lekgetlo la ntsha lesedi, re le bonang mo Baebeleng, le fithelwa mo go Genesi 1:3. E ne e le, Lefoko la Modimo le le builweng le dirilwe lesedi. Modimo ne a re, “A go nne lesedi,” Genesi 1:3, mme go ne ga nna le lesedi.

⁵⁹ Jaanong gakologelwang, fong, lesedi le tla ka Lefoko la Modimo le le builweng. Mme lesedi ke thurifatso, kgotsa serutwa se A se buileng, ke lesedi, nako e lesedi le fofang, go supegetsa gore (Modimo ne a re, “Lesedi a le nne gona.” Go ne go sena lesedi, mme O ne a re, “A go nne lesedi,” mme go ne ga nna le lesedi. Moo ke netefatso.) lesedi ke thurifatso ya Lefoko la Gagwe le le builweng, selo se se tshwanang gompieno, thurifatso ya Lefoko la Gagwe le le builweng.

⁶⁰ Jaanong nako e lo bonang Lefoko la Gagwe le rurifadiwa, kgotsa, ka mafoko a mangwe, le itsisiwa, le netefaditswe, moo ke le—Lesedi la Lefoko la Gagwe le le builweng. Mme, ntengleng ga lesedi, ga go sepe se se ka tshelang ntengleng ga lesedi. Ga go na botshelo mo godimo ga lefatshe gompieno fa e se jo bo tshwanelang go tla ka le—lesedi la letsatsi, mo botshelong jwa dimela, le jalo jalo. Mme ga go na Botshelo jwa Bosakhutleng kwa ntle ga Morwa Modimo. Lo a bona? Ena ke Lesedi.

⁶¹ Jaanong re fitlhela gore, ke a dumela, jaaka re ithuta jaanong, mme lesedi lena . . . “Lefatshe le ne le tobekanye.”

⁶² Jaanong, batho bangwe ba a ngangisana gompieno mo dikolong tsa rona, le jalo jalo, ka ga lefatshe le na le dingwaga di le didikadike tse kana, mme ba leka go nyatsa Baebele mme ba re E fositse. Bona fela ga ba, ga ba nke ba bala Baebele. Moo ke gotlhe. Ka gore, Baebele ga e re bolele lefatshe le na le dingwaga tse kae. Baebele ne ya re, “Ko tshimologong Modimo ne a tlhola magodimo le lefatshe.” Go fedile! Leng, jang, moo ke, ga re go itse. Jaanong, moo ke ga ntlha. Mme, moo ke khutlo, moo ke bokhutlo jwa seele seo.

⁶³ “Ko tshimologong Modimo ne a tlhola magodimo le lefatshe.” Go ka nna ga bo e ne e le lekgolo la didikadike, kgotsa dibilone, kgotsa le fa e le eng se e neng e le sone. Mme ka fa A go dirileng ka gone, moo go tswa mo go Ena go itse, lo a bona, eseng nna.

Fela lefatshe, sentle, “Lefatshe le ne le tobekanye, le sena sepe; mme metsi a ne a le mo godimo ga le—lefatshe. Mme Modimo,” ne a re, “ne a tsamaya mo godimo ga metsi.” Mme ne a re, “A go nne lesedi.”

⁶⁴ Jaanong, ke a dumela gore letsatsi, le jalo jalo, di ne di setse di le gona, ke a dumela, ngwedi. Jaaka e tswelela pele, Genesi 3, go go tlhalosa . . . Fela ke a dumela, se se neng se le fano, gore lefatshe, re ne re ile go le dirisa, mme ke gone ka moo . . . Mme le ne la tsena; go ne go na le mouwane le kapoko gotlhe mo godimo ga lefatshe, go le dira le lefifi. Mme Modimo ne a re, “A go nne lesedi,” mme lefifi le ne la nyelelela kgakala, me go ne ga nna le loapi le sena maru.

⁶⁵ Mme ke a dumela gore eo ke tsela ya Modimo ya go dira dilo. Ena . . . mo Baebeleng, temana e e latelang ya re, temana ya bo 4 ya re, “Mme O ne a kgaoganya lesedi mo lefifing. Mme lesedi O

ne a le bitsa ‘motshegare,’ mme lefifi A le bitsa ‘bosigo.’” Mme Lefoko la Modimo ka gale le kgaoganya Lesedi mo lefifing. Lo a bona? Ke Lefoko le le dirang tomololo, lo a bona, Lesedi mo lefifing.

⁶⁶ Modimo ka metlha yotlhe o dira selo se se tshwanang, nako e A ipaakantseng go dira sepe fela. Jaaka A ne a ipaakanyetsa go dirisa naledi ena ya kgale, kgotsa le fa e le eng se go neng go le sone, lefatshena, O ne a tshwanela go lomolola lesedi mo lefifing. Nako e Ena a ipaakanyang go tloga, go dirisa se-setlhophsa batho, O tshwanela go lomolola Lesedi mo lefifing. Nako e A ipaakanyang go dirisa motho ka nosi, Ena o lomolola Lesedi mo lefifing. Lo a bona?

⁶⁷ Lesedi le tla ka Modimo. Mme le . . . Gakologelwa, lesedi le tla ka Lefoko la Gagwe le le boletsweng. Lefoko la Modimo ne la re, “A go nne lesedi,” nako e go neng go sena lesedi, mme O ne a romela lesedi go kgaoganya lefifi mo leseding.

⁶⁸ Lefoko lena la taolo le ne la phepfatsa loapi gore letsatsi le kgone go phatsima mo teng. Mme Lefoko la Gagwe gompieno ke se se phepfatsang se tlosa gotlhe ga diemo tsa tumologo.

⁶⁹ Ke ne ke bua, ke nnile le—ke nnile le, ke a akanya, dipotsolotso di le lesome le motso pele fela ga ke ne ke ya felong ga therelo mosong ono, teng kwa. Mo go maswe thata . . .

⁷⁰ Maloba tsala e nnye ya me, Jim Poole, mosimanyana wa gagwe, ba ne ba akantse gore o ne a na le tlhaselo ya pelo, ne ba mo sianisetsa ko kokelong. E ne e le seemo sa khupelo, se ne se latlhetsese mogomanyana yo . . . O ne a sa kgone . . . Pelonyana ya gagwe e tlolatlola, le go hema, mme—mme go bokolela ebile a sa kgone go hema, mme mogomanyana ne a lebega okare o a swa, nako e ba neng ba mo tlisa fano. Mme ke ne ke le gaufi le go ya kokelong; ba ne ba mo tlisa fano. Mme ke ne ka tshwara seatla sa gagwe se se nnye; ka re, “Se se go dirileng, mmokwane o tshwere ngwana. Mme, mmokwane, febara e tshwere mogoma yo monnye. Lo mo eleng tlhoko. Mo malatsing a le mmalwa ke batla go mmona gape. O tlaa bo a tletse ka mmokwane.” Mme ena ke yona a tletse ka mmokwane, lo a bona. Lo a bona?

⁷¹ Jaanong, eng? Modimo o kgaoganya lefifi mo leseding, kgotsa lesedi mo lefifing. Mme O kgaoganya loso mo Botshelong, mme O go dira ka Lefoko la Gagwe. Lefoko la Gagwe ke se ka gale se tlisang mona pontsheng.

⁷² Jaanong, lesedi! Sentle, jaanong, peo e ne e setse e le mo lefatsheng. Ke a dumela Modimo o ne a jwadile peo. Mme fa fela letsatsi le ka kgona go fitlhelela peo eo, e ne ya simolola go gola. Mme moo ke lebaka go tsereng fela malatsi go tlisa dilo tsena, ka gore peo e ne e setse e le mo lefatsheng. Gotlhe mo e neng e go tlhoka ke lesedi.

⁷³ Mme moo ke tsela e Modimo a nang nayo gompieno. Peo ya Gagwe e setse e le fano, Lefoko la Gagwe. Selo se le nosi se

E se tlhokang ke Lesedi mo go Yone. Mme Ena ke Lesedi leo, gonne Ena ke Lefoko. Lefoko le Lesedi ke selo se se tshwanang. Botshelo teng moo ke Lesedi la Lefoko, lo a bona, ke Botshelo. Tshimologo ya botshelo e ntse gone mo teng ga tlhaka, mme tlhaka...botshelo ke se se tlhogang mme se ntshe botshelo mo teng ga tlhaka. Moo ke tsela e Keresete, mo Lefokong, a dirang Lefoko le dire se Le tshwanetseng go se dira. Fela jaaka botshelo mo tlhakeng ya lebele, kgotsa le fa e le eng e go leng yone; go dira lebele le dire se le tshwanetseng go se dira, ka gore gone ke botshelo jo bo leng mo go lone. Botshelo jotlhe!

⁷⁴ Jalo he, Botshelo ke fela ka Lefoko la Modimo le bonaditswe. Botshelo bo tla fela ka Lefoko la Modimo le bonaditswe. Fa fela go le fela mo Bukeng, jaana, go santsane go ka botsolotswa. Fela nako e go bonaditsweng, fong lo bona se se dirilweng sa se Le neng la bua ka gone, se bonatswa, fong moo Lesedi mo le—mo Lefokong. Lo a bona? Moo ke se se tlisang...Lefoko le ne la bua jalo, mme, fong, nako e go diragalang, moo ke Botshelo mo Leseding, Lesedi le tlisa Botshelo. Lesedi le tlisa Botshelo.

⁷⁵ Jwala mabele fa ntle fano, a tlaa...mme o a tsenye mo bodilong jo bo kwa tlase, a bipe gotlhe, mme one a tlaa—one ga a kitla a tlhoga sepe, ka gore ga e kake. Ga go na lesedi foo. Fela ka bonako fela fa lesedi le a ama, fong a tlaa tlhoga botshelo fa e le peo e e nonneng.

Moo ke selo se se tshwanang se go leng sone mo Lefokong. Lo a bona, Lefoko ke Modimo, mme nako e Botshelo bo Le amang, bo Le tlisa...Lesedi le Le amang, le tshedisa Lefoko gape. Paka nngwe le nngwe e tlhotse e ntse jalo. Ao, ka fa re lebogelang dilo tse dikgolo tsena, ka fa Lefoko le rurifaditsweng e leng Lesedi la Lefoko le le boletsweng. Lo a bona?

Modimo ne a re, “Lesedi a le nne teng.”

⁷⁶ Jaanong, go ka tweng fa A ne a go buile fela mme ga se nne lesedi le le tllang? Fong rona ga re itse a kana gone ke boammaaruri kgotsa nnyaya. Ga re itse a kana Ena o siame. Ga re itse a kana Ena ke Modimo kgotsa nnyaya, ka gore Ena o ne a bua fela a re, “A go nne teng,” mme go ne ga se nne sepe. Lo a bona?

Jalo he fong nako e Modimo a buang mme re bona go ntse gona, fong moo ke Lesedi le le phatsimelang pontsheng, Boammaaruri jwa Lefoko. Lo a bona? Go na le Lesedi le Botshelo.

⁷⁷ Botshelo jotlhe jwa tlholego bo tla ka Lefoko la Gagwe le le boletsweng. Mme letsatsi ke Lefoko la Gagwe le le boletsweng. O ne a re O tlhodile lesedi le legolo ko magodimong, la motshegare, le lesedi le lennye la bosigo. Lo a bona? Mme botshelo jotlhe jwa tlholego bo tshwanetse gore bo tle ka Lefoko la Modimo le le boletsweng. Sethunya ga se kake sa gola ntleng le lesedi la Lefoko la Modimo le le boletsweng le phatsima mo godimo ga

lone, gonne letsatsi ke, l-e-t-s-a-t-s-i, ke Lefoko la Modimo le le boletsweng, nako e A neng a re, "Lesedi a le nne teng." Lo a bona? Ke botshelo jwa Modimo jo bo boletsweng. Mme go sa kgathalesege thata ka fa batho ba lekang go—go bua *sena, sele*, kgotsa se *sengwe*, go tlaa santse go sala go tshwana. O tshwanetse o nne le letsatsi leo, jalo he botshelo, jwa tlholego, bo kgona fela go tla ka Lefoko la Modimo le le boletsweng.

⁷⁸ Mme Botshelo jwa semowa, Botshelo jwa Bosakhutleng, bo kgona go tla fela ka Lefoko la Modimo la Botshelo le le boletsweng. Botshelo e ne e le M-o-r-w-a mo nakong ena. Mo go Ena ke Lesedi, ebie mo go Ena ga go na lefifi; mme Ena ke Lesedi la Modimo le le boletsweng. A go ntse jalo? [Phuthego ya re, "Amen."—Mor.] Lefoko la Modimo le le boletsweng, gonne, "Ko tshimologong go ne go le Lefoko, mme Lefoko le ne le na le Modimo, mme Lefoko e ne e le Modimo." Mme Lone ke Modimo ka bosafeleng. Lo a bona?

Mme go tlhoka Lesedi la Modimo go ama Lefoko, go le dira Le tshele. *Mona* ke se A se buileng [Mokaulengwe Branham o phophotha Baebele ya gagwe—Mor.], jaanong a Lesedi le phatsime! Amen! A Lesedi le phatsime, mme Lesedi le tlaa tlisa Lefoko lengwe le lengwe ko bonnong jwa Lone jo bo tshwanetseng, mo pakeng ya lone. Amen! Ao! Lo a bona, fa go nna nako!

⁷⁹ Dinako dingwe tlhaka eo e nna moo mo lefatsheng, e sa tshele, gotlhe go ralala ma—mariga, jaaka peo, mabele a mariga a jwadiwle mo mmung. Fela nako e letsatsi leo le nnang fela le le siameng, ao, e tshwanetse gore e tshele. Lo a bona? Mme ga e kake ya tshela kwa ntle ga letsatsi.

Mme Modimo o dirile ditsholofetsa tsa paka nngwe le nngwe le letsatsi lengwe le lengwe. Mme nako e Lesedi le siamang, mme le phatsimela moo, e tlaa ntsha fela totatota se Lefoko le se buileng, ka gore Ena ke Lesedi le Botshelo.

⁸⁰ Lefoko la Modimo le tla fela ka Baebele. Baebele ya Modimo ke po—popego e e gatisitsweng ya Morwa Modimo, ka gore Baebele e rile gore Yone ke tshenolo ya ga Jesu Keresete. Ke Modimo a Itshenola ka Keresete, mme Keresete ke Lefoko. Mme go tlhoka Lesedi la Modimo go phatismela mo Lefokong leo, go Le rurifatsa, go netefatsa gore Modimo o santsane a bua Botshelo, Botshelo jwa Bosakhutleng. O bua lesedi la tlholego, le tlise botshelo. Botshelo bo tla fela ka Lesedi, Lefoko le bonaditswe, kgotsa le dirilwe nama. Nako e ditsholofetso tsotlhe di fetogang, mo Baebele, di bonatwang, ke nako e Jesu Keresete, Lefoko, a neng a dirwa nama mo gare ga rona. Modimo ka gale o bereka ka motho. Motho o buswa ke Modimo.

⁸¹ Jaanong, fa go nna mogotenyan teng mona mo go lona, lo ka gogela matlhabaphefo fa tlase, kgotsa eng le eng se lo eletsang go se dira, lwa isa leubelo ko tlase. Gongwe motlhokomedi o

tlaa isa leubelo ko tlase gannye. Ke a bona gore ba le bantsi ba mogote. Mme go mogote go ema fano, le gone, jalo he—jalo he gakologelwang moo. Nna ke itumelela gore go mogote mo boemong jwa go nna tsididi, ka gore ke—ke rata mogote. Nna... Mogote o tlhola o tlisa lesedi, botshelo, go tlhoka molelo.

⁸² Lemogang jaanong, “le dirilwe nama.” Nako e Lefoko le nnang nama, Le a bonatshega. Jaaka, tsaya Lefoko mme o Le tsenye mo bonnong jo bo tshwanetseng le mohuteng o o tshwanetseng wa mmu, Le tlaa tlhoga. Pe—peo e tlaa ungwa mohuta o e leng wa yone. Mme Lefoko, le tlisitswe mo mohuteng o o tshwanetseng wa pelo, le tlaa Iponatsa. Le tlaa tlisa lesedi pontsheng. Le tlaa tlhagelela mo go lone. Go siame.

⁸³ Ga go sepe sa tlholego, ga go sepe sa tlholego kgotsa sa semowa, se se ka tshelang ntengleng le Lesedi la Modimo. Botshelo bo kgona go tla fela ka nttha ya Lesedi. Ga go sepe sa tlholego kgotsa sepe sa semowa se se tshelang ntengleng le Lesedi la Modimo. Akanyang ka ga seo. Go siame. Fela nako e A re romellang Lesedi, lo a bona, mme a dira dilo tsotlhе tsena, mme rona re tloga re Le gana; jaanong moo ke karolo e e utlwisang botlhoko, ke nako e Lesedi le ganwang ka yone nako e le romeletsweng rona.

⁸⁴ Jaanong a lona lo ka gopola monna mongwe gompieno a re, “Nna ke gana fela go re go na le sengwe se se jaaka letsatsi. Ga ke dumele fa go na le letsatsi”? Mme a tabogelege golo ko bodilong jo bo kwa tlase, mme—mme a tswale mejako yotlhе, mme a dule morago mo lefifing, mme ne a re, “Ga go na selo se se jaaka letsatsi. Ga go na selo se se jaaka lesedi.” Lo tlaa itse, gone ka bonako, go na le sengwe se se phoso mo monaganong ka motho yoo. Lo a bona? Go na le sengwe se se phoso, nako e a tabogelang morago ko bodilong jo bo kwa tlase mme a ganang go amogela mosola wa lesedi le le neilweng ke Modimo. Go na le sengwe se e phoso ka ga ena. Ga a batle marang a lone a a bothito. Ga batle boleng jwa lone jo bo abang botsogo. Ga a batle lesedi la lone, go tsamaya mo go lone. O ka mpa a nna mo lefifing. Go supegetsa, mo tlhalonganyong, gore sengwe se phoso, mo tlholegong, ka motho yo.

⁸⁵ Mme ke bua mona ka lorato lotlhe le tlhompho. Jalo he go na le sengwe se se phoso mo moweng ka motho yo o tabogelang morago ko makokong a gagwe a tumelo ya kereke mme a gana go bona Lesedi la Baebele nako e le phatsimelang gone mo pele ga gagwe. Go na le sengwe se se phoso ka ena. Lo a bona, a boela morago ko ditumelong tsa gagwe tsa kereke le dipopegong, mme a tswala mojako ebile a re, “Ga go na selo se se jaaka Seo. Malatsi a metlholo a fetile. Ga go na selo se se jaaka phodiso ya Semodimo, ga go na sepe sa dilo tsena. Moo e ne e le ga moapostolo.” Monna yona o a peka mo moweng. Lo a bona? Go na le sengwe se se phoso ka ena. O—o—o gogetse disiro ko tlase a bo a gana Mowa o o Boitshepo o o ka tllang mo go ena. Fa a ka...

“Fa lo nna mo go Nna, le Mafoko a Me mo go lona, ka ntlha eo, Lesedi le phatsimela mo Lefokong lena, kopang se lo se ratang.” Lo a bona? Lo a bona?

⁸⁶ Go na le sengwe se se phoso, gore ena a tle a gane metswedi e e abilweng ke Modimo e Modimo a re e neileng go tshela ka yone, Lefoko la Gagwe. “Basiami ba tla tshela ka tumelo.”

“Mme motho ga a tle go tshela ka senkgwe se le sosi, fela ka Lefoko lengwe le lengwe,” e sang bontlhanngwe jwa Lefoko, “Lefoko lengwe le lengwe le le tswang mo molomong wa Modimo.” Mme nako e motho a tlaa ganang fela Leo, go na le sengwe se se phoso ka motho yoo; sengwe se phoso ka maitemogelo a gagwe, gore ena o ipolela a rata Modimo mme a tloge a gane Modimo. Go na le sengwe se neng sa nna phoso ka motho yo. Re itse moo, ntleng ga moriti wa pelaelo. O a Le gana, a tabogele mo lefelong lena, mme a re, “Jaanong nna fela . . . Ga ke batle go itse sepe ka ga Lone. O sekwa wa mpolelala sepe ka ga dilo Tsena. Nna, nna ga ke dumele sepe ka ga Lone. Wena, ga go kgathalesege se o se buang!”

⁸⁷ Mogoma ne a re, go se bogologolo. Ke neng ke lo bolelela ka ga ena. O ne a re, “Ga ke kgathale fa o tlaa tlisa dikankere di le masome a matlhano, mme wa tlisa dingaka tse masome a matlhano go supa ka ga tsone, Ga ke dumele. Ga ke kgathale fa o tlaa tsosa baswi, gone mo pele ga me, ga ke na go go dumela.” Lo a bona, go na le sengwe se se phoso ka motho yoo. Se—se—se gone. Mme—mme, le fa go ntse jalo, monna yo ke modiredi, lo a bona, lo a bona, go itlhongwa e le modiredi.

Fela ka gore fela lekgotla leo ga le dumele mo—mo dithateng tsa Modimo, ga le dumele gore (Lefoko) Le raya fela se Le se buang, monna yo o tabogela ko bodilong jona jo bo kwa tlase, bodilo jo bo kwa tlase jo bo nkgang bokgola, jo bo maswe, jo bo leswe jwa lekgotla, mme a gana marang a Mowa o o Boitshepo a a bothito ebile a a nayang Botshelo, Jesu Keresete, yo o tshwanang maabane, gompieno, le ka bosaeng kae. Go raya gore go na le sengwe se se phoso ka motho yoo. Lo a bona?

Ena go botoka a tshele mo lefifi leo, le le nkgang bokgola, le jalo jalo, go na le go tshela mo Leseding la Modimo le la Baebele le le rileng, gore, “Jesu Keresete o tshwana maabane, gompieno le ka bosaeng kae. Ditiro tse Ke di dirang lo tla di dira le lona. Ebile tse dintsi go na le mona lo tla di dira, gonne Ke ya ko go Rrê.” Go na le sengwe se se phoso ka motho yoo. Go sena pelaelo, gotlhelele, go na le sengwe se se phoso.

⁸⁸ Mme ko go wena monna yo o rereditseng mona, go kgabaganya lefatshe, le e le kae kwa o ka bong o le gone. Go na le sengwe se se phoso ka maitemogelo a lona, fa lo re lo rata Modimo le bo lo gana Lefoko la Gagwe. Go na le sengwe. Lo gana gone . . . Ga e kgane dilo di sa kgone, kereke e mo seemong se e leng mo go sone, le dilo ga di kgone go diriwa jaaka Modimo a soloeditse, ke

ka gore ga lo rate le e leng go amogela Lefoko kgotsa go tsamaya mo Leseding. Baebele e ne ya re, "A re tsamayeng mo Leseding, ka Ena a le mo Leseding, ka ntlha eo Madi a ga Jesu Keresete, Morwa Modimo, a re ntla fatsa mo boleong jotlhe." Boleo ke "tumologo."

⁸⁹ Go raya gore fa re tsamaya mo Leseding le le abilweng ke Modimo la oura, ka ntlha eo Modimo o tsaya Lefoko leo le le abetsweng oura mme a Le rurifatse.

Fela jaaka A dirile mo go Genesi 1:3, ne a re, "A go nne lesedi," mme lesedi le ne la tlhagelela pontsheng. Lefoko la Gagwe le ne la tswelela, mme lesedi le ne la Le latela, la bo le tlosa mouwane. Mme lefifi le ne la ya kwa kgokgotshwaneng e le nngwe, mme lesedi la phatsimela mo letlhakoreng le lengwe.

⁹⁰ Moo ke tsela e Modimo a dirang ka yone gompieno. O romela Lefoko la Gagwe la oura ena, mme Mowa o o Boitshepo o a tla o bo o dira Lefoko leo gore le tshele. Mme lefifi le a tswelela le ye ko ditumelong tsa bone tsa kereke le makoko, fela Lesedi le a phatsima ka gore ke Lefoko la Modimo le rurifadiwa gore Lefoko la Gagwe ke boammaaruri. Jaanong, ga go na sepe se se ikakanyeditsweng ka ga moo, moo ke fela totatota go ya ka Dikwalo. Go siame.

⁹¹ Jaanong, re fitlhela gore ba—banna ba ba botlhale, banna ba ba botlhale ba Bogologolo, ba ne ba latela boleng jo bo neng bo abilwe ke Modimo. Ba ne ba latela Lefoko la Modimo, go ya Leseding, ka gore e ne e le Lefoko le le neng le tlisa Botshelo. Jaanong lwa re, "Ba ne ba latela jang?" Sentle, ba ne ba le, ka mohuta mongwe, didupe, re a tlhaloganya.

⁹² Mme fong re fitlhela gore Balame, moporofeti, morago ko go Dipalo 24:17, Balame o ne ka mokgwa mongwe e le sedupe ka boene. E ne e le moporofeti, ka nnete, mme o ne a porofeta fano mme ne a re Naledi e tlaa tthatloga go tswa mo go Jakobo.

Mme nako e banna bana ba ba botlhale ba neng ba bona gore Lefoko la Modimo le buile gore Naledi e tlaa tthatloga go tswa mo go Jakobo, ba ne ba latela sesupo se sennye seo se se abilweng ke Modimo go ya motsweding wa Lesedi la Bosakhutleng.

Le banna ba ba botlhale ba tlaa dira jalo gompieno, ba ba sa foufadiwang ke ditumelo tsa dikereke, ba tlaa latela Lefoko le le boletseng le le neilweng ke Modimo, go fitlhela ba bona botlalo jwa Thata ya Modimo e thuntse mo oureng ena. Ba, ba a go bona, mme ba itse gore go fano mo Lokwalong. Modimo o go solo feleditse mothla ona.

⁹³ Ga go kgathalesege gore ke dikago di le kae tsa go lepa lefaufau, ke dilo di le kae tse dints, tse di neng di bolelela banna ba ba botlhale, "Goreng, lona lo a tsenwa!" Ba ne ba sepela dingwaga tse pedi. Ba ne ba feta ka ditshaba tse dints, mme ba ne ba tle ba re, "Le ya kae?"

⁹⁴ “Ao, re bone Naledi ya Gagwe ko Botlhaba-tsatsi, mme re tlide go Mo obamela.”

Mme nako e ba neng ba tlhomagane ko Jerusalema, dikantoro-kgolo tsa lekoko, ba ne ba se na karabo. Ba ne ba ya kwa godimo le tlase mo mebileng, ba goa, “O kae, yo o tsetsweng e le Kgosi ya Bajuta?” Ba ne ba sa itse sepe ka ga gone.

Jalo he, ba ne ba lebelela mo Lefokong, go batlisisa. Ba ne ba latela, ba itse gore Naledi eo e ne e ba etelela pele ko Leseding la Bosakhutleng. “Re kaele ko Leseding la Gago le le itekanetseng.” Mme Lefoko ke se se re kaelang kwa Leseding, mme Lesedi ke se se dirang gore Lefoko le rurifadiwe. Lemogang, e ne e le banna ba ba botlhale.

⁹⁵ Mme banna ba ba botlhale gompieno, eseng botlha-... “Botlhale jwa lefatshe lena ke boeleele mo Modimong.” Boramaranyane botlhe ba lona, le lona batho ba lo ikaegileng mo dithutegong dingwe tse dikgolo, kgotsa sengwe se sele, se lo bolelela ka fa lo ka kgaoganyamg athomo ka gone; ga go kake ga lo naya Botshelo. Ga go na sepe se se ka lo nayang Botshelo fa e se Lefoko la Modimo le le boletsweng. Ke selo se le nosi kwa Botshelo joo bo ka tlang, ke ka Lefoko la Gagwe le le boletsweng.

⁹⁶ Mme moo go siame, go itse ka fa athomo e kgaoganggwang ka gona. Ke eletsa gore ba ka bo ba seka ba itse. Fela fa bona ba... Ba tshwanetse go go dira, ka gore lefatshe lena le kaletse gompieno... Go ne go tshwanetse gore go diragale, go phatlakanya melete e megolo ena mo lefatsheng, go dira gore loraga leo la dikgwamolelo lo tlhagelele mme le ntshwafatse lefatshe gape, go le dira lefatshe le lentshwa; kwa basiami ba tlaa tsamaelang ntle mo godimo ga lerole lwa baikepi, kwa boleo bo tlaa bong bo lebetswe. Sengwe le sengwe se na le tsela ya go intshwafatsa. Mme motho, yo neng a newa gore a tshele mo lefatsheng lena, ka botlhale jo e leng jwa gagwe, a tsaya setlhare sa kitso mo boemong jwa Setlhare sa Botshelo, o tlaa senya lefatshe le Modimo a le mo neileng go tshela mo go lone. Fela bao ba ba santseng ba le mo Setlhareng sa Botshelo, ba tla tla ko magodimong a maša le lefatsheng le lentshwa, kwa go senang bolwetsi kgotsa loso. Lesedi! Lesedi, Morena, re romelele Lesedi.

⁹⁷ E ne e le Baengele ba Modimo ba ba neng ba bonesa lesedi mo lekgabaneng, go kaela badisa go ya kwa Leseding la Bosakhutleng. Lo a bona, bo tla fela ka Lesedi. Botshelo bo kgona go tla fela ka Lesedi. Badisa, ba neng ba batla go itse. Lo a itse, fa kgosi e tsetswe, ba nna le moopelo, go tswelela mo gontsi, fa kgosi e tsetswe. Jaanong, O ne a tsetswe ka sephiri thata, mme a tsaletswe mo setaleng, mo bo—mo bojelong kwa dikgomo le dipitise di neng di ja gone, fela le fa go ntse jalo E ne e le Kgosi. Mme bae—Baengele ba ne ba fologa mme ba opelela badisa difela, mo Leseding.

Baengele, ka bobone, e ne le masedi a a neng a bonala le Lefoko la Modimo. Ba ne ba na le Lefoko la Modimo, mme ba ba bolelela gore, “Gompieno, mo motseng wa ga Dafita, mo Bethelehema, go tsetswe Keresete Mmoloki.” Baengele ba ne ba na le Lefoko, mme Lefoko le ne le tlide ka Lesedi, go supetsa tsela. Mme ba ne ba latela Lefoko la Baengele, go ya Leseding la Bosakhutleng. Ba ne ba fitlhela Losea koo, le fapilwe mo letseleng la sefapo, jaaka Ba ne ba buile. Gonane, lo a bona, Botshelo bo tla fela ka Lesedi.

⁹⁸ Lemogang, E ne e le Lefoko le dirilwe Lesedi, kgotsa le fetogile la nna Lesedi. Lefoko mo kokomaneng eo, O ne a le Lefoko Lesedi la kokomanana eo, ka gore baporofeti ba bogologolo ba ne ba boletse ka ga Ena, mme Ena ke yona a tla mme a rurifatsa gore O ne a le Lesedi la Lefoko la Modimo le le boletsweng. Lo a bona? Tsotlhе tse baporofeti ba neng ba—ba neng ba di buile, di ne di diragaditswe mo go Ena, lo a bona, baporofeti morago fano ka Lefoko.

Jaaka Modimo a ne a ntse ka gona kwa tshimologong, nako e A neng a re, “A go nne lesedi,” mme lesedi le ne la tla.

Jaanong moporofeti ne a re, “Kgarebana e tla ithwala, e tsale Morwa. Ba tla bitsa Leina la Gagwe Emanuele, gonane E tlaa bo e le Modimo a na le rona.” Jaanong, ba ne ba go buile, Lefoko le ne le tswetse kong; fela E ne e le Lesedi. O ne a le Eng? Tiragatso. Haleluya! O ne a le tiragatso ya Lefoko leo. O ne a le ponatshego ya Lefoko leo.

⁹⁹ Go jalo le gompieno, Lefoko la Modimo le ne la diragadiwa fa oureng! Moo ke Lesedi. Ke Modimo a Iponatsha. E ne e le Lesedi la lefatshe.

¹⁰⁰ Mme nako e moporofeti, a tlhotlheditswe ke Mowa o o Boitshepo, ne a re, “Ngwana re mo tsaletswe, mo—Morwa re mo neilwe, kgotsa Ngwana o neilwe; mme Leina la Gagwe go tla twe ke ‘Mogakolodi, Kgosana ya Kagiso, Modimo Mothati, Rara wa Bosafeleng,’” ke gone moo. O ne a le Eng? Lesedi le le diragaditseng Lefoko leo, amen, Lesedi le le diragaditseng Lefoko leo.

¹⁰¹ Mo go Matheo, mo go Moitshepi Matheo kgaolo ya bo 28, re fitlhela gone. Mme erile Jesu a ne a tsogile mo baswing, Ena gape e ne e le Lesedi la Lefoko le le boletsweng la ga Dafita, le le neng la re, “Ga Ke na go tlhogela mowa wa Gagwe wa botho ko bobipong; ebile ga Ke na go leseletsa Moitshepi wa Me go bona go bola.” Loso le ne le le mo lefifing. Fela O ne a butse a phutholola dikano tsa loso, a bo a tsamaela ka mo go lona, mme a boela fa ntle gape. E ne e le Lesedi, Lefoko le le rurifaditsweng, gore baswi ba kgona go tshela morago ga ba ne ba sole. O ne a ntse jalo.

¹⁰² Ka Letsatsi la Pentekoste, moo e ne le Lesedi le le neng la bonagala nako e Mowa o o Boitshepo o neng o tla.

Isaia ne a re, mo kgaolong ya bo 28 ya ga Isaia, Isaia ne a re, ka, “Kaelo e tshwanetse go nna mo kaelong; seele mo seeleng; gannye fano, le gannye fale.” “Tshwarelelang seo se se siameng.” “Gonne ka dipounama tse di korakoretsang le ka diteme tse dingwe Ke tlaa bua le batho bana. Mme mona ke boitapoloso, mona ke Sabata se Ke tlaa se neelang . . . Mme gotlhe mona ga ba tle go go utlwa; ba tlaa tsamaela kong, ba thukhutha ditlhogo tsa bona.”

Mme erile ka Letsatsi la Pentekoste, nako e Mowa o o Boitshepo o neng o fologela mo bathong bao, mme ba ne ba itshwere jaaka banna le basadi ba ba tagilweng, ba theekelela fa tlase ga ditlamorago tsa Mowa o o Boitshepo. Mme ba ne ba tloga ebole ba thukhutha ditlhogo tas bona, mme ba re, “Batho bana ba tagilwe, ba tletse ka moweine o moša,” le jalo jalo. Gone go sena pelaelo e ne e le Lesedi, Lefoko le le neng le ntse le porofetilwe, le bonaditswe.

¹⁰³ Go ntse jalo mo pakeng nngwe le nngwe, Lefoko le bonaditswe, le tlie fa Botshelong, ke Lesedi la paka eo, foo Lefoko le bonaditswe. Fela jaaka go ne go ntse ka gona ko Genesi 1, nako e Modimo a neng a buile gore, “A go nne lesedi,” mme go ne ga nna lesedi. Nako e Modimo a neng a rile go tlaa nna le Morwa; mme go ne ga nna le Morwa.

¹⁰⁴ Nako e Modimo a neng a rile, mo go Joele 2:28, “Go tla diragala mo metheng ya bofelo, Ke tla tshollela Mowa wa Me mo nameng yotlhe; barwa le barwadia lona ba tla porofeta; mo malateng le bahuleng ba Me Ke tlaa tshollela Mowa wa Me; makau a lona a tla bona diponatshegelo; banna bagolo ba lona ba tla bona ditoro.” Mme dilo tsotlhe tsena tse A di solofeditseng, nako e One, Mowa o o Boitshepo o neng o fologa, e ne e le Lesedi mo Lefokong leo. Nako e Lefoko le neng le bonaditswe, fong Le ne la fetoga la nna Lesedi.

Ena ke Lesedi. Ena ke Lesedi le re tshwanelang go latela. Ena ke Lesedi le le nosi. Baengele ba bone Lesedi, mme ba Le latela go ya kwa go Ena.

¹⁰⁵ Jaanong, mo dipakeng tsotlhe, Modimo o ne a baya mo go kana ga Lefoko la Gagwe go nna la paka nngwe le nngwe ka nosi. Modimo o tlhola a romela mongwe yo Lefoko leo le ka kgonang go tsena mo go ena mme le supegetse Lesedi la Lone. Gore, paka nngwe le nngwe, e dira selo se se tshwanang, e tlhola e dira seo.

¹⁰⁶ O ne a le tiragatso, jaaka ke buile, ya dithata tsotlhe tse di boitshepo tsa Semodimo, tsa baporofeti. Ba ne ba le medimo e mebotlana. Nako e Lefoko la Morena le neng le tla mo mothong, Jesu ne a re, ka Sebele, gore e ne e le modimo. Lo itse moo. O ne a re, “Fa molao wa lona o buile, le boraalona morago kwa, ba ne ba ba bitsa, ba Lefoko la Modimo le neng le tla ko go bona, le ba bitsa ‘medimo,’ le ka Nkgala jang, ke re, nako e ke reng, ‘Nna Ke Morwa Modimo?’” Lo a bona?

Nako e, ena Modimo ka Sebele, Yo o buileng Lefoko ka baporofeti, O ne a le ponatshego ya Lefoko le le boletsweng leo. Mme fa moporofeti a ne a bidiwa modimo, ke gore o ne a le ponatshego ya Lefoko la moporofeti yo mongwe, lo ka Mo kgala jang nako e A neng a le selo se se tshwanang? E ne e le Morwa Modimo, jaaka A tla bidiwa Morwa Modimo.

¹⁰⁷ E ne e le Mesia yo o sa bolong go sololediwa yo lefatshe le neng le mo letetse. E ne e le tsholofetsa ya Mesia e bonaditswe.

¹⁰⁸ Mo lebeng nako e A neng a eme foo. O ne a re, “Fa Ke sa dire ditiro tsa ga Rrê, fong Nkgaleng.” Lo a bona? “Fela fa lo sa se kgone go Ntumela, dumelang ditiro tse Ke di dirang. Tsone di supa Yo Ke leng ena. Di lo bolelala Yo Ke leng ena.”

Lo a bona, oura e e foufetseng, e e fifaditsweng eo e ba tshelang mo go yone, ba ne ba sa kgone go Le bona. Bona fela ba ne ba sa kgone go tlhaloganya. “A ka nna Moo jang? A ka nna Morwa Modimo ope jang, nako e Ena a neng a tsaletswe gone fano mo Bethelehema?” Fa fela ba ne ba itsile, Lefoko le ne le buile gore Go tlaa tla ka tsela eo. “Goreng, Rraagwe, Josefa, ke mmetli. Mmaagwe, goreng, totatota go a dumelwa mo gare ga bakaulengwe ba rona gore O tsetwe e le leselwana.” Lo a bona? Fela le fa go ntse jalo Lefoko la Modimo le ne la bua moo.

¹⁰⁹ O ne a re, “Phuruphutsang Dikwalo, gonne mo go Tsone lo akanya gore lo na le Botshelo jwa Bosakhleng, mme Ke Tsone tota tse di supang Yo Nna ke leng ene. Ke Tsone tse di supang ka ga Me, Dikwalo tsena tse di Boitshepo.” Ka ntlha eo O ne a le eng? Lesedi la Modimo. Ga e kgane A ne a re, “Ke nna Lesedi la lefatshe.”

¹¹⁰ Ga A ka a bua fela a re, “Ke nna Lesedi,” fela O ne a re, “Lo Lesedi.” Fa Lefoko la Gagwe lo le mo go lona, lo Itshupa, go raya gore lona lo Lesedi la lefatshe. Lemogang, re fitlhela gore, Lesedi la paka nngwe le nngwe le ne le bonatsa fela ka go tshwana.

¹¹¹ Fong ke batla go botsa potso, jaaka . . . pele ga nako ya rona e sia. Goreng, goreng e le gore ba ne ba . . . ba ne ba go gana? Ba ne ba ka go dira jang, nako e bae . . . Yone Baebele ya bone, e ba neng ba e bala, e ne e bonaditswe mo pele ga bone. Jaanong ithuteng ka tlhoafalo tota jaanong.

¹¹² Jaanong gakologelwang, nna ke bua le batho ba le bantsi ka nako ena, lo a bona. Eseng fela makgolo a le manê kgotsa a le matlhano fano, fela nna ke—nna ke bua le dikete di le dintsi.

¹¹³ Emang motsotsa fela. Emisang theipi ya lona mme lo botse potso. Goreng motho yo o bodumedi, motho yo o siameng . . . Goreng Josefa a tlaa botsolotsa? Lo a bona? Goreng a ne a tlaa dira Jo— . . . ? Ka gore ga a ise a ko a batlisise Lokwalo.

Goreng baperesiti ba ne ba belaela? Lebaka le le lengwe le ba neng ba sa . . . ba ne ba go itse. Nikotemo o ne a go bua sentle. O ne a re, “Rabi, re a itse O moruti yo o tswang ko Modimong.

Ga go motho yo o ka dirang se O se dirang ntleng le fa Modimo a na nae. Re lemoga seo." Fela e ne e le eng? Dingwao tsa bona di ne di ba kganelo go go dira.

¹¹⁴ Fong goreng ba ne ba dira, ba ne ba gana Mesia? Ke ka go... Goreng ba ne ba gana Lesedi leo? Lefoko ke lana le ba neng ba itse gore le ne le diragala, fela nako e Lefoko le neng le bonatswa go supegetsa gore Lefoko la Modimo le ne le diragaditswe (Tshwantshanya moo le gompieno. Lo a bona?) nako e foo, go kwadilwe mo Lefokong, gore moo go ne go tlaa diragala, fong goreng banna bao ba ne ba go gana? Baruti. Ka gore ba ne ba tshela mo phatsimong ya lesedi le lengwe. Ke gone. Ba ne ba tshela mo phatsimong.

Moo ke selo se ba se dirang gompieno. Ba tshela mo . . .

Lebaka le ba go ganneng ke ka gore ba tshela mo phatsimong ya lesedi le lengwe. Lo a bona? Jaanong, ba ne ba tshela mo phatsimong ya se Moshe a se buileng, ba ne ba ithaya jalo. Ba ne ba tshela mo phatsimong ya se (paka e nngwe) se se neng se fetile se ile.

Mme moo ke lone lebaka gompieno e leng gore Molaetsa ona, gore, "Jesu Keresete o santse a tshwana," o ganwang, ka gore batho ba tshela mo diphatsimong tsa dipaka tse dingwe. Lebaka le le tshwanang, e leng gore ba tlaa O gana. Jaanong re a lemoga.

¹¹⁵ Mme Webster a re, gore, "Phatsimo ke mohuta wa lesedi la maaka. Phatsimo ke lesedi la maaka; ke sengwe le sengwe se se dirang phatsimo."

Jaaka—jaaka moenene mo tseleng. Lo ya lo fologa mo tseleng, ba le bantsi ba lona lo kgweetsa dikoloi, mme lo leba kwa pele ga lona. Nako e lo bonang letsatsi leo le leng faatshe, le bonagatsa lesedi, mme le le jaaka moenene, go lebega okare go na le metsi gotthe mo godimo ga tsela. Fela, nako e lo gorogang koo, ga go na sepe koo. Gone ke fela moenene, wa maaka, phatsimo ya lesedi la nnete.

Moo ke se diabolo a se dirang gompieno, ke go supegetsa batho moenene, Lekgotla la Dikereke, setlhophha sa makoko, se se tlaa felelelang se le sa maaka. Ka gore, ke ka gore go na le Lesedi la mmannete le le phatsimang. Fa e le gore Lesedi leo la mmannete le ne le sa phatsime, moenene o ne o ka se kgone go nna teng. Lesedi la mmannete le a phatsima. Mme moo ke... Bona ba tshela mo phatsimong ya paka e nngwe, selo se sengwe, gonne se gorogile sa bo se fetela pele.

Jaanong, phatsimo, moenene ona ke maaka. Ke phatsimo ya letsatsi.

¹¹⁶ Mme moo ke tsela, e ba dirileng mo go tshwanang, phatsimo ya maaka ya Lesedi la nnete.

¹¹⁷ Jaanong, go netefetse gore O ne a le Lesedi la nnete. O ne a le Lesedi. Goreng ba ne ba itse gore O ne e le Lesedi? O ka

itse jang gore O ne e le Lesedi? Ka gore Lefoko le le neng le solofeditswe le ne la bonagatswa ka Ena, jalo he O ne a le Lesedi la Lefoko leo le le neng le boletswe. Amen! Ao, moo go tlaa batla go ntira, Mobaptisti wa pentekoste, ke thele loshalaba. Lemogang, akanyang ka gone!

¹¹⁸ Phatsimo, lo a bona, go tshela mo phatsimong! Fela nako e Lefoko la nnete le tshelang, moo ke Lesedi, se Modimo a se boletseng.

Jaanong, go ka tweng fa Modimo a ka bo a ne a rile, ko tshimologong, “A go nne lesedi,” huh, sentle, mme ga bo go bonagetse sengwe se sele, lo a bona, moenene fela? Lo a bona, go ka bo gone go sa nna, le fa go ntse jalo, se Modimo a neng a se buile. Nnyaya, go ka bo go ne go sa nna gone. Go ka tweng fa Modimo a ka bo a rile, “A go nne lesedi,” mme mouwane o montsi wa bo o tla? Lo a bona, go ne go tlaa bo e se lesedi. Fela, lebaka le lesedi le neng la tla, e ne e le Lefoko la Gagwe le bonagaditswe.

Mme gompieno, nako e Modimo a buileng gore dilo tse di jaana di tlaa diragala ka nako ena, mme lo bona se go se dirang, (ke eng?) ke Lesedi mo Lefokong la Modimo. Ke Lefoko le dirwa Lesedi, le Iponagatsa.

¹¹⁹ Jaanong, ba ne ba re, “Wena wa re re bomang? Goreng,” re a itse, “O leka go . . . Re a itse gore O a peka. Goreng, O Mosamarea; Ga o mo monaganong wa Gago o o siameng. Sentle, O tlaa leka go . . . Ke mang yo o ka bolelang . . . Re a itse gore Wena o tsaletswe mo boleong. Ga re itse kwa O tswang gone. Ga re na pego ya boitshupo jwa Gago mo setlhopheng sa rona. Goreng, Wena o a peka. O na le diabolo.” Lo a bona? Ne ba re, “Goreng, Wena o tswile mo monagano wa Gago.” Fela E ne e le totatota Lesedi la mmatota, la nnete la Modimo, le phatsima.

Mme phatsimo e ne e timile, matlho bone. “Re na le Moshe e le mokaedi wa rona!”

¹²⁰ O ne a re, “Fa lo ka bo le dumetse Moshe, lo ka bo le Nkitsile.”

¹²¹ Mme fa lo tlaa dumela Jesu le Baebele, lo tlaa itse oura ena e lo tshelang mo go yone. Ba re, “Sentle, re Bakeresete. Re . . .” Fa lo ka bo lo ntse jalo, lo ne lo tlaa itse ditiro tsa ga Keresete tsa motlha ona. Lo a bona, lo ne lo tlaa itse.

¹²² Jesu ne a re, “Baporofeti bao botlhe ba boletse ka ga Nna. Mme fa lo dumela baporofeti bao, goreng, lo ne lo tlaa Nkitse. Ditiro tsa Me di a supa. Ka gore, se ba boletseng gore Ke tlaa se dira, Ke a se dira. Mme ke mang yo o ka Nkgalelang tumologo jaanong?”

¹²³ Mme go santsane go ntse jalo ba ne ba sa go bone. Goreng? Matlho a bona a ne a timilwe, ke phatsimo; lo a bona, phatsimo ya sengwe se sele se ba neng ba se tsere e le se Lefoko le le boletseng la nnete e neng e le sone. Jaanong akanya ka ga gone. Akanya ka ga gone. Ba ne ba ipolela gore ba ne ba dumela Lefoko

leo. Fela dingwao tsa bona di ne di retolositse difatlhego tsa bona go tloga mo Lefoko la nnete, go ya phatsimong, ke gone ka moo ba neng ba sa kgone go bona selo sa mmannete.

Go ntse jalo gompieno. Go ne go ntse go le jalo mo pakeng nngwe le nngwe. Lo a bona, le—Lefoko la nnete le a phatsima, fela ba ne ba dirwa gore ba dumele dingwao thata, gore ga ba kake ba bona Lefoko leo. Ba lebile ko phatsimong, mme ba foufetse. Phatsimo e tlaa lo foufatsa. Go na le segogoropo se se tswang mo go yone. Setlaa lo foufatsa. Mme, se tlaa, nako e . . .

¹²⁴ Jesu ne a re, “Lo foufetse, lo eteletse pele difofu.” Ba tshwanetse ba ka bo ba ne ba kgonne go go bona, go bona Yo A neng a le ene. Fela ba ne ba sa dire, ka gore ba ne ba tshela mo phatsimong eo.

¹²⁵ Jaanong, phatsimo, jaaka ke buile, ke lesedi la maaka, moenene, kakanyetso ya maaka ya Lesedi la nnete. Kakanyetso ya maaka; ke sengwe se—se se tshwanetseng gore se lebege jaaka Lone, fela ga se Moo.

¹²⁶ Jaanong tsela e le nosi e ba ka kgongang go bolela pharologanyo, ka gore tsone dilo tse Jesu a di dirileng di ne tsa netefatsa Yo A neng a le ene, gore O ne a le Lesedi. Ba ne ba akantse gore ba ne ba le mo Leseding. Fela jaanong fa lo ka ema motsotso fela mme lwa tlhatlhanya yo o leng mo Leseding, fong.

¹²⁷ Jaanong, gompieno! Fa phoso e e phomesegelang jaana e ne ya dirwa ke baruti ba motlha oo, selo se se phomesegelang se se jaana se neng sa dirwa, bakaulengwe, a ga lo akanye gore ke nako e re emang mme re tlhatlhanyeng ka ga se Lesedi e leng sone? Mpe re se dire phoso e e phomesegelang jaana. Fela lo a e dira. Lo setse lo e dirile, lo a bona, mme ga lo a go itse, go tshwana jaaka ba ne ba ntse ka nako ele. Jaanong emang motsotso fela mme lo batliseng se Lefoko le se buang ka ga gompieno.

¹²⁸ Fa ba ka bo ba ne ba eme mme ba akanya, “Ena ke yona a diragatsa, go fitlheleng tlhakeng, totatota se Lefoko le rileng O tlaa se dira.”

Mme O ne a ba gwetlha, jaaka mna ke lo gwetlha! Lo a bona? Lo a bona? Nna ke lo gwetlha gore lo lebe mo Lefokong, lo phuruphutseng Dikwalo, lo bone fa mona e se oura. Lo a bona? “Phuruphutshang Dikwalo, gonne mo go Tsone le akanya fa le na le Botshelo jo Bosakhutleng, mme Ke Tsone tse di supang ka ga Me.” Tsone ke Tsone tse di supang ka ga tiro ena gompieno. Ditiro ka botsone di supa gore go a diriwa, mme Lokwalo la re go tlaa diriwa, jalo he ke Lesedi la oura. Lefoko la Modimo le ne la rialo.

¹²⁹ Dingwao tsa lona le dilo ke totatota se Baebele e se boletseng, jaaka bao ba ba thukhuthileng ditlhogo tsa bona mme ba tloga. “Ditafole tsotlhe di tletse ka matlhatsa” Baebele e ne ya rialo. Mme moo ke kwa ba neng ba le gone. Ba ne ba sa rate go go dumela. Ba ne ba thukhutha ditlhogo tsa bona.

Mme, majentlelemane, a lo a lemoga? Mme, bakaulengwe, a lo lemoga mona, gore, nako e lo ganang sone selo se Modimo a se rurifatsang mo pele ga lona, gore lo dira selo se se tshwanang se ba se dirileng, lo boela morago ko matlhatseng a lona a dingwao?

¹³⁰ “Jaaka ntšwa e ya kwa matlhatseng a yone.” Fa a e lwaditse lekgetlong la ntlha, a tlaa e lwatsa lekgetlo la bobedi. Fa kereke ya Khatholike, e neng e diriwa lekgotla ebole e ne e le lekgotla la ntlha, go tlisitse bolwetsi mo kerekeng; Lutere, Methodisti di tlaa dira jalo, le tsotlhe tsa tsone, Baptisti, Presbitheriene, le Mapentekoste. “Jaaka ntšwa e boela kwa matlhatseng a yone, le kolobe e boela ka lorageng lwa yone.” Lo a bona? Re goroga ko go seo mo metsotsong e mokawana, Morena fa a ratile.

¹³¹ Phatsimo, go tsamaya mo phatsimong, lo a bona, moeneneng, kakanyetsong ya maaka ya Lesedi la nneta. O netefaditse gore O ne a le Lesedi.

Ka gore, Ena, a leng mo bobo . . . ka tsela ya ba ba botlana, ijoo, didikadike di le kgatlanong Nae! Go ne go sena bongwe mo boratarong jwa batho, bongwe mo masomeng a a ferang bongwe jwa batho, mo lefatsheng, ba le ka nako epe ba neng ba itse gore O ne a le fano. Go se, ke a fopholetsa, bongwe—bongwe mo lekgolong ba Bajuta, kgotsa ka boutsana bongwe mo masome-tlhanong a bone, kgotsa masome bonêng jwa bone, ke tlaa rialo, gongwe ko tlase ga moo, ba naga e e Leng ya Gagwe, ba ba neng ba itse le ka nako epe gore O ne a le teng. Mme bone ba ba neng ba itse gore O ne a le teng, ba ne ba mo gopolela gore O ne a le sengwe sa maaka, ka gore lekoko le ne le ba boleletse gore moo ke se A neng a le sone. Lo a bona?

Fela le fa go ntse jalo O ne a le Lesedi la nneta le le neng le boletswe esale ko go Genesi, ko tshimologong, ebole a ba kopa go phuruphutsha Dikwalo le go batlisisa fa fela. A ne a sa tshele mo nakong eo; fa Ena, ditiro tse A di dirileng, di ne di sa dirafatse totatota se se neng se solofeleditswe nako eo. Amen. Ao!

¹³² A selo se se tlhoafetseng se go leng sone, mokaulengwe! Re tshela mo nakong e gakgamatsang.

¹³³ O ne a netefatsa gore o ne a nepile. O ne a le lone Lesedi le ba neng ba ithaya gore ba ne ba le obamela. Ba ne ba ithaya gore ba ne ba obamela Lesedi leo.

Mme go jalo gompieno. Ba ithaya gore ba obamela Leo. Mapentekoste ba ithaya jalo. Ba ithaya gore ba a dira, mme ba foufetse thata gore ga ba kgone go le bona. Goreng? Ba dira lekgotla, mme, fela phatsimo e le mo sefatlhegong sa bone. Lo a bona? Mme ngwao ke se batho bangwe ba mnang ga mmogo, ba bo ba re, “Re tlaa ya mme re dire *sena* le *sena*, le *sena* le *sele*.” Jaanong re ile go tla ko go goreng moo go tshwanetse gore go diragale, Morena fa a ratile.

¹³⁴ Lemogang, ditiro tsa Gagwe e ne e le Lefoko le tshelang ka Sebele. Se A se dirileng e ne e le Lefoko ka Sebele, a supegetsza

gore O ne a le Lesedi leo le le neng le sololeditswe esale go tloga tshimologong ya lefatshe. O ne a le Lesedi leo. Lesedi la Gagwe mo Lefokong le le sololeditsweng la paka le ne la Le dira gore le tshele totatota se tsholofetseo e rileng Le tlaa se dira, fela ba ne ba Le sokamisitse thata go fitlhela ba ne ba sa kgone go Le bona. Lo a bona? Fela E ne e le Lesedi la paka eo.

¹³⁵ E ne e le Lesedi le ba neng ba ithaya gore ba ne ba le obamela. Ba ne ba akantse gore ba ne ba obamela ena Modimo wa lobopo. Ba ne ba ba tshela mo teng eibile ba obamela phatsimo, mme Jesu ne a re, “Lo Nkobamelela lefela, lo ruta dingwao tsa batho go nna Thuto, mme e seng Lefoko.” Ena ke Lefoko, mme O ne a le Lefoko le bonagaditswe. Ba ne ba tshwanetse ba ka bo ba itsile.

¹³⁶ Ke sololeda gore moo go ka tswelela go tlhaloganyega, gongwe le gongwe kwa go utlwiwang gone, lo a bona, gore ke Lefoko le bonagaditswe. “Ao,” wa re, “ao, re na le Lefoko.” Goreng, Lefoko, mongwe le mongwe o tshwara Baebele, yo a batlang go dira. Fela, nako e Lefoko le rurifaditsweng, le bonaditsweng!

Goreng, wa re, “Sentle, re a dumela!”

¹³⁷ Ee, rra, ba ne ba dumela, tsela yotlhe. Le Satane o a dira. Bafarasai bao, ke mang yo o ka ba kgalang, ba sa dumele? Fela ba ne ba sa dumele Lefoko la oura. Ba ne ba obamela phatsimo ya sengwe se sele.

Ke selo se se tshwanang se ba se dirang gompieno. Lo a bona? Ba tsweletsa ya ga Lutere polelelo pe-... dingwao, kgotsa—kgotsa dingwao tsa ga Wesele, le botlhe ba bona, ngwao ya Mapentekoste. Fela ga tweng ka ga oura?

Bafarasai ba ne ba tsweletsa dingwao tsa bona. Fela fa morago ga dingwao tsa bone go ne go na le Lefoko la nnete la Modimo le tla go phatsimela pontsheng, mme, erile Le dira, Le ne la foufatsa matlho a bona. Ba ne ba sa kgone go Le bona ka gore ba ne ba lebeletse sengwe se sele.

Go jalo gompieno! Mma Modimo a letlelele mo go kolobelele mo teng, go fitlhela go tlhaloganyega tota mo bathong ba ba tshwanetseng go go dumela. Go thari go feta ka fa o akanyang ka gone.

¹³⁸ Morwaake, Billy Paulo, o bua mo borokong, fela ga a na ditoro kgapetsakgapetsa. O ne a nna le e le nngwe maloba bosigo e e neng ya mo tshosa. Ne a re o ne a lora a le mo kerekeng, mme—mme ba . . . Ke ne ke ise ke tle ka nako eo.

Ne a re, nako e ke neng ke tsena, molelo o ne o tswa mo matlhong, mme ke ne ka re, “Lebaka le fano. Go fedile.”

Mme mongwe le mongwe ne a simolola go bokolela, “Ga nkake! Banake!”

¹³⁹ Le e leng mosadi wa me ne a re, “Ga ke kgone go kopa Sarah gore a kope ditshegofatso mo tafoleng,” le jalo jalo. Mme Ke ne ka re . . .

O ne a re, “Ke tshwanetse go ya go tsaya Loyce le—le ngwana.”

¹⁴⁰ Ke ne k re, “Loyce ga a kake a tla gone jaanong. Ngwana o monnye thata gore a itse. Billy, oura e fano. Re tshwanetse go tsamaya.” Ke ne ka re, “Ke bosigo-gare jaanong. Pele ga tlhabo ya letsatsi, Jesu o tlaa bo a le fano. Fa go se jalo, go raya gore nna ke mosupi wa maaka wa ga Keresete.”

Mme mongwe o ne a bua, a re, “Ga go motho yo o itseng motsotso kgotsa oura.”

¹⁴¹ “Ga ke ise ke re motsotso kgotsa oura. Ke rile, ‘Nako nngwe magareng ga jaanong le tlhabong ya letsatsi.’” Mme ke ne ka re, “A re—a re tsamayeng.” . . . ? . . . Ke ne ka re, “Fela re fa nakong. A re tsamayeng.”

Mme re ne ra tsena mo koloing, mme ra simolola, mme re ne ra simolola go tlhatloga thaba. Mme erile re dira, go ne go lebega ekete lesedi le ne le tla mo mawaping, fela lefifi le le mo godimo ga lefatshe. O ne a re ke ne ka emela ka fa thoko ga tsela, mme ka tsholetsa diatla tsa me ko godimo jaana, molelo o santse o tswa mo matlhong a me. Mme o ne a re ke ne ka re, “Morena, ke dirile mona go ya ka taolo ya Gago. Ke dirile mona fela ke ka gore Wena o mpoleletse gore ke go dire ka tsela ena. Ke dirile dilo tsena go ya ka se O se mpoleletseng.”

Mme ke ne ka supela ka diatla ko thabeng e kgolo ya keranaete; mme le—Lesedi, ntleng ga diatla, le ne la sega Lentswê go tswa mo thabeng, le le bokete jwa ditone tse lekgolo, mme ke Lena le ne le tla. Ke ne ka re, “Retolosang ditlhogo tsa lona; lo sek a lwa leba. Go tlaa bo go fedile mo metsotsong fela.” Ne a re, fong tidimalo e e boitshepo e ne ya tla gongwe le gongwe, jaaka Lentswê lena le ne le tla le ya ntlheng ya lefelo le.

¹⁴² Go ka nna ga bo go le thari go na le ka fa re akanyang ka gona. Foo, lo a bona, moo ke totatota go ya ka Dikwalo, lo a bona, “Lentswe, go se ka diatla, le segilwe go tswa mo thabeng.”

Mme jalo he lengwe la malatsi ano go ile go nna ka tsela eo, nako e lo ileng go bokolelela sengwe. Ke ne ka ba raya ka re, “Lo setse lo nnile le nako eo. Modimo kgapetsakgapetsa o le tlhagisitse, nako morago ga nako. Eya.” Ke ne ka re, “Le fa ebile e le ngwana yo e leng wa me, kgotsa le fa e le mang yo e neng e le ene, oura e fano. Ke kgona go bua fela se A se mpoleletseng go se bua, mme se tlaa nna teng,” mme go ne ga nna jalo.

Mme—mme fong, ka tshoganetso [Mokaulengwe Branham o opa diatla tsa gagwe ga mmogo gangwe—Mor.], ena ke Yo a tla, “Lentswe le le neng la gajwa mo thabeng, go se ka diatla.” Daniele o ne a bona leo, lo a itse, morago dingwaga tse dintsi tse

di fetileng. Billy o ne a sa itse sepe ka ga moo, fela e ne e le to—e ne e le toro e e neng e rometswe ko go ena go tswa Moreneng.

¹⁴³ Jaanong, lo a bona, ba ithaya gore ba obamela ena Modimo yo ba neng ba mo sotla. Mme selo se se tshwanang se boile ka santhago gape gompieno, ka lebaka le le tshwanang, ba tshela mo phatsimong go na le Leseding. Masedi a magolo a phatsimile. Go siame.

¹⁴⁴ Lebang gore ke lefifi lefeng le re leng mo go lone gompieno! Lebang se se diragalang gompieno! Lebang polao, petelelo, ngangisano! Goreng, go diragetse. Ke a dumela e ne e le Billy Graham yo neng a re, mo bokopanong jwa gagwe jwa bofelo, “Mo dingwageng tse lesome go tloga jaanong, moagi mongwe le mongwe wa California o tlaa tshwanela go tshola tlhobolo go itshireletsa. Ga o kake wa tlhoma tirgatso ya molao e e lekaneng.” Batho ba fetogile fela ba ba pekang; go fula, polao, le dipetelelo, sengwe le sengwe, lo a bona. Gone fela go fetogile mo go sa laolesegeng, lo a bona, mo mebileng. Lo a bona, lone ke le—lone ke letsatsi le re tshelang mo go lona, letsatsi la Basotoma. Lo a bona?

Fela go na le Lesedi le le phatsimang! Fa fela ba ne ba tlaa leba, fa fela ba ne ba tlaa bona, ba lebelele mo Lefokong mme ba bone se se tshwanetsweng go dirwa oureng ena, ba ne ba tlaa itse se se lekang gore se dirwe.

¹⁴⁵ Jaanong, ba ithaya gore ba obamela Lesedi leo, le bone ba ne ba ipolela fa ba obamela Lesedi leo, fela ba ne ba obama mo phatsimong ya lesedi le lengwe mo boemong jwa la mmannete. Lo a bona? E ne e le Lesedi.

¹⁴⁶ Ditumelo tsa kereke le dingwao, mo seemong sa bone sa go foufadiwa, di ne di ba retolositse go tloga mo Leseding la nnete la Lefoko le le solofeditsweng. Lefoko le Modimo a le netefaditseng, ka Jesu, Lesedi la lefatshe, le ne la tla mme la dira Lefoko leo le tshele totatota ka nako ya Gagwe, totatota go fitlhela mo metlheng. “O tlaa kgaolwa mo gare ga dibeke tse di masome a supa, go ntse jalo, mo e leng dingwaga di le tharo le seripa tsa seporofeto sa Gagwe. Mesia o tlaa tla, Kgosana, mme o tlaa porofeta, mme malatsi a le mararo le seripa a mona, fong O tlaa bo a kgaotswe mo go ba ba tshelang, mme a dire tetlanyo.” Mme moo ke totatota. O ne a rera dingwaga tse tharo le halofo. Mme ya bona . . .

¹⁴⁷ Mme yone Pesalome e Dafita a neng a e bua, “Modimo wa Me, Modimo wa Me, goreng O Ntlogetse?” Pesalome ya bo 22, “Marapo otthe a Me, a Ntebile. Ba thukhutha ditlhogo tsa bone. Ba feta gaufi le Nna.” Dingwaga di le masome a ferabobedi le masome a matlhano, pele ga tiragalo, nako e Dafita a neng a opela kopelo eo ka Mowa, mme e ne e gopolwa e le seporofeto, ebile se neilwe. Ba ne ba opela dipina tseo mo tempeleng nako e Setlhabelo se se tshwanang se neng se kaletse mo sefapaanong,

ka diatla tsa Gagwe, mme a tlhabilwe. “Mme ba ne ba tlhaba diatla tsa Me le dinao tsa Me.” Lo a bona? Lo a bona foo? Fong, goreng? Ba ne ba tshela mo phatsimong. Ba ne ba sa bone Lesedi.

¹⁴⁸ A o ka gopola motho yo o akanyang sentle a dira moo? Go se fete ka fa nka gopolang motho yo o akanyang sentle a tabogela ko bodilong jo bo kwa tlase mme a tsena mo bokgoleng jo bo nkgang, ebole a tswala dipati tsa gagwe, mme a re, “Ke gana go bona gore go na le lesedi.” Ke botsenwa.

Mme bomowa jwa gagwe bo releletse, golo gongwe, nako e motho a bonang gore Baebele e soloeditse mona, mme a go bone go tshela gona fa ntle fa pele ga gagwe ebole go bonagaditswe, mme fong a tswelele a ntse mo ditumelong tseo tsa kereke le dilo golo koo tse di Le ganang. Gone ke botlhoka maitsholo jwa semowa. Go ntse jalo totatota.

¹⁴⁹ Ke yona O ne a le teng jaanong. “O ne a—O ne a le Lesedi la lefatshe, mme lefatshe le sa itse... O ne a tla ko go ba e Leng ba Gagwe; ba e Leng ba Gagwe ba ne ba se Mo itse. O ne a tla mo lefatsheng, ebole lefatshe le dirilwe ke Ena, mme lefatshe le ne la se Mo itse.” Lo a bona? “Fela ba le bantsi ba ba neng ba Mo itse, O ne a ba neela thata ya go nna bomorwa Modimo, mo go bao ba ba dumetseng mo go Ena.”

¹⁵⁰ Gakologelwang, ga re kake ra tshela ka lesedi la maabane. Lesedi la maabane le ile. Ga le sa leyo. Lone, lesedi la maabane, ke kgakologelo fela. Lesedi la letsatsi la maabane ke kgakologelo fela, kgotsa, ke ditso. Ga re kake ra tshela mo leseding la maabane, re ka se tlhole. Mme le le tshwanang, le fa e le letsatsi le le tshwanang, letsatsi le le tshwanang, fela letsatsi lengwe le lengwe ka nosi le tlisa nonofo ya lone e nonofile go fetanyana, go budusetsa tlhaka thobo. Lo a bona?

¹⁵¹ Letsatsi le a tla gompieno, le nna le le nonofileng go fetanyana. Letsatsi lengwe le lengwe jaanong le tlaa nna le le nonofileng go fetanyana, nonofileng go fetanyana, mme go fitlheleng kgabagare mabele, a a ntseng foo, one a tlaa—one a tlaa a nna le botshelo. Morago ga lobaka, bo—botshelo bo tlaa tlhagelela, a tloge a nonofe go fetanyana, a nonofe go fetanyana. Mopitlw, Moranang, Motsheganong, Seetebosigo, Phukwi, one a mo thobong ka nako eo, lo a bona. Letsatsi le le tshwanang le phatsima gompieno, ka—ka Ferikong kgotsa Sedimonthole, le le leng godimo kwa le tlhapisa sefokabolea seo ebole le se gakolosetsa mo tlhakeng eo, le e tlisetsa metsi; ke letsatsi le le tshwanang, fela mabele ao ga a kake a tshela mo leseding la letsatsi le le tshwanang ka Seetebosigo. Lo a bona, ga a kake a go dira. Lo a bona, letsatsi le tla le nonofile go fetanyana letsatsi lengwe le lengwe ka nosi mme tlhaka e tshwanetse e bo e godile go fetanyana go amogela letsatsi.

¹⁵² Moo ke se e leng bothata gompieno. Tlhaka e e neng ya jwalwa ko go borra ba pele, morago kwa mo go—mo go Lutere

le Wesele le bone, e ne ya kgokgophala; ga e kake ya amogela Morwa. Morwa o a e bolaya. E ganne go gola. Lo a bona? Le ne la e sega, e e ya itlosa mo thitong, go tshwana, mme ya tla ka *kwano* mme ya itirela selonyana se e leng sa yone. E ne ya nna mmoko, ka ntlha eo, mme go sena Botshelo mo go yone. Tlhaka e tshwanetse ya bo e gola ebile e nonofa go feta, jaaka Morwa a nna yo o nonofileng go feta letsatsi lengwe le lengwe ka nosi.

¹⁵³ Jaanong a re lebeleleng motsotsso. Re tlaa lebelela dipaka tsa kereke. Go na le dipaka tse supa tsa kereke. Mme jaaka dipaka tseo tsa kereke, nngwe le nngwe ka nosi, elang tlhoko ka fa A di boleletseng se se tlaa dirang, ka fa tlhaka e tlaa golang ka gona mme e fologele mo oureng ena ya bofelo fano, oura ena ya bofelo e re tshelang mo go yone. Jalo he dikereke di tshwanetse go dira selo se se tshwanang, lo a bona, dikereke.

¹⁵⁴ Jaanong lebang, Lutere ne a jwala tlhaka, mme Lutere e ne e le tlhaka mme o ne a e jwala. Go siame. Wesele o ne a ntse jalo; mme, le ena, Pentekoste e ne e ntse jalo; Mabaptisti a ne a ntse jalo, Manasarene. Fela, lo a bona, jaanong Lutere o ne a ka se boeile morago mme a tshele mo leseding la lekoko la ntlha, Khatholike. Nnyaya, rra; o ne a le lesedi le lengwe. Moo e ne e le Modimo a budusa sengwe. Jaanong setlhophhana se se potlana se ne sa tswa mo go eo, tsosoloso eo ya Lutere.

¹⁵⁵ Fong go ne ga tla mo tseleng tsosoloso ya Wesele, mme ne ga tloga, mo go eo, goreng, ba ne ba ka se boeile morago mme ba dire Malutere. Lo a bona?

Mme ne ga tloga go tla ka tsela ga tla Mapentekoste. Mme ne ga tloga Mapentekoste a dira lekgotla mme ba dira selo se se tshwanang, ba tsaya mmoko. Lemogang.

¹⁵⁶ Fela tlhaka e tswelela gone kwa pele. Jaanong re mo pakeng e nngwe. Goreng ba sa tle go E amogela? Goreng ba sa tle go bona gore tlhaka e godile? Lefoko le le solofeditsweng la mothla ona ke *lena*. [Mokaulengwe Branham o phophotha Baebele ya gagwe—Mor.] Goreng ba sa Le bone? Ka gore ba tshela mo phatsimong ya Lutere, phatsimong ya Wesele, phatsimong ya Baptisti, phatsimong ya Pentekoste. Ba tshela mo phatsimong ya lesedi le lengwe. Moo ke lebaka ba sa kgoneng go amogela Lesedi la Lefoko le le feletseng le rurifadiwa jaaka Modimo a soloeditse. Dikano tse Supa tseo, kwa bosaitseweng jotlhe bo neng jwa senolwa, di tlaa boa mme di bolele gore gobaneng maisaitseweng ana a ne a diriwa jalo; mme, le fa go ntse jalo, nako e moo go tsenang, ba tsamaela kgakalanyana le Lone go na le ka nako e sele. Ga ba na seipato.

¹⁵⁷ Modimo o go dirile ka Mowa, ka ditshenolo. Ena o—Ena go netefaditse ka boitekanelo, ka boranyane le sengwe le sengwe se sele, gore ke Boammaaruri, gore ke Boammaaruri. Mme ba santsane ba batla go tshela mo phatsimong ya Pentekoste, “Nna ke Assemblies! Nna ke Bongwefela! Nna ke Church of God!

Nna ke *mona!*" Lo a bona, ba tshela mo phatsimong ya paka ya dingwaga di le masome a manê, masome a matlhano tse di fetileng. Ba tshela mo phatsimong ya Lutere. Ba tshela mo go ya Wesele, Baptisti, Presbitheriene, kgotsa ya Nasarene nngwe, phatsimo ya paka e nngwe ya kereke e e neng ya tswelela mme ya itira lekgotla ebile ya dira selo se se tshwanang, mme ya gana ya ba ya gana Lesedi nako e Le neng le phatsima ka nnete.

¹⁵⁸ Mme lo tshela mo moeneneng. Ke bua moo ka masisi, lo a bona, fela lona le... eseng go le utlwisa botlhoko, fela go lo thantha. Lo tshela mo moeneneng.

Go ka tweng fa Jesu, a ne a rile, "Goreng, lo foufetse, mme lo eteletse pele difofu"? Ba ne ba sa kgone... O lekile go ba bolelala; mme ba ne ba se go dire. Ne a re, "Ba leseng ba le nosi. Fa difofu di eteleta difofu pele, botlhe ba tlaa wela mo moleteng." Moo ke oura e ke tlileng mo go yone! Fa ba ile go theeekela, ga nkake ka go re sepe. Ke dirile gotlhe mo nka go dirang. Ke dirile totatota.

Ke dire mona go ya ka taolo ya Gago, Morena. Wena o mosupi.

Esale 1933, tlase kwa nokeng, nako e Lesedi lele le lo le bonang foo, le ne le phatsimela fa tlase, Le ntse le le gone fano mo motlaaganeng mme la le supela, dingwaga tsotlhe tsena. Mme sengwe le sengwe Le se boletseng se ne sa dirgala. Mme ba nna ba tswelela pele. "Tlogelang difofu di eteletele difofu pele." Ke tlaa letela fela oura eo; O tlaa goroga, lengwe la malatsi ano.

¹⁵⁹ Elang tlhoko, ba tshela mo phatsimong ya Lutere, ba tshela mo phatsimong ya Wesele, ba tshela mo diphatshimong tseo morago kwa, moo ke lebaka ba sa kgoneng go bona Lesedi la nnete. Fa ba ne ba tlaa ema metsotsi e le mmalwa fela, mme ba tseye fela Baebele mme ba E bale, ba ne ba tlaa bona gore le... mona ke Lesedi le le solofeleditsweng oura.

¹⁶⁰ Jaanong re ile go tsaya dingwe tsa dilo tsena mo motsotsong. O soloeditse, go ya ka Malaki 4, dilo tsena di tlaa diragala. O soloeditse, gotlhe go ralala Dikwalo, di tlaa diragala. Lo a bona?

¹⁶¹ Lemogang Iseraele le yone, setshwantsho sa rona, mo loetong. Lebang, ba ne ba ja mana, mo e neng e le Lesedi la bone, Botshelo, a a neng a ba naya nonofo, Botshelo. A go ntse jalo? [Phuthego ya re, "Amen." —Mor.] Iseraele e ne e sa kgone go ja mana a maabane a a neng a wetse mo go bona. A ne a kgotlelesegile. A ne a bodile. A ne a sena mosola mo go bona. Ba ne ba tlaa swa, ka ntlha ya one. Mana a a neng a ba tshegetsa ba tshela maabane a ne a tlaa ba bolaya gompieno. Baebele e ne ya re a ne a na le megare mo go one, a kgotlelesegile. Mme mana, ba ne ba tshwanetse go tsaya mana a maša letsatsi lengwe le lengwe. Amen.

Mme gone ke eng? Batho ba ba tshelang ka mana a ga Lutere, Wesele, le bone ko morago koo, lo ja dilwana tse di

kgotlelesegileng tse di lo bolayang, mo moweng. Go a lo bolaya, lo sule mo dingwaong tsa lona.

¹⁶² A maabane, mana a ga Lutere, a ne a ka se berekele Methodisti. Mana a Methodisti a ne a ka se berekele Pentekoste. Mana a Pentekoste ga a na go berekela gompieno. Lo a bona se ke se rayang? Letsatsi lengwe le lengwe a a tla, letsatsi le letsatsi, a le maşa, mme go nnile jalo go ralala dipaka tsa kereke.

Mana a ga Lutere e ne e le molaetsa wa tshiamiso. Molaetsa wa ga Wesele e ne e le ponatshego ya boitshepiso. Pentekoste e ne e le puseletso ya dineo. Fela mona ke go itsise Lentswê la tlhora, letsatsi la bofelo, Setlhare sa Monyadiwa, se se ganetsanyang le tsotlhe tsa gone, mme le fa go ntse jalo Ke Lesedi le le tshwanang mo go ba ba godileng.

Jaaka letsatsi le le tshwanang, le phatsima gompieno, le tlaa bo le budusetse thobo tlhaka ka Phukwi. Lo bona se ke se rayang? Fela lesedi gompieno ga le na go dira mosola ope morago kwa ka Phukwi. Le nonofile go feta. Mabele a tsweletse go feta; gone go ipaakanyeditse tiro. Amen. Go tlhomame go jalo. Ga ba kake ba go tsaya jaanong; go ne go ka kgonna nako ele. Paka e ne e sa siama, nako ele; e dirile jaanong.

¹⁶³ Ga o kake wa dira kgatlhanong le tlholego ya Modimo. Ena o na le molao, go ya kgatlhanong le molao oo, go bolaya sejwalo sa gago. O tshwanetse o dire go ya ka melao ya Modimo e e boletswang, mme melao ya Gagwe ke Lefoko la Gagwe. Molao mongwe le mongwe ke lefoko le le boletswang. Mme lefoko ke kakanyo e e bonaditswang. Lo a bona? Jaanong re—re a itse gore moo ke boammaaruri.

¹⁶⁴ Ponatshegelo ke eng? Lefoko la Modimo, kgotsa sengwe se boleletswe pele, kgotsa polelelopele ya tiragalo. Mme ponatshegelo e baporofeti ba neng ba na nayo, le Jesu a neng a na nayo, Paulo a neng a na nayo, le botlhe ba bona, mme e bolela ka ga motlha ona, e ne e le polelelo pele ya se se tlaa diragalang. Mme fano re bona polelelo pele e bonagatswa, mme batho eibile ba sa e lemoge. Lo a bona se ke se rayang? Jaanong, mana a maabane . . .

¹⁶⁵ Lebang fano. A lo kile lwa lemoga, letsatsi, 1-e-t-s-a-t-s-i, le sepetsi, go tloga Botlhaba-tsatsi go ya Bophirima-tsatsi, jaaka le ne le tsamaya nako nngwe le nngwe. A lo ne lwa lemoga moo? Mme, lemogang, dipaka tsa kereke di dirile selo se se tshwanang. Eng? Letsatsi, m-o-r. . . 1-e-t-s-a-t-s-i, le simolotse kwa Botlhaba-tsatsi. Mme tlhabologo e sepetsi le letsatsi, lesedi le le boletswang ke Modimo la bona gore ba tshele mo go lone. Ba ne ba tla ba tswelela, ba setse letsatsi morago, go bona kwa le yang gone.

¹⁶⁶ Botshelo ka bojone, nako e o neng o tsalwang, bo jaaka letsatsi. O tswela pele, gone go ya kwa go phirimeng ga letsatsi, go tswa tsalong ya gago go ya phirimong ya letsatsi.

¹⁶⁷ Motho o sepetse go ya ntlheng ya bophirima-tsatsi, ka nako tsotlhe. Thhabologo e kgologolo e re nang nayo ke China, ko mafatsheng a kwa botlhaba-tsatsi. Jerusalema... Mme, lemogang, e tswelela e sepelela ntlheng ya bophirima-tsatsi fa e ntse e tsamaya, mme jaaka e tswelela e tsamaya go tswelela, go ya Bophirima-tsatsi.

¹⁶⁸ Paka ya kereke e sepetse jalo ka tsela e e tshwanang, ka M-o-r-w-a wa Modimo. Lebang, Paulo, kereke ya pele, e ne ya simolola ko Botlhaba-tsatsi; e ne ya tsamaya go tloga foo, ya tlolela go kgabaganya le—le—le—lewatle, go ya ko Jeremane. E dirile dikgogo tse tharo. Lebang fano. Go tswa Asia, go ya golo ko—ko Palestina, e ne ya tlola ya kgabaganya lewatle go ya kwa Jeremane; moo e ne e le Lutere. Mme e ne ya tlola go tloga mo go Lutere, go kgabaganya English Channel, go ya kwa ko Enngelane; ka Wesele. Mme go tswa go Wesele, e ne ya tlolela kwa Letshitshing la Bophirima-tsatsi, go ya kwa United States. Mme mona, fa o ya pejana gongwe, e boela morago ko Botlhaba-tsatsi gape. Ena e setse e le nako ya maitseboa.

¹⁶⁹ Leba ka fa dipaka tsa kereke di neng tsa tsaya matsapa ka gona. Lutere... Paulo, lantilha, morago ko pakeng ya pele; ya tloga ya fologela ko Ireland, ko go Irenaeus, le jalo jalo; go tswelela tlase ko Fora; go tloga foo, go ya ko Jeremane; go ya ko Enngelane; ka metlha le metlha e ya Bophirima-tsatsi.

Mme jaanong ga re kake ra ya pejana gope. Ena ke paka ya bofelo. Mme Baebele ya reng paka ena ya bofelo? Lo a bona, go ya ka bonno mo lefatsheng le tikologong, bakwala dinako tsa ditso, le go batlile go le tsela nngwe le nngwe e o batlang go e tsaya. Go ya ka Dikwalo, lantilha; Lokwalo, jaaka go itsiwe, la ntlha. Bosupi, go ya ka ditso, tsela nngwe le nngwe e o batlang go go tsaya, re kwa bokhutlong, paka ya bofelo ya kereke.

¹⁷⁰ Mme, elang tlhoko, jaaka e ne e ya pele e ne ya thatafala go feta le go thatafala go feta. Mme le Kereke ya mmannete, ya setlhophana se se potlana e godile go tloga mo tshiamisong, boitshepisong, kolobetsong ya Mowa o o Boitshepo, mme jaanong go ya go tleng ga Lentswê la tlhora, e ipopa. Ga go sa tlhola go na le makgotla morago ga mona. Ga go na go tlhola go le gona. Lo a bona, ga go kake ga nna gona, lo a bona, re mo Bophirima-tsatsi.

¹⁷¹ Fela go le supegetsa, ka ditshwantsho tsotlhe le sengwe le sengwe se sele. Mme lebang ditlolo se tharo tseo, dikgogo tse tharo. Re tlaa tsena mo go seo bosigong jono, lo a bona, lo a bona, ka fa re leng kwa bokhutlong jwa nako. Gone ke fela...

¹⁷² L-e-t-s-a-t-s-i le sepetse jaaka M-o-r-w-a; M-o-r-w-a jaaka l-e-t-s-a-t-s-i. Kereke e tlide ka tsela e e tshwanang, go tswa mo Dipakeng tse Supa tsa Kereke, le jalo jalo. Thhabologo e tsamaile ya tswelela gone kwa Bophirima-tsatsi, mme Kereke e tsamaile ya tswelela gone ko Bophirima-tsatsi. Mme jaanong

fa re ya pejana gope go feta kwa re leng gone jaanong, re boela gore ko Botlhaba-tsatsi gape. O tlogela Letshitshi la Bophirima-tsatsi, o boela gone ko China, Japane, gone morago mo teng gape. Dimmaele di le dikete tse supa go kgabaganya, o boela gone ko Botlhaba-tsatsi gape. Jalo he, Botlhaba-tsatsi le Bophirima-tsatsi di kopane, moo ke gotlhe ga gone. Re kwa bokhutlong. Ga go na sepe se se setseng.

¹⁷³ Mme selo se se tshwanang se diragetse, gompieno, se se diragetseng morago kwa. Selo se se tshwanang se kopane kwa Bophirima-tsatsi se se neng sa kopana kwa Botlhaba-tsatsi. Batho ba tshela mo phatsimong ya lesedi le lengwe le le neng le leka go se na pelaelo go supegetsa Lesedi le le neng le tshwanetse go tla, mme ba Le gana, ka gore ba na le phatsimo mo boemong jwa Lesedi. Ao! “Mme go ne go na le Lesedi le legolo mo lefatsheng la Baditšaba; Zabulone, Nefethali; ba Galelea, . . . mo Galelea, lefatshe la Baditšaba.”

¹⁷⁴ Mona ke paka ya bosupa ya kereke. Gakologelwang, nako nngwe le nngwe e letsatsi leo le simololang go phatsima mo Botlhaba-tsatsi, ke letsatsi le le tshwanang le le phatsimang ko Bophirima-tsatsi. Mme Mowa o o tshwanang o o neng o ntse gona gotlhe gongwe le gongwe mo dipakeng, jalo, ke Morwa yo o tshwanang gompieno. Fela, gone ke eng? Fela jaaka go butswa, paka. Letsatsi le le leng teng jaanong, e tlaa bo e le letsatsi le le tshwanang le le budusang tlhaka dikgakologong tsena, legwetleng lena, lo a bona, fela (gone ke eng?) ke letsatsi lena le mo gongwe mo go tlaa nnang gona. Mme gompieno, mo pakeng ena ya bofelo, ke se ba neng ba le sone, le Mona gape.

Mme le fa go ntse jalo ba batla go tshela kwa morago kwa, jaaka lemponyemponye, ba ya tlase ko bodilong jwa kgale jo bo lengola, jwa ga a a kopaneng mai- . . . a kgale a maina fela le tumelo ya kereke, mme ba go ge disiro tsa bona, ba re, “Nna ke gana fela go Go bona. Ke ditlontlokwane gotlhe.” Mme e le gore yone Baebele, e ba ithayang gore ba a e dumela, e kaiwa ke Mowa o o Boitshepo o o tshwanang o tlisa Lesedi mo malatsing a bofelo!

¹⁷⁵ A lo kile lwa lemoga? Mme elang tlhoko ka tlhoafalo foo mo go Malaki, ka fa a abetseng moo, “Tumelo ya borraetsho mo baneng, le bana ko go borraetsho.” Lo a bona, Mowa o o tshwanang kwa E thlatlogileng gone morago kwa, fa E thlatlogang gone fano gape, selo se se tshwanang. Lo a bona, fela go kabakanyega, totatota, e ntse gone fa morago gape. Ka gore, goreng? Botlhaba-tsatsi le Bophirima-tsatsi di kopane. Fela totatota gone fa tlase ga sefatlhego sa rona, mme le fa go ntse jalo ga ba go bone. Goreng? Ga e kgane Jesu a ne a re, “Ba tlogeleng fela ba le nosi, ka nthia eo. Ba foufetse, ba etelela pele difofu, ba tlaa wela botlhe mo moleteng.”

¹⁷⁶ Lesedi la dipaka tse dingwe le ne le bonagatsa fela Lesedi lena. Lo a bona? Letsatsi gompieno le supegetsa fela, ke tshupegetso ya letsatsi le le tlaa nnang gone Phukwi ona kgotsa Phatwe, fa Modimo...la thobo. Mme Morwa, wa ga Lutere, Martin Lutere, le Wesele, le Sankey, Finney, Knox, Calvin, Moody, botlhe ba bangwe, banna ba bagolo bao morago teng koo ba ba neng ba na le lesedi leo; le John Smith wa kereke ya Baptisti, le Alexander Campbell, kereke ya Makhambelaeete, le ba ba bidiwang go twe Disciples of Christ, Christian Church, le le fae le afe maina a mangwe a ba nang le one a bone. Botlhe banna bao morago koo, mo dipakeng tsa bona, ba ne fela ba bonagatsa se go tlaa bong go le sone fano fa bokhutlong.

¹⁷⁷ Mme fong fano, bana, ka bonako morago ga basimolodi, ba dira eng? Ga ba a ka ba nna mo thitong. Ba ne ba kgeloga mo go Yone ba bo ba itirela selonyana sa mmoko golo fano. Mo e leng gore, fa o tloga mo motswedding wa mmannete wa Botshelo, wena ga o na Botshelo. O ntshe mmoko mo selong se, mme o se jwale fa ntle fano mo mmung, se tlaa nna faatshe se bo se bola. Le wena o jalo, o lekang go ja mana a a bodileng go tswa morago ko metlheng eo.

Thobo e budule! Jesu o na le lomati le le tsharabolotswana, kwa baitshepi ba Modimo ba otlwang ka Dijo tsa motlha o tse di buduleng, ke Lesedi la Efangedi le le rurifaditsang ebile le netefatsa gore Ena o fano gompieno. Amen. Baitshepi ba ja Senkgwe.

¹⁷⁸ Akanya fela. Mmoko wa kgale wa maabane, lo a bona, o se o jwale morago foo. O bodile. Ga o kake, ga o kake wa nna le lone. Nnyaya, rra. Ga o na go solegela molemo ope. Ga o na go gola. One o kgelogile mo Botshelang; mme Lefoko ke Botshelo. Go ntse jalo. Mmoko o wela faatshe, ditetswana tsa kgale di wela kgakala, le dilo tse di jaaka tseo. One o itira lekoko fela o bo o wela faatshe. O gana go tswelela pele le Botshelo.

Fela Lesedi le a Le rurifatsa. Ijoo! Ee, rra.

¹⁷⁹ Maabane, ijoo, ka fa re tshwanetseng go bona moo! Lo a bona, moo, dilo tse di bodileng tsa maabane, lo sek a lwa dija gompieno. Lo a bona? Di na le diboko mo go tsone. Lo itse dikolotinyana tsena tse nna ke di di bitsang? Ga ke itse. Nna—nna ga ke itse mo gontsi ka ga botshelo jwa megare, fela ke a itse re ne re tlhola re di bitsa dikoloti. E tsena mo sengwe le sengweng nako e e bolanyanang. Lo a bona? Jalo he ga ke e batle. Fa lo kgotsofetse ka yone, tswelelang pele, fela eseng nna. Fela gakologelwang...

Lo a re, “Fong goreng go ne go siame maabane?”

¹⁸⁰ Fa fela o ne o itsile gore one mmokonyana o o neng o le mo lebeleng kwa tshimologong, fa o nna mo tlhakeng, go tswelela pele go dira tlhaka. Moo ke sone selo se se dirang gore lebele le ntshe sethunya, ke se se neng se le maabane; fela fa o itomolola

mo tlhakeng, mme o sa gole, fong one o wela kgakala. Lo a bona? Fela fa o tswelela pele ka tiragalo, ya tiragalo e e nayang botshelo, jaaka o swa o tswakanelo fela mo sengweng se sele mme o dire tlhaka. Fa e se jalo, yone e tswa kae? Amen. Lo a go tlhaloganya? [Phuthego ya re, "Amen."—Mor.]

¹⁸¹ Jaaka Kgosigadi ya Enngelane, gangwe, o ne a ya ko komponeng e kgolo ya dipampiri, mme o ne a re o ne a ratile go bona go ralala madirelo a dipampiri. Jalo he ba ne ba mmontsha madirelo a dimpampiri, dingwaga di le dintsi tse di fetileng pele ga ba ne ba di dira go nna modubo le dilwana, jalo he ba ne ba fitlhela...ba dira dipampiri go tswa mo go gone. Jalo he bona, sentle, morago ga lobaka, o ne a tsena mo phaposing e e neng e se sepe fa e se mokoa wa kgale o motona wa makgasa a a leswe, mme o ne a re, "Mona go tswa kae? Mona ke eng? Ao," o ne a bua.

Ta-ta-tautona ya faboriki ne a re, "Mona ke—ke se re tlaa dirang pampiri ka sone, makgasa a a leswe ana."

O ne a re, "Moo, go dira pampiri?"

"Ee." Go raya gore ena ka boutsana o ne a sa kgone go go dumela.

¹⁸² Jalo he morago ga a se na go tsamaya, monna ne a tsaya one mokoa o o leswe wa makgasa, mme a di fetisa mo tiragalang e e rileng, mme a di ntsha e le pampiri e e tlhatswegileng, e e phepa, lo a itse, e ne ya fetisiwa mo tiragalang mme ya diriwa ka nnete... Mme a tsenya senepe sa gagwe mo go yone, a bo a se romela ko go ena, a bonagala mo go sena se a neng a se bitsa "makgasa a a leswe."

¹⁸³ Jaanong moo ke mo go leng gone. Dilo tse di suleng tsa maabane, molaetsa wa ga Lutere, molaetsa wa ga Wesele, molaetsa wa Pentekoste, fa e ka kgona fela go feta mo gare ga tiragatso ya Mowa o o Boitshepo wa Modimo le Lefoko la thurifatso, e tlaa tlisa ponalo ya ga Jesu Keresete, Kgosi. Amen. Fela fa o go tlogela go le foo, ke makgasa a a leswe. Lo a bona?

¹⁸⁴ Go tshwanetse gore go bopelwe mo sengweng se sele. Lutere o tshwanetse gore a bopelwe mo go Wesele, mme Wesele o tshwanetse gore a bopelwe mo Pentekosteng, mme Pentekoste e tshwanetse gore e bopelwe mo go Keresete. E feta mo tiragatsong. Le Efangedi e ne ya feta mo gare ga tiragatso. Ke go diragatsa. Paka ya ga Lutere, ya tshiamiso, re dumela moo; ya ga Wesele, ya boitshepiso, re dumela moo; ya Mapentekoste, ya puseletso ya dineo, tsa Mowa o o Boitshepo, re dumela moo, go tlhomame. Fela, o di bope go nna ga mmogo, o tswa ka eng? Jesu, go jalo, yo o tshwanang, maabane, gompieno, le ka bosafeleng. Ao! Go tlaa felelela go le Jesu.

¹⁸⁵ Nako e motho mo faboriking ya go nyerolosa o dira tleloko, ena o na le segalo se se rileng se a batlang go se tsenya mo go yone. Nako e a dirang foromo ya gagwe mme a tshela tshipi ya gagwe, o tshela mo teng kgotlho e e kana, le setale se se kana, le

kopore e e kana. Goreng? O itse totatota fela gore ke bontsi jo bo kae jo a tshwanetseng go bo tshela mo teng, go dira, go e naya segalo se se tshwanetseng.

Mme moo ke se Jesu a se dirileng ka Monyadiwa wa Gagwe. O ne a tshwanetse gore a tsenye mo go kana ga Lutere, mo go kana ga Methodisti, le mo go kana ga Presbitheriene, mo go kana ga Pentekoste, mo go gone. Fela O tswa ka eng? Ponalo e e Leng ya Gagwe.

Ke eng? Fela jaaka Molaetsa wa phiramiti, lo a bona, go a kokoana, mona, go tla mo bobotlanyaneng, le Lentswê la tlhogo. Bodiredi jwa ga Jesu Keresete, mo lefatsheng, bo tshwanetse bo tshwane jaaka bodiredi jo A neng na najo, kgotsa ga A kake a kgona go tla ko go jona. Fela jaaka tlhogo, mo dianong. Tlhogo . . . Dinao ga se tlhogo, fela tlhogo e rwala dinao, kgotsa e dira dinao, e di bolelela kwa di tshwanetseng go ya gone. Lo a go tlhaloganya? [Phuthego ya re, “Amen.”—Mor.] Ka bontle, ke Lesedi la oura.

¹⁸⁶ Wesele e ne e le Lesedi le legolo. Jaaka A ne a bolelela Johane Mokolobetsi, “O ne a le Lesedi le legolo la oura ya gagwe.” Go tlhomame, o ne a ntse jalo.

¹⁸⁷ Nnyaya. Ee, rra, makgasa a a tlhatswitsweng . . . Kgotsa, makgasa a a leswe a maabane, fa o sala ka tsela eo, go tshwanetse . . . go tlaa fetoga fela go nne makgasa a a leswe a nako yotlhe. A diretse boikaelelo jwa one, jaaka diaparo, fela jaanong gone go fotogile ga nna pampiri.

Tshiamiso e diretse nako ya yone, mo tshiamisong fa tlase ga ga Lutere, fong e ne ya tshwanelo go nna boitshepiso ka Wesele. Mme boitshepiso bo ne jwa direla nako ya jone, go fitlhela bo ne bo nna kolobetsa ya Mowa o o Boitshepo. Mme kolobetsa ya Mowa o o Boitshepo e diretse nako ya yone; go fitlhela Mowa o o Boitshepo (mo e leng gore, go na fela le Modimo a le mongwe) o tswakanelo ka mo Kerekeng, le Kereke ka mo go Keresete, mme go dira Jesu Keresete a bonagaditswe mo lefatsheng, se A se solofeditseng fano mo Baebeleng. O ka nna wa se go dumele; ga nkake ka go dira o dire moo. Nna ke na le maikarabelo mo Lefokong fela. Lo a bona? Go ntse jalo.

¹⁸⁸ Jalo he lo a go bona? A lo bona moo? Fa lo dira, go tlaa bo go ntse jaaka mo—motha nako nngwe a ile ko . . . ka nako ya, ne a ya ko Wales, go santse go le nako ya tsosoloso ya ma Welch. Segopa sa banna ba ne ba tsamaya go tloga mo United States. Jalo he ba ne ba fologa, mme ba ne ba re ba ne ba batla go batlisisa gore ke kago efeng e ba neng ba tshwaretse tsosoloso ena ya ma Welch teng. Ba le bantsi ba lona lo gakologelwa tsosoloso ya ma Welch, tsosoloso e kgolo e ne ya tlhagelela mo gare ga ba—batho ba ma Welch ko Wales. Jalo he banna bana, badiredi ba bagolo bana, le jalo jalo, ba ne ba tsamaya ba tloga United States, bona dingaka

tsa semodimo. Ba ne ba batla go ya ka koo mme ba bone ke selo se segolo sefeng se ba se dirileng, lo a itse.

Jalo he ba ne ba tsamaya ba fologa mmila, mme ba ne ba re...ba kopana le lepodisi le lennye la kgale le eme fa kgokgotshwaneng, a fereletsa thobane ya gagwe, lo a itse, eibile a letsa molodi wa se—sefela, jalo. Ba ne ba re, “Sentle, ena fela o letsa molodi wa sefela. Re ka nna ra tlhatloga, mme ra mmona, ra bona se a ileng go se dira. Goreng, re mmotse potso.”

Jalo he ba ne ba tlhatlogela ko go ena, mme ba re, “Rra, tsosoloso ya ma Welch e ko kae?”

¹⁸⁹ O ne a kona hutshe ya gagwe; o ne a re, “Borra, tsosoloso ya ma Welch e tshwaretswe teng *fano*,” mo pelong ya gagwe. Ao, moo ke gone, o ne a le tsosoloso ya ma Welch.

Ao tlhe Modimo, fa re ka kgona fela—fela go tlhaloganya gore re ponagatso ya ga Jesu Keresete, Lefoko la Gagwe le bonaditswe. Lona le ponatsa yo Lefoko la Gagwe. Lo a bona?

“Tsosoloso ya ma Welch e tshwaretswe kae? Ke kago efeng e leng mo go yone?”

O ne a re, “Rra, e mo pelong ya me.” O ne a le tsosoloso ya ma Welch. Go ntse jalo.

¹⁹⁰ Mme gompieno Kereke e tlamegile gore e bo e le Jesu Keresete a diragatsa mo lefatsheng. “Ka gore Ke a tshela, lo a tshela le lona; mme Botshelo jwa Me bo tlaa bo bo le mo go lona. Ditiro tse Ke di dirang, lo tlaa di dira le lona.” Lo a bona? Kereke e tshwanetse gore e goroge fa lefelong leo, le yone. Mme O soloeditse gore o tlaa go dira, mme go tlaa dira. E tshwanetse go tla ka tsela eo. Jalo he, lo a bona, moo ke mo go diragalang. Rona, re tshwanetse gore re nne ka tsela eo.

Ena ke Lesedi.

¹⁹¹ Noa e ne e le Lesedi le ene mo motlheng wa gagwe. E ne e le Lesedi. Noa e ne e le Lesedi leo. O ne a le Lesedi mo go eng? Go dira Lefoko la Modimo, “Ke tlaa nyeletsa motho mo lefatsheng, yo Ke mo tlhodileng. Aga areka, mme botlhe ba ba eletsang go tla mo go yone ba tlaa bolokega.”

Noa ne a tsamaela kwa ntle koo, ne a re, “Go na le tsela e le nngwe, mme eo ke areka.”

¹⁹² Ba ne ba re, “Segogotlo sa kgale se se pekang.” O ne a le Lefoko le bonaditswe. Noa e ne e le Lesedi la oura, go tlhomame o ne a ntse jalo. Motlha wa gagwe, paka ya gagwe, o ne a tlhagisetsa Lesedi pontsheng.

¹⁹³ Moshe e ne e le Lesedi la oura ya gagwe. “Nna go tlhomame Ke tlaa lo etela,” Modimo ne a bolelala Aborahama. “Ke tlaa fologa, eibile Ke tlaa le hudusa batho ba Me, ka seatla se se maatla, mme Ke tlaa supegetsa thata ya Me mo go Egepeto.”

Mme nako e Moshe godimo koo a neng a kopana le setlhare se se tukang koo, mme a fitlhela gore KE NNA o ne a le mo setlhareng seo, Moshe ne a fologela koo, mme o ne a le Lesedi. Amen. Ga e kgane a ne a kgona go tsaya lerolenyana, mme a le budulela godimo a bo a re, "A go nne le matsetse mo lefatsheng." O ne a na le Lefoko la Modimo. Go ne ga diragala eng? Lorole le ne la simolola go budulega, mme matsetse a ne a simolola go nna teng. Haleluya! Goreng? O ne a le ponatshego ya Lesedi la Lefoko la Modimo, "Ke tlaa betsa Egepeto." E ne e le moporofeto. Se a neng a se bua se ne sa diragala. O ne a le Lesedi la motlha oo. O ne a le Lesedi la Modimo.

¹⁹⁴ Faro a ka tswa a ne a nnile le sengwe le sengwe se a neng a batla go nna naso, le bone botlhe, baperesiti botlhe ba ne ba na le se ba neng ba se batla, fela Moshe e ne e le Lesedi. Goreng? O ne a supegetsa mo pontsheng Lefoko la Modimo, le bonaditswe. Modimo ne a sololetsa, "Ke tlaa ba hudusa, fa tlase ga seatla se se maatla, mme Ke tlaa Iponela kgalalelo." Moo ke se A neng a se dira.

Moo ke lebaka Moshe a neng a netefatsha gore o kgona go tlhola. Eseng ka gore o ne a batla go tlhola; fela ka gore Modimo o ne a mmoleletse go dira. "Mme ka moo, 'Ya ko phuthegong, o re, 'Ka moso..." Morena Modimo o fetsa go mpolelela, 'Tsaya lorole le le tlalang seatla mme o le latlhele godimo mo loaping, jaana, mme o go bitse.' Ga go ape fano, fela a tlaa nna teng." Amen!

Ao, ke sololeta gore ga lo a robala. Ao! [Mokaulengwe Branham o opa diatla tsa gagwe ga mmogo gangwe—Mor.] Ponatshegelo!

¹⁹⁵ O ne a re, "Nna ke rometswe. Modimo o ne tota a bolelela borraetsho, go thomame O tlaa re etela golo fano mme a re huduse. Ke tlie go lo netefalatse gore oura e gaufi. Latlhlang se lo nang naso. A re yeng!" Ee.

¹⁹⁶ Bangwe ba bone ba ne ba re, "Sentle, ke a dumela..." Dathane ne a re, "Ga ke akanye gore go na le boitlhaganelo bope. Ga re a tshwanela go bo re gakatsegile rotlhe ka ga mona." Mme go ne ga lebega okare go ne go paletswe, makgetlo a le manê kgotsa matlhano. Fela, go tshwana fela, go ne ga ya pele.

¹⁹⁷ Ba ne ba akanya. Ba ne ba tswa mme ba re, "Re tlaa kgobotla Moshe ka majê! Re mo tlose mo go rona! Ga re mmatle mo go sa rona—setlhopheng sa rona fano."

Moshe ne a tsamaya fela a tswelela pele, le fa go ntse jalo, ka gore o ne a le Botshelo, e ne e le Lesedi la oura. Se a se neng a na naso, e ne e le eng? Modimo a bonatsa Lefoko la Gagwe le le sololeditsweng ka Moshe, mme Moshe e ne e le Lesedi.

¹⁹⁸ Elia e ne e le Lesedi. "Tswela kwa mme o dule mo lekgabaneng lele! Ke laetse magakabe go go otla." Amen! Ee, rra.

¹⁹⁹ O ne a boela ko tlase ka MORENA O BUA JAANA. “Le e seng monyo go o na go wa go tswa Legodimong go fitlhela ke o bitsa.” Amen! “Letsatsi le ka nna la phatsima, lo ka nna la bitsa maru otlhe, mme la dira sengwe le sengwe se lo batlang go se dira, fela le e leng monyo ga o na go tla go fitlhela ke o bitsa.” O ne a le eng? Lesedi! Haleluya! O ne a le Lesedi. Lesedi! O ne a le Lefoko la Modimo le bonaditswe.

²⁰⁰ Ba ne ba akanya gore o ne a peka, a ntse koo. O ne na le bathusi ba mo jesa; mme bone ba ne ba phuphamisiwa ke tlala. Ba ne ba batla go tshela mo dingwaong tsa bona; ba tswelele pele. Eseng Moshe, kgotsa Elia, o ne a tshela gone mo Leseding. A neng a ntse koo mo molatswaneng, Kerithe, mme a na fela le nako e e monate; a ja dijo, le mongwe o ne a mo tlhokomela, le sengwe le sengwe. Ba ne ba akanya gore o ne a peka, fela e ne e le—e ne e le Lesedi.

²⁰¹ Ba re, “Hela, go diragetseng ka sebidikami se se boitshepo se se godileng sele se re neng re na naso tikologong fano? Sentle, lo a itse gore ke eng? Mongwe o ne a tsoma maloba, mme ne a re ba ne ba mmona a dutse godimo kwa gaufi le tsela, kgakala godimo ko tlhoreng ya thaba kwa. Ke a betsha gore mogoma yo o godileng yoo o batlile a omeletse, ka nako eno.” Ao nnyaya. O ne a le Lesedi. O ne a le Lesedi. O ne a le Lesedi la Modimo, mo motlheng wa gagwe.

²⁰² Johane, nako e a neng a tla mo lefatsheng, mme a ne a tswetse kong ko lefatlhakgofeng go bona thutego ya gagwe mo Modimong, eseng seminari. O ne a tshwanetse go itsise Mesia. Jalo he nako e a neng a tla pontsheng, Jesu ne a re, “O ne a le Lesedi le le tsabakelang le le phatsimang.” Haleluya! Goreng? O ne a le Lefoko le bonaditswe.

Isaia ne a rialo. Ke gone. Go ntse jalo. “O ne a romela lenseswe golo ko lefatlhakgofeng, le goa, le re, ‘Baakanyetsang Morena tsela, mme lo lolamiseng kgoro ya Gagwe, lo tlhamalatseng tsela.’ O tlaa goa, lengwe . . . lenseswe la mongwe yo goeletsang ko lefatlhakgofeng.” Ena ke yona a tla pontsheng. O ne a le eng? “Lenseswe la mongwe yo o goang ko lefatlhakgofeng.”

O ne a le eng? Ponatshego ya Lefoko, Lesedi. Modimo yo o tshwanang yo o neng a bolela mo go Genesi; yo neng a bolela mona, mme ke fa go tla Lesedi. Jaaka A rile, “A go nne lesedi, la letsatsi,” letsatsi le ne la tla la nna teng; e re O ne a rile go tlaa bo go na le “lenseswe la mongwe a goa ko lefatlhakgofeng,” ke fano go ne ga tla pontsheng. E ne e le Lesedi la oura.

²⁰³ O ne a bua gape, mo metlheng ya bofelo! Amen! Ke Lesedi la oura, le goa ko lefatlhakgofeng la Babilone, “Tswayang mo go ena, batho ba Me, gore lo se ka lwa nna baabedwi ba maleo a gagwe. Lo sekla lwa kgoma selo sa gagwe se se itshekologileng! Tlogelang kgakala le sone! Tshabang tshagakalo e e tshwanetseng go tla!”

²⁰⁴ Johane ne a bua selo se se tshwanag. “Selepe se tsepamisitswe mo moding wa setlhare.” O ne a sena thutego epe, o ne a sa bue le e leng jaaka moreri. O ne a bua ka ga dinoga, le dithobane, le ditlhare, le dilepe, le dilo, se a neng a se tlwaetse, ko lefathakgofeng. O ne a sa godisetswa mo dingweng tsa dilwana tsena tse di tona, tona, tse di siameng thata tse ba nang natso gompieno, jaaka ba ne ba na natso mo mothleng oo. O ne a tswa ka puo e e leng ya gagwe. O ne a sa eme mme a re, “Ah-man,” a bo a dira dikobamelo tsotlhe tsena tse di magasigasi. O ne a tswela gone fa ntle, fa ntle ga lefatlhakgofa, a le tala ebile a le makgwakgwa. Ne a re, “Lo se simolole go akanya gore, ‘Ke leloko la *sena* ebile ke leloko la *sele*.’ Modimo o nonofile gore a tsosetse Aborahama bana ka majê ana.”

²⁰⁵ O seka wa akanya gore ka gore o Methodisti, Baptisti, Presbitheriene, gore ena ona le tshwaro epe mo Modimong. Modimo o nonofile go ntsha bagwebi ba bojalwa fa ntle ga molao le baakafadi mo mmileng, a dire barwa ba Modimo ka bona. Mongwe o ile go Le utlwa, ebile mongwe o ile go Le dumela.

²⁰⁶ O ne a re, gape, “Selepe se tsepilwe mo moding wa setlhare. Mme setlhare sengwe le sengwe se se sa dumeleng, se remelwa tlase se bo se latlhelwa mo molelong.” Jalo he moo e ne e le molaetsa wa gagwe. O ne a le Lesedi la motlha oo.

²⁰⁷ Jesu ne a re, “O ne a le Lesedi le le tsabakelang le le le phatsimang, mme lona ka lobakanyana le ne la eletsa go tsamaya mo go lone.”

²⁰⁸ Mme Johane ne a reng, moporofeti? “O eme mo gare ga lona jaanong jaana. Nna ga ke tshwanelwe go funolola ditlhako tsa Gagwe. Mme ka bonako jaaka A tla mo tiragalang, nna ke a tloga.” Ijoo! Gonnie, O ne a le Lesedi.

Ga go na Masedi a le mabedi kgotsa a le mararo, ga go ana makgotla a manê kgotsa a matlhano a a farologaneng. Go na le Lesedi le le lengwe. Ga go na Methodisti, Baptisti, Lutere, Presbitheriene. Keresete ke Lesedi, mme Lesedi ke Botshelo. Mme Lefoko le le bonaditsweng ke Lesedi la oura.

²⁰⁹ “A go nne lesedi, mme go ne ga nna lesedi.” Ee, rra. “A go nne Lesedi,” mme go nne Lesedi! O ne a bua gore go tlaa nna Lesedi mo motlheng ono, mme go na le Lesedi. Ena o etla. Ke a go dumela. Solofelang ditsholofetso tsa paka ena. Ijoo!

²¹⁰ Lesedi lengwe le lengwe le le kileng la ba la phatsima, dipakeng tsena tsa kereke, re bona ka fa ba . . . Gone—gone go nnile go le tebego e e tlhomodisang pelo go e leba, ba gana. Tshenolo 3, ke na nalo le kwadilwe fano, Tshenolo 3, mme ke a itse se—se ke umakang ka ga sone fong.

²¹¹ Solofelang tsholofetso ya oura ena, e re tshelang mo go yone; Lesedi le le gannweng. Ba ne ba dira eng? Ba ne a Le gana morago kwa. Goreng? Ba ne ba tshela mo phatsimong. Ba dira eng gompieno? Selo se se tshwanang.

²¹² Sentle, a—a wena o Mokeresete? “Nna ke Molutere. Nna ke Mobaptisti. Nna ke Mopresbitheriene.”

Moo ga go reye selo se le sengwe. Go ka nna ga bua fela gore o ne o le “kolobe ya naga, kolobe,” kgotsa sengwe se sele se o batlang go se ipitsa. Lo a bona? Moo, moo go batlile go le boleng jo bo go kayang. Jaanong e se—e se go go ikgatholosa, fela ga wena o go isa mo karolong ya gone ya metheo, moo go siame.

Ke boditse potso, “Mokeresete?” Moo ke Keresete mo go wena. Mme fa Keresete a le mo go wena, fong Lefoko le mo go wena. Mme fong fa Lefoko le le mo go wena, nako e Lesedi le phatsimang, o ile go tswa jang mo go Lone? Lo a bona, potso ke eo. Moo ke se se leng mo teng jaanong, Lesedi. Lesedi la maitseboa le a phatsima. Setlhare sa Monyadiwa se a thuny.

²¹³ Ao, gakologelwang, ba ne ba pomile Setlhare seo sa kgale. “Mme se boijane bo se tlogetseng, mogokong o se jele; mme se mogokong o se tlogetseng, seboko se se jele.” Se Methodisti e se tlogetseng, Baptisti e se jele; se Baptisti e se tlogetseng, Pentekoste e se jele. O ne a re, “Setlhare sena se ne sa,” Joele foo, “ne sa kgaolwa gotlhelele go fitlhelela tlase ko seseping,” fela o ne a batla go itse fa se tlaa tshela gape. Ao, eya! O ne a boloka Setlhare seo. O bolokile Setlhare seo, ee, rra, gonnie e ne e le Monyadiwa wa Gagwe.

Mme O ne a re, “‘Ke tlaa buseletsa,’ go bua Morena.” Gone ke eng? “Ke tlaa tlisa pepeneneng, gotlhe mo Lutere a go jeleng, le Wesele a se jeleng, le tsone tsotlhe. Mme Ke tlaa se buseletsa, ka gore sone sothle se santse se le mo moding wa Setlhare.” Lo a bona?

Mme go ntse ka kwa mo mmung. Fela jaaka matute a a neng a ya kwa tlase, jaaka ke ne ka bua ka ga kgaitsadi, go ntse foo. Mme Ionaka lwa Modimo le tla duma, motlha mongwe, mme Malutere ao a a itschenketsweng, Mamethodisti, Mabaptisti, ba ba neng ba sena sepe se se amanang le lekgotla lepe . . .

²¹⁴ Lutere ga a ise a ko a dire sepe lekgotla. Moody ga a ise a ko a dire sepe lekgotla. E ne e le setlhophae sele sa bo Ricky, morago ga gagwe, ke se se neng sa dira lekgotla, ba tsaya mmoko. Johane Smith o ne a se rulaganye sepe. Ga go ope wa botlhe ba bona yo neng a rulaganya; e ne e le Lesedi la oura. Lutere, Wesele, kgotsa ope wa bona ba bangwe; e ne e le setlhophae seo morago ga foo, se neng sa tla kong, se se neng sa dira lekgotla.

²¹⁵ Mowa o o Boitshepo le ka nako epe ga o a rulaganya sepe ko Pentekoste. Pentekoste ke maitemogelo, eseng lekoko. Ga e ise e ko e rulaganye sepe. Ao, nnyaya. Fela batho ba ba ipayang e le mapentekoste, ba ne ba e dira lekgotla. Moo ke mmoko ka koo, o swa. Mo boemong jwa go e gatisa mo pampiring, mme ba dire gore setshwano se se feleletseng sa ga Jesu Keresete se tle pontsheng; nnyaya, ba ne ba iketsha, jalo he ga ba na sepe se se amanang le mo go Gone. Ba leseng ba le nosi.

²¹⁶ Fela re fitlhela gore jaanong, Lesedi lena, Setlhare sena, Keresete, o gannwe gape ke kereke. Goreng? Ka ntlha ya maikaelelo a ba a dirileng kwa tshimologong, diphatsimo tse dikgologolo tsa maaka tsa masedi a metlha e mengwe. Mme “O tshwana maabane, gompieno, le ka bosaeng kae.” Bahebereg 13:8 ya re O ntse jalo. Ena o tshwana gompieno jaaka A ne a ntse ka nako ele, ka gore O dira selo se se tshwanang se A se dirileng. Lefoko le le tshwanang, le Keresete . . .

²¹⁷ Reetsang, ke batla fela go lo tsaya jaanong, mme mpe sena se nneng sa motho ka bonosi. Ga ke itse, nna ganny ke . . . -tseye tshweetso a kana ke time moo jaanong kgotsa nnyaya, le a bona, ka ntlha ya theipi eo. Nna ke tlaa go tlogela fela foo. Lo a bona? [Phuthego e a ipela—Mor.]

²¹⁸ Ke batla go lo botsa sengwe. Lebang, elang mona tlhoko. Lo a bona, “O tshwana maabane, le ka bosaeng kae.” Elang tlhoko. Ditiro tsa Gagwe, tse A di dirileng, di a iponagatsa. Jaanong reetsang thata. Nako e A neng a eme foo, mo go Johane 14:12, O ne a re, “Ditiro tse Ke di dirang lo tlaa di dira le lona. Tse dints go feta tsena lo tla di dira, gonne Ke ya kwa go Rrê.” Jaanong, O ne a go bua. “Magodimo le lefatshe di tlaa feta, fela Lefoko leo ga le kitla le feta.” Jaanong fa e le gore re kwa bofelelong jwa bofelo jwa paka, “ditiro tse dints go feta” tseo di ile go tla kae? Lo a bona? Re fano. Ga re ise re nne le . . .

²¹⁹ Reetsang, fa khalentara ya Seroma e nepile, re na le di le - thataro . . . re na le dinyaga di le masome a mararo le borataro tse di setseng. Dingwaga dingwe le dingwe di le dikete tse pedi, lefatshe le kopana le bokhutlo jwa lone. Dingwaga tsa ntlha di le dikete tse pedi, le ne la senngwa ka metsi; dingwaga di tsa bobedi di le dikete tse pedi, Keresete o ne a tla. Mona ke 1964 e e tlang; dingwaga di le masome a mararo le borataro. Jaanong, khalentara ya Egepeto ya bolepidinaledi ya re re tswile ka dingwaga di le lesome le bosupa, “e fetetse pele ka dingwaga tse lesome le bosupa go tloga mo go eo,” moo go tlaa tlogela dingwaga di le lesome le boferabongwe tse di setseng.

Jesu ne a re, “Tiro e tlaa khutshwafatswa, ka ntlha ya Baitshenkedwi, kgotsa ga go tle go nna le nama epe e e boholegang.” Re kwa kae?

²²⁰ “Ditiro tse Ke di dirang lo tla di dira le lone. Mohuta o o tshwanang, fela di le dints go feta, lo tla di dira.” Jaanong elang tlhoko. Reetsang ka tlhoafalo. Yang mo go ya lona . . . Ke rapela gore Modimo o tlaa bulela pelo ya lona le monagano wa lona, tlhaloganyo, gore lo tle lo tlhaloganye ntleng le go bua gore go gontsi fano. Lemogang. O ne a bua letsatsi lengwe . . .

Mpe re boneng dingwe tsa ditiro “tse dints go feta” tse A di dirileng. Mpe re emeleng fela dilo di le mmalwa fela. A re akanyeng.

Nako nngwe, O ne a re, “Lo ba jeseng ka sengwe sa go jewa.”

Ba ne ba re, “Ga re na sepe.”

Ne a re, “Ke eng se lo nang naso? Ntlisetseng se lo nang naso.”

Mme ba ne ba re, “Re na le dinkgwe tse tlhano tsa momela le ditlhapi tse pedi.”

O ne a re, “Di tliseng ko go Nna.”

²²¹ Mme O ne a tsaya dinkgwe tsa ntlha tse tlhano mme a simolola go nathoganya dinkgwe. Mme, go tswa mo go tsa kwa tshimologong, O ne a dira borotho. O ne a jesa dikete tse tlhano. A go ntse jalo? [Phuthego ya re, “Amen.”—Mor.] Ne A tloga a bua, mme O ne a tsaya tlhapi, “Mpheng tlhapi.” E ne e le tlhapi, go tloga tshimologong. Mme O ne a e tsaya, tlhapi eo, tlhapi e nngwe le tlhapi e nngwe, a bo a jesa dikete tse tlhano. A go ntse jalo? [“Amen.”]

Fela mo metlheng ya bofelo O ne a sena sepe. O ne fela a bua, mme a re, “Bua gore go tlaa nna teng,” mme go ne ga nna teng, ntleng le sepe. O ne a ise a nne le mogwele; go ne go sena ope foo. O ne fela a re, “A o nne teng,” mme o ne wa nna teng. Lo a bona? Ao, Lefoko la Gagwe ga le palelwe, ebile Le tshwanetswe gore le diragadiwe.

²²² Nka lo bolelela dilo tse di tla lo roromisang. Lo a bona? Go teng nako e A reng go teng. E re Ena a go bue. Lo a bona, totatota fela.

²²³ Lo a bona, Botlhaba-tsatsi, Bophirima-tsatsi fano bo boile mme bo kopane le Botlhaba-tsatsi. E ne e le Moshe, ebile a neng a tsaya motlhaba, a bo a re, “A go nne le matsetse,” le jalo jalo jalo, “mo lefatsheng.” Fela mo motlheng wa bofelo ga A tseye sepe; lo a bona, Lefoko fela. “A go nne teng,” mme go nne teng. Mo go bolelwang, moo ke tsela e go tlaa nna ka gone.

Ke batla go supa ka ga dingwe tsa dilo tseo bosigong jono, lo a bona, lo a bona, tsa tse di diragetseng, gore lo kgone go bona gore Ena o santsane e le Modimo. Mafoko a Gagwe ga a kgone go...

“Ditiro tsena tse Ke di dirang lo tla di dira le lona, mme tse dintsi go feta tsena lo tla di dira. Ke ne ka tsaya tlhapi go dira tlhapi; lona ebile ga le tshwanele gore lo neng le tlhapi.” Lo a bona? O santsane e le Modimo, o santsane e le Morwa yo o tshwanang. Morwa Modimo yo o tshwanang yo neng a tsaya tlhapi mo tlhaping, ke Morwa Modimo yo o tshwanang gompieno. “Ditiro tse Ke di dirang tsena lo tla di dira le lona. Ebile le tlaa dira tse dintsi go feta mona.” Go tlaa bo go godisitswe “Tse dintsi go feta tsena lo tla di dira.” Mme batho ba gana go go bona. Huh! “Ditiro tse dintsi go feta!”

²²⁴ Lesedi la maaka. Lo a itse, ke ne fela ke akantse ka ga sengwe. Ke ne ke umaka thata ka ga Enngelane, fela ke ne ke akanya ka ga lesedi la maaka. Fano e se bogologolo, lotlhlo lo

gakologelwa borukutlhi jo bogolo go feta thata jo—jo Enngelane e kileng ya nna le jone, jo bo neng jwa diriwa. E ne e le thukhutho ya didolara di le didikadike tse supa. Ga ke akanye gore go kile ga ba ga nna le sepe mo lefatsheng go bapisanya le yone. Thukhutho e kgolo, sesheng, ya didolara di le didikadike tse supa, le e leng Scotland Yards ga e kgone go e rarabolola.

Lo itse ka fa ba go dirileng ka gone? Ka lesedi la maaka. Ba ne ba tsenya lobone mo seporong sa terena, ba tlhagisa, go tswelela go fitlhela e tla kwa loboneng le le hubidu, mme ba ba emisa. Mme foo borukutlhi bo ne jwa diragala, fela kwa lefelong le le tshwanetseng. Lesedi la maaka le ne la neela borukutlhi jo bogolo go feta jo ditshaba di kileng tsa ba tsa bo itse. Le ne la rukutla ditshaba. Ya thukhutho e kgolo go gaisa thata, borukutlhi jo bogolo go gaisa thata, bo ne jwa diriwa ka lesedi la maaka.

²²⁵ Mme borukutlhi jo bogolo go feta thata jo kereke ya Modimo e kileng ya nna le jone ke lesedi la maaka, phatsimo, lekoko la bone. Bo ne jwa ba tseela thata ya Mowa o o Boitshepo. Bo ne jwa tsaya mo kerekeng yone thapo ya Botshelo. Bo ne jwa ba rukutla Lefoko, nako e ba neng ba amogela ditumelo tsa kereke mo boemong jwa Lefoko. Bo ne jwa ba rukuthla.

Ao, ba ipolela fa ba na le Lefoko. Lefoko ka Bolone le itshidisetsa paka; Le a Ikitsise. Ba ithaya gore ba ne ba na le Lefoko, le bona, morago kwa mo metlheng ya ga Jesu. Fela E ne ya re, “Ba bone Lesedi le legolo,” mme ba ne ba Le gana. Ba Le bone, fela ba Le ganne.

²²⁶ Ao, lesedi la maaka, ee, le lopile kereke tuediso ya borukutlhi jo bogolo go gaisa jo e kileng ya nna najo. Ditumelo tse di tsididi tsa selekoko, mokaulengwe, ga di na go budusa Lefoko le le rurifaditsweng, tlhaka. Baebele ne ya re, Jesu ne a re, “Lefoko la Modimo ke pe—Peo e mojwadi a e jwadileng.” Lo a bona? Mme ditumelo tse di tsididi ga di na go budusa Lefoko leo. Nnyaya, nnyaya!

Metha ya letsubutsabu la sefokabolea e e tsididi ga e na go budusa mabele. Nnyaya, e le ruri! Go tlhoka bothitho jwa lesedi la letsatsi, ka gore e ne e le Lefoko la Modimo le le boletseng go dira selo se jaana ka gone.

Mme go tlaa tlhoka Lefoko le le boletseng la Modimo, gompieno, go supegetsa baitshepi ba Modimo gore Jesu Keresete o a tshela. Go tshwana fela jaaka A ne a ntse maabane, Ena o jalo gompieno. Ditumelo tsa kereke le makoko ga di kitla di go dira. Tsone di tsididi ebile di itlhokomolosits, mme tlhaka e tlaa bolela gone mo mmung. Ga e kake ya tlhoga fa tlase ga seo.

²²⁷ Moo ke lebaka, gompieno, re nang le se re se dirang. Jaaka Mokaulengwe Billy Graham wa rona yo o rateng thata, motsosolosi yo mogolo. Ke akanya gore Modimo o dirisa monna yo. Fela lebang se a se dirang; go tswela mo gare ga Mabaptisti

ao le Mapresbitheriene. Lo dira eng? Lo tsaya segopa sa baipataganyi ba kereke.

²²⁸ Lo bona kwa Southern Baptists e ipelafatsang gone golo kwa ka gore ba ne ba na le makoko a le mantsi, kgotsa, lekoko la bona le ne la gola go feta go na le Maprotestante ape a sele? Makhatholike a ne a ba tsaya botlhe, go batlike, ngwaga o o fetileng. Lo go bone mo pampiring? Go tlhomame e dirile. Lo seka lwa tshwenyega, e ile go ba tsaya botlhe, ka gore go tsaya Mabaptisti le botlhe, gone ga mmogo. Mme bona botlhe ba bangwefela, mme ga ba go itse.

Lekgotla la kereke, Lekgotla la Dikereke, le ba tsenya botlhe go le fela selo se se tshwanang. Lekoko le tsenya... Goreng, goreng lo tlaa batla go sala golo *fano* kgotsa golo ka *kwano*? Fa fela e le gore lo gana *Mona*, ke pharologanyo efe e go go dirang? A lona ga lo dirise dikopelo tse di tshwanang tsa lekoko, fela go tshwana le fa lo leng ka gone mo lefelong lengwe? Nngwe, sebatana; le e nngwe, letshwao. Jalo he, ke lona bao, go raya gore moo ga go dire pharologanyo epe.

²²⁹ E kwa a neng a le gone. Ena o ne a tiba fela sekano sa gagwe sa tumelelo, mme ke lona bao lo a go tsaya. Mme ene ke yoo ne a etelela pele, gone ka tlhamallo ko White House, le ko Washington, DC, le—le ko Lekgotleng la Dikereke, mme ke lona bao le a ya. Baruti ba banna ba ne ba ba isa gone kwa morago, totatota se Baebele e buileng gore ba tlaa se dira. [Mokaulengwe Branham o kokota garataro mo felong ga therelo—Mor.]

Ija, ke eletsa tshupanako eo e ne e sa tsamaye ka bofeso jaana! [Phuthego ya re, “Tsaya nako ya gago.”—Mor.]

²³⁰ Jaanong, akanyang fela jaanong kwa re leng gone. Lebang ditsholofetso tsa motlha o, di gannwe gape. Ka fa dikereke di dirileng sena mo motlheng ona wa bofelo, phatsimo ya lekoko!

²³¹ Go tshela mo phatsimong ya maaka ke lebaka le Yone e sa tleng go butswa. Moo ke lebaka e leng gore, Lefoko lena, ga lo bone metlholo.

²³² Moperesiti o ne a mpotsolotsa, go se bogologolo, mme o ne a re, “Rrê Branham,” o ne a re, “o kolobetsa jang?” Mo—mosetsana mongwe yo o tswileng mo kerekeng ena; mme a ne a kgelogile ebile a nyetse mosimane wa Mokhatholike, mme a ne a ile ko kerekeng ya Khatholike. Mme o ne a ile go mo amogela mo kerekeng.

²³³ Ke ne ka re, “Ke mo kolobeditse ka kolobetsa ya Sekeresete.”

O ne a re, “Mobishopo o batla go itse.”

Ke ne ka re, “Go siame, gone ke moo.”

Ne a re, “A o ikana ka mona?”

²³⁴ Ke ne ka re, “Nna ga ke ikane gotlhele.” Mme o ne a re... “Eya,” ne ka re, “fa a sa kgone go tsaya lefoko la me ka ga gone,

sentle, moo go siame. Ka gore, ga ke ikane. Baebele e rile, ‘O seka wa ikana ka magodimo; ke sedulo sa Modimo sa bogosi; lefatshe ke sebeo sa Gagwe sa dinao. A ee wa lona e nne “ee,” le nnyaya, “nnyyaya.”’’ Ke ne ka re, “O tlaa tshwanela gore a tseye lefoko la me ka ga gone.”

Ne a re, “Sentle, wena—wena o rile ‘Kolobetso ya Sekeresete,’ o raya eng, ka go—ka go tebisa?”

²³⁵ Ke ne ka re, “Moo ke tsela e le nosi kolobetso ya Sekeresete e diragadiwang ka gone.” Ke ne ka re, “Ke mo kolobeditse mo nokeng ya Ohio; ka mo tsenya mo tlase ga metsi, ka Leina la Jesu Keresete, mme ka mo tlhatlosetsa fa godimo. Ke mo kolobeditse ka ‘Leina la Morena Jesu Keresete,’ mo e leng kolobetso e le nosi ya Sekeresete e e leng teng.”

Ne ka re, “Ee, rra.” O ne a go kwala jalo. Mme o ne a re, “Go a makatsa!” Ne a re, “O a itse, kereke ya Khatholike e ne e tlwaetse go kolobetsa ka tsela eo.”

Ke ne ka re, “Leng?”

Mme o ne a bua. O ne a tswelela pele, mme puisano e ne ya tswelela lobaka. Mme o ne a re, “Sentle, re Khatholike ya kwa tshimologong.”

²³⁶ Ke neng ke itse, go ne go ntse gone foo di—dibuka, lo a itse, le ditso ka ga gone, ke ne ka re, “Moo ke boammaaruri, fela,” ke ne ka re, “goreng lo sa go dire gompieno?”

O ne a re, “Re na le thata ya go itshwarela maleo.” Ne a re, “Jesu, a ga A ka a bolelala barutwa ba Gagwe, ‘Mang le mang yo maleo a gagwe lo a itshwarelang, bone ba a itshwaretswe; mme mang le mang yo maleo a gagwe lo a sadisang, bone ba a sadiseditswe?’”

Ke ne ka re, “Ee, rra. O dirile.”

O ne a re, “Ka ntlha eo a moo ga go neye kereke taolo? Petoro e ne e le tlhogo ya kereke.”

²³⁷ Ke ne ka re, “Fa kereke e tlaa itshwarela maleo ka tsela e Petoro a dirileng ka yone.” Ke ne ka re, “Jaanong, nako e ba botsang, ‘Ke eng se re tshwanetseng re se dire gore re bolokege?’ O ne a re, ‘Ikotlhaeng, mongwe le mongwe wa lona, mme lo kolobetsweng ka Leina la Jesu Keresete gore lo itsharelwe maleo a lona.’” Ke ne ka re, “Lo dire moo, mme ke tlaa tsamaya le lona.”

“Ao,” o ne a re, “o leka go ikuelela Baebele.”

Ke ne ka re, “Moo ke Lefoko.”

O ne a re, “Modimo o mo kerekeng ya Gagwe.”

Ke ne ka re, “Modimo o mo Lefokong la Gagwe. ‘Mafoko a motho mongwe le mongwe, a batho ba bangwe, ke leaka; a Gagwe ke Boammaaruri.’” Lo a bona?

²³⁸ Jalo he ga go na tsela e a ka go bonang ka yone. Fela ke bao—ke bao ba ya, gone ko lefifing. Mme Maprotestante, ka dikete, ba wela mo go gone. Bona ke bano, gone golo fa ba itseelang ditumelo tsa bone tsa kereke le dilo, ba ya gone mo teng. Lefoko le tswela gone fa ntle, le go netefatsa, Jesu Keresete a Iponagatsa, “a tshwana maabane, gompieno, le ka bosaeng kae.” Mo phatsimong eo ya tumelo ya kereke, ba tswelela pele gone ko lefifing. Fela jaaka ba dirile mo nakong ya ga Noa, fela jaaka ba dirile mo dinakong tsotlhe, ba go dira gape gompieno, gone ko ntle mo lefifing! Goreng? Ba gana Lesedi ka gore tumelo ya kereke e ba foufaditse.

²³⁹ Ao, a oura e e lefifi e re leng mo go yone jaanong! Uh-huh! Eya, ba gana Lesedi la ga Keresete la nnetge la Bosakhutleng, mme moo ke se se go dirang.

²⁴⁰ Makoko a a tsididi ga a kitla a kgona go tlisa Botshelo mo Lefokong la Modimo, ka gore le tlisa botshelo ko lekokong la bone. Re na le Bakeresete ba le bantsi ba ba ipolelang go bo ba ntse jalo gone jaanong... Lebang fano, fa Bakeresete...

Ke ne ka botsa moperesiti yona sena. “Fa kha... Ke tlaa dumalana nao, gore Kereke ya khatholike e ne e le gona, kwa tshimologong, kwa Pentekosteng,” e seng kwa Nishia, Roma. Kereke ga e ise e simolole kwa Nishia, Roma. E simolotse ko Pentekoste. Lo a bona? Kwa Jerusalema ke kwa Kereke e neng ya simolola gone. Fela ke ne ka re...

²⁴¹ Fano, ke tlaa amogela gore batho bana, makgoba ao le dilo, ba ba neng ba na le Mowa o o Boitshepo, beng ba bone ba ne ba bona dithata tsa bone le dilo, se ba neng ba se dira; ba tsosa baswi, ba bua ka diteme, ba kgoromeletsa ntle bodiabolo, ba bolelela pele dilo. Mme baporofeti mo gare ga bona, le jalo jalo, ba ne ba tswa ka matlalo a dinku go ba dikologa; ba ja merogo, ba tla ko Lekgotleng leo la Nishia, le jalo jalo, mme ka fa ba neng ba le banna ba bagolo! Mme foo ba ne ba tswa foo, ba bo ba tlhatlogela koo ko Lekgotleng leo la Nishia, ba emetse Lefoko.

Fela, malatsing a a lesome le bottlano ao a a madi, ba ne ba amogela, “Rara, Morwa, le Mowa o o Boitshepo” e le tumelo ya kereke, mo boemong jwa thuto ya Baebele, “ka Leina la Jesu Keresete.” Ka seo go ne ga tla dikereke tsotlhe tsa Maprotestante, tsa tsalelwa gone mo go gone, selo se se tshwanang, dilo tsotlhe tse dingwe tsena. Kakanyetso ya maaka ya Mowa o o Boitshepo; ba ne ba ja, ba ja selalelo, ba nwa moweine, “Moo ke *yukhariste e e boitshepo*, mo go rayang ‘Mowa o o Boitshepo.’” Mopereseti o a se go neela.

²⁴² Jaanong, Baebele ga e balege e re, “Erile Letsatsi la Pentekoste le tlile ka bottlalo, moperesiti ke yona a tlhatloga tsela, kholar menolotswe, ne a re, ‘Ntsha loleme lwa gago mme o tseye yukhariste e e boitshepo.’” Nnyaya, ga E a ka ya re, “Lona lotlhe batho tabogelang golo kwano mme lo nneye seatla sa moja

sa kabalano, lona Mabaptisti, Mamethodisti, le Mabaptisti, ke tlaa kwala leina la lona. Tlisang lekwalo go tswa golo gongwe."

²⁴³ O ne a re, "Ba ne botlhe ba le mo lefelong le le lengwe, ka bongwefela jwa pelo. Mme ka tshogonetso go ne ga tla mosumo go tswa Legodimong jaaka phefo e e mašetla e e sumang, mme e ne ya tlala kamore yotlhе kwa ba neng ba dutse gone. Botlhe ba ne ba tladiwa ka Mowa o o Boitshepo, mme ba simolola go bua ka diteme tse dingwe, jaaka Mowa o ne o ba naya puo. Mme foo . . ." Ba ne a ya kwa ntle ko mmileng, ba thetheekela jaaka banna ba ba tagilweng, Marea le botlhe ba bona, fa tlase ga ditlamorago tsa Mowa o o Boitshepo.

Goreng, batho ba ne ba re, ba ba tshega, ebile ba re, "Batho bana ba tletse ka moweine o moša." Ba ne ba le eng? Ba foufaditswe ke tumelo ya kereke.

²⁴⁴ Moreri yo monnye yole wa two-by-four ne a ema foo, a bidiwa go twe Petoro, mme o ne a re, "Lona batho ba Judea le lona ba lo dulang . . . lona batho ba Jerusalema, ba ba dulang mo Judea, mpe mona go itsiweng ke lona, ebile lo reetseng mafoko a me. Bano ga ba tagwa. Fela mpe ke lo boleleleng se Lokwalo le buileng gore go tlaa nna sone. Mona ke Lesedi. Mona ke Lefoko le bonagatswa." Amen.

Selo se se tshwanang se a diragala gompieno, mme ba dira jaaka ba dirile ka nako ele, ba a tloga mme ba thukhutha ditlhogo tsa bona. Ne a re, "Ba tlogelie ba le nosi; difofu tse di etelelang pele difofu, botlhe ba wela mo moleteng."

²⁴⁵ Ao, go tlhoka Keresete, Botshelo jwa Bosakhutleng, go tlisa Lefoko la Botshelo fa thurifatsong, le dirilwe nama. Ijoo, bomolemo! Go tlhoka Lefoko . . . go tlhoka Mowa o o Boitshepo go berekisa Lefoko la Modimo.

²⁴⁶ Nako e Jesu a neng a re, "Yang ko lefatsheng lotlhe, mme lo rerele setshedi sengwe le sengwe Efangedi." Jaanong lebang, Mareko 16, thomo ya Gagwe ya bofelo. "Lefatshe lotlhe, lefatshe lotlhe," ga go ise go goroge koo ka nako e, lo a bona. "Lefatshe lotlhe, mme lo rerele setshedi sengwe le sengwe Efangedi. Yo o dumelang," mo lefatsheng lotlhe, "mme a kolobediwa o tla bolokega; yo o sa dumeleng o tla hutsegia. Mme ditshupo tse di tla latela bao ba ba dumelang."

"Ba tlaa dumedisana ka diatla le more- . . ." Nnyaya. "Ba tlaa bo ba le leloko le le siameng la kereke"? Nnyaya.

"Ka Leina la Me ba tla kgoromeletsa ntle bodiabolo; ba tla bua ka diteme tse dintšhwа; ba tla tsholetsa dinoga; kgotsa, ba nwe dilo tse di bolayang, ga di na go ba utlwisa botlhoko; fa ba baya diatla tsa bona mo balwetsing, ba tla fola." Ijoo!

²⁴⁷ Bokgakala jo bo kae? "Setshedi sengwe le sengwe." Go lee kae? "Lefatshe lotlhe," go fitlhela A tla gape. "Ditshupo tsena di tla . . ." "Yo o dumelang mo go Nna, ditiro tse Ke di dirang o tla

di dira le ena. Ebile tse dintsi go feta mona o tlaa di dira, gonne Ke ya ko go Rrê."

²⁴⁸ Ao, ka fa re kgonang go tloga mo go Seo ke mo go fetang mo nka go buwang! Re mo lefifing thata jaanong go feta ka fa ba neng ba ntse ka gone. Jaanong nna fela ke na le ditemana di le mmalwa fela fano, fong ke batla go ya kwa bokhutlong ka bonako jaaka nka kgon- . . . Re mo lefifing go feta ka fa ba neng ba ntse ka gone.

Ke a itse ke a lo lapisa fano, go ka nna oura le halofo. [Phuthego ya re, "Nnyaya!"—Mor.] Fela, lo a bona, theipi ena e tswelela go ya gone kwa. Lo a bona? Lo a bona?

²⁴⁹ Bona ba mo lefifing go feta go na le ka fa re ntseng ka gone. Ke ne ka dira polelo, eo. Goreng? Dikereke, mo phatsimong ena, go tsietsa thata, go lebega ekete ke Boammaaruri. Jaanong, a Jesu ga a a ka a re? Mpe re boneng Matheo 24, lo a bona. Matheo 24, Jesu ne a bua gore, "Mo metlheng ya bofelo, mewa e mebedi e tlaa bo e tshwana thata go tsamaya gone go tlaa tsietsa bone Baitshenkedwi fa go ne go kgonega." Go tlaa nna le setlhophapha se se itshenketsweng se se tlaa tswang go dira Kereke, mo metlheng ya bofelo. Mme makgotla ana, ka se ba se bitsang Boammaaruri jwa bone, ba tlaa bo ba le gaufi thata le Selo sa mmannete, moo go tlaa tsietsa bone Baitshenkedwi, le e leng Mapentekoste.

²⁵⁰ Jaanong, lo a itse gore ga lo tle go tsaya Mopentekoste mme lo mo tsietse ka thuto nngwe ya Methodisti kgotsa Baptisti. Ga o na go mmolelela moo. Ena o itse botoka. Ga lo na go ya go tsietsa Mopabtisti mongwe ka thuto ya Selutere, ebile. Lo a bona?

Mme ebile ga lo na go amogela Molae- . . . tsietsa Molaetsa, jaanong mo Lefokong lena, ka thuto nngwe ya Pentekoste, "Rara, Morwa, Mowa o o Boitshepo" tsa maaka, le dilwana tsotlhe tsena tse di jalo, mme morago kwa mo ditumelong tseo tsa kereke tse ba neng ba na natso mo thulaganyong eo ya lekgotla. Nnyaya, ruri. Ga lo kitla lo ba tsietsa, ka gore Baitshenkedwi ga ba na go tsiediwa.

²⁵¹ Gone ke eng? Gone ke eng? Go tsietsa. Diphatrimo tsena, di dira eng? Tsone di gogela kereke ko kganyaolong ka lekgotla, ka phatsimo ya bone. Moo go tlaa bo go le kganyaolo ya bofelo, nako ee mosadi le Roma ba gokaganang ga mmogo. Nako e ba bopang sethwantsho seo sa sebatana, moo ke kganyaolo ya bofelo. Mme diphatrimo tsena tse lo nang natso jaanong, lebang se go se dirang, lo etelela batho pele. Ke podi.

²⁵² Podi ka gale e etelela dinku pele go ya kganyaolong. Lo bone moo ko dihokong tsa kganyaolo. Podi eo e tlaa tabogela gone fa godimo foo mme e etelele pele dinku, e tloge e tlolele ko ntle mme e tlogele dinku di tswelele pele go tsena. Moo ke se a se dirang. O tlhola a dira.

E ne e le dipodi tse di neng tsa etelela Jesu pele, Kwana, go ya kganyaolong. Dipodi tsa Seroma! Go ntse jalo.

Ke dipo—ke dipodi tsa makoko gompieno tse di etelelang pele dinku tse di senang molato go ya kganyaolong. Ba ipeye, maina a bona mo bukeng tseo ka kwa, mme ba fedile. Moo ke letshwao la sebatana. Ka Leina la Morena, ke a bua. Ke ne ka kganelo moo lobaka lo lo leele. Ke boammaaruri. Ke totatota. Sebatana ke eng? Sebatana ke eng? Ke tatelano ya maemo a Seroma, lekgotla la ntlha. Letshwao la teng ke eng? Selo se se tshwanang, totatota, selo se se tshwanang totatota jaaka sele se ne se ntse ka gona. Kganyaolo, go ya phatsimong!

²⁵³ Fela mo sefatlhegong sa lefifi la jaanong jaana, re santse re bone Lesedi la Modimo le phatsima mo gare. Ka fa re lebogelang moo ka gone!

²⁵⁴ Reetsang ka tlhoafalo. Re ne ra bona Lesedi, Lefoko la Gagwe le A le solofeleditseng motlha ona, le netefaditswe ebile le rurifaditswe. Ke Boammaaruri, Lesedi la oura. Ijoo! Nna ke itumetse thata. Go go na sepe se se phoso. Ga go sepe.

²⁵⁵ Fano go se bogologolo modiredi o ne a bua gore o ne a le golo ko Florida, mme o ne a na le kol—koloi, ke a dumela e ne e le Chevrolet, mme selo se se ne sa tswa mo tlase ga gagwe. O ne a sa kgone go e baakanya. Mme o ne a ya kwa karatsheng, mme makheneke yo monnye yo o godileng o ne a tsena mo tlase ga yone le kwa godimo ga yone, a bo a tshwaratshwara go dikologa; o ne a se kgone go e baakanya. Mme o—o ne a tle a leke *sena*, mme se ne se tle se pale go bereka. Mme o ne a tle a leke sengwe se sele; go ne go tle go pale go bereka. O ne a tle a tsenye jenereitara, a tsenye *sena*, mme a tsenye dipolaka, a tsenye dipointe; o ne a se kgone go dira selo se se bereke. O ne fela a se kgone go e dira gore e bereke.

Kgabagare, monna yo neng a apere sentle thata ne a atamela. O ne a re, “A nka go naya kgakololo?”

²⁵⁶ Makheneke yo monnye o ne a na le tlhaloganyo e e lekaneng go re, “Ee, rra.”

O ne a re, “O tseye *sena*, mme o oketse ka *sena* le *sena*, mme,” o ne a re, “kopantsha moo ga mmogo gangwe mme o e leke.” Mme o ne a tsaya *mona* a oketsa ka *mole*, mme a di kopanya ga mmogo, mme ke eo e ne ya tsamaya.

²⁵⁷ Makheneke yo monnye ne a retologa, a bo a re, “E re, ke wena mang?” O ne a le moenjeneere, moenjeneere mogolo wa General Motors. O ne a dirile selo se. E ne e le ena yo o se tlhodileng.

²⁵⁸ Mme, gompieno, nako e re buang ka ga Methodisti, Baptisti, le Presbitheriene. Makheneke yo Mogolo o fano; Motlhodi wa Lefoko la Gagwe, Monna Yo tlhodileng magodimo le lefatshe, a ba a tlhola Kereke ya Gagwe! A O itse go feta ka ga se se tlhoekegang go ya Phamolong, kgotsa a kereke ya Methodisti kgotsa Baptisti e itse go feta ka ga se se tlhoekegang? Ena ke Motlhodi. O itse se se tlhoekegang. O apere sentle ka Thata

ya tsogo ya Gagwe. Haleluya! O tsamaya mo gare ga rona, gompieno, ka Thata ya tsogo ya Gagwe.

O itse se se tlhogekang go tsenya Kereke mo tolamong ya Phamolo. O E tlhodile, mme a tsenya dikarolo ga mmogo fano mo Baebeleng. Amen! Letla fela kelelo ya Motlakase e elele mo gare ga Yone, jaanong E ele tlhoko e diragatsa. Letlelelang tumelo, mo Lefokong la Gagwe le le solofeditsweng gompieno, e elele go feta, lo tlaa bona ka fa E dirang ka gona. Goreng? O tlhotse selo se. O tlhodile Kereke ya Gagwe ka Lefoko. Moo ke se A se kopanyang ga mmogo. Eseng ka lekgotla la Methodisti, kgotsa Baptisti, kgotsa Presbitheriene, kgotsa Pentekoste; fela ka Lefoko la Gagwe. “Motho ga a tshwanelo go tshela ka senkgwe se le sosi, fela ka Lefoko lengwe le lengwe le le tswang mo molomong wa Modimo.” Ee, rra.

²⁵⁹ Tswayang mo diphatsimong tseo, mo gare ga lefifi, nako e e lefifi ena e re tshelang mo go yone jaanong. (Ke na le fela go batlile go le metsotsso e metlhano e mengwe e e setseng.) Mo gare ga lefifi, ke mang yo o ileng go hudusa Monyadiwa? Ke mang yo o itseng ka ga Ena? Motlhodi yo Mogolo. Ao, eya. Go tswa mo tlhakathakanong yotlhe ena ya phatsimo!

Fano, Momethodisti a phatsimela tseleng e le nngwe, Mobaptisti ko go e nngwe, le Mopresbitheriene e nngwe, le Mopentekoste e nngwe, gotlhe mona go phatsimela fa tikologong. Ba a taboga, ba tsenye leina la bone ka *kwano*, mo phatsimong ena fano; go tla go itse, sengwe foo. Mme o tle ka *kwano*; mme sengwe foo. Tlaya ka *kwano*...

²⁶⁰ Jaaka ke ne ka bolelala moperesiti yole, “Fa lona lotlhe lo le kereke ya kwa tshimologong, mme lo ile lwa latela thuto ya banna bana e e rulagantsweng ga mmogo kwa Nishia, ke goreng lo se na thata e ba neng ba na nayo koo ko tshimologong ka ntlha eo? Goreng lo sa dire dilo tse ba di dirileng, tse Jesu a di buileng?”

Ne a re, “Ao, re batho ba bantsi go feta jaanong. Rona, re tshela mo pakeng e e farologaneng.”

²⁶¹ Ke ne ka re, “Fela Lefoko ga le fetoge. O ne a re, ‘Ditshupo tsena di tla ba latela go ya dipakeng tsotlhe. Magodimo le lefatshe di tlaa feta, fela Lefoko la Me ga le kitla.’ Moo ke gone.”

O ne a re, “Sentle, wena o bua ka ga Baebele.”

²⁶² Ke ne ka re, “Ee, Lefoko, le e leng Keresete.” Go ntse jalo. Mme jalo he ke lona bao. Lo a bona?

²⁶³ Mme mo phatsimong ena, Methodisti e supegetsa tsa bone, Baptisti e supegetsa tsa bone, Presbitheriene e supegetsa tsa bone, e nngwe le e nngwe e gola go feta le go gola go feta, nako yotlhe.

Monyadiwanyana wa mogolo, ena O kwa kae? Ena o sianela ka *kwano* fa Pentecostal Oneness, lobaka; O tsenya leina la Gagwe teng foo, mme A re, sentle... Ne ga tla ga fitlhelwa,

lebang se ba se dirang. Ba tla ka kwano, mme, "Lo tshwanetse le nne maloko a rona. Fa o se leloko la kereke ya rona, wena ebile ga o yo mo Monyadiweng. Wena ebile ga o sepe." Tsamaela ka kwano ka fa ma Assemblies, mme o lebe se ba nang naso; ke lona bao gape. Yang golo ko Mabaptisting, lebang se ba nang naso. Lebang Mapresbi- . . .

²⁶⁴ Ke eng se se ileng go diragalela Selonyana sa mogolo? Lo a bona? Fela Ena o a tlhagelela. Lo sek a lwa tshwenyega. Ena o ile go nna teng.

²⁶⁵ Mogoma ne a re, fano go batlile go le dingwaga tse mmalwa tse di fetileng. O ne a le tlase ko New Mexico. Ke ne ke na le bokopano koo gaufi le Carlsbad Caverns. Lo utlwile ka ga tsone tlase koo, tse dikgolo . . . Mme ba ne ba tsaya monna yo le mosadi wa gagwe, le segopa sa bana, ba ne ba ya kwa lefiting ena, ba ne ba ya tsela yotlhe ko tlase kwa botlaseng jwa molete. Mme erile ba ne ba goroga tlase koo, ba ne ba tima dipone tsotlhe. Mme erile ba ne ba timile dipone tsotlhe, e ne e le lefifi la bosigo-gare.

Ke ne ka ba dira gore ba dire seo fano mo ditshingwaneng tsena fano, mme ka nako nngwe ka kwa ko Colorado kwa, mosadi le nna, morago kwa, re ne re le koo. Mme ba ne ba tshuba dipone tseo. Ija, wena o beye seatla sa gago *jaana*, o ne o ka se kgone go bona sepe.

Mme go ne go na le mosetsanyana a eme foo, mme o ne a simolola go bokolela, "Ao!" A bokolela. Ena, o ne a tshogile go ya losong, go ne go le lefifi thata. Selonyana sa mogolo o ne a tlamparella gongwe le gongwe, mme a leka go bokollela le go goelela rraagwe, le mmaagwe, gongwe le gongwe. O ne fela a sa kgone go go itshokela, go ne go le lefifi thata. O ne a ise a ko a bone lefifi le le ntseng jaana.

²⁶⁶ Mme moo go batlile go le tsela e go ntseng ka yone jaanong. Go ntse jalo. Go lefifi thata ga lo itse kwa lo tshwanetseng go ya gone. O ya kwa Methodisting, o ya kwa Baptising, go ya kwa Presbitherieneng, gotlhe ke selo se se tshwanang, lo a bona, ba ja mana ao a kgale, a a bodileng ka dikoloti mo go one. Lo a bona, selo se se tshwanang, tumelo nngwe ya kereke, "Tsena mme o ipataganye le *ena*, mme yo mongwe, *ele*," tumelo ya kgale ya kereke le sengwe le sengwe. Ga lo bone Keresete mo go yone. Lo a bona? Ao, lo bona se batho ba tshiamo ya maitirelo, ke tlaa rialo. Ba le bantsi ke batho ba ba siameng thata teng koo jaanong, mo makokong ao. Ke raya tsamaiso, eseng batho teng moo. Fela, lo a bona, moo ke se ba se jang. Ba bolelele ka ga gone!

Mme Dijo tse di šwa ke *Tsena*!

²⁶⁷ Mme mosetsanyana yona yo neng a eme moo, o ne a bokolela, kwa godimo ga lenseswe la gagwe, a le gaufi le go tsena mo tllhakatlakanong ya maikutlo; go batlile go le jaaka Monyadiwa yo monnye a ntseng ka gone. Fela lo a itse ke eng? Monnawe wa mosimane ne a goa, ne a re, "Kgaitsadi wa monana,

o se boife." Ka gore, o ne a me gone gaufi le moenjeneere. Ne a re, "Go na le monna fano yo o ka tshubang dipone."

O seka wa boifa Nnake, go na le Monna fano Yo o kgonang go tshuba Lobone. O kgona go dira gore Lefoko lena le tshele. Ga re itse ka fa A tlang. Ga re itse jang, nako e A tlang. Ga ke itse sepe ka ga moo. Fela Ena o fano, mme O kgona go tshuba Dipone. Re ile go tswa jang mo go gone? Ga ke itse. Fela O fano, mme Ena ke Ene yo o kgonang go tshuba Dipone. Ee, rra. Ena ke Ene. Ena ke Lesedi. O Ikitsise fela, moo ke ka fa A tshubang Lobone ka gone. Go ntse jalo totatota.

Go tlhokega Keresete, go pekentsha Dipone tsa Gagwe, fong lefifi lotlhe le a phatlalala. O a lomolola. O gogela Monyadiwa wa Gagwe yo monnye ko ntle. "Ke tlaa hudusa batho mo Baditšhabeng, ka ntlha ya Leina la Me, ba ba tlaa bong ba na le Leina la Me." Leina la Gagwe ke Mang? Go siame. Eseng Methodisti, Baptisti, Presbitheriene, Lutere. Ke Jesu Keresete. Go ntse jalo.

²⁶⁸ Ena ke Lesedi, Boammaaruri; Lobone, mme ga go na lefifi mo go Ena. Mme O phatlalatsa lefifi nako e A tsenang, ka gore Ena ke Lefoko. Lefoko ke Lesedi. Go ntse jalo. Ka gore, O boletse mme a re, "A go nne lesedi," moo e ne e le Lefoko le le fetogileng la nna lesedi. Nako e Ena a buang *Mona*, ke Lesedi la paka eo, nako nngwe le nngwe.

Jaanong Ena o fano, e seng mo-mo phatsimong; fela batho ba tshela mo phatsimong. Fela Ena ke Lefoko le le rurifaditsweng. Ena go sena pelaelo epe ke le—Lesedi ka nako ya lefifi. Ee, rra. Diphatsimo tsotlhe tsena tsa maaka le dilo di tlaa nyelelela kgakala. Ee, rra. Ena o fano. Lo seka lwa boifa. Tshubang Dipone, Lefoko la Gagwe le le solofeditsweng. Le a tshela. Le dira . . .

"Yo o dumelang mo go Nna, ditiro tse Ke di dirang, o a di dira le wena." Ka ntlha eo, ke Lefoko. "Jaaka Rara a Nthometse, le Nna ke a lo romela." Rara yo Mo rometseng, o tsena mo go Ena. Jesu yo o lo romelang o tsena mo go lona. Mme ditiro tse A di dirileng ka nako eo, O dira mo go tshwanang, ka gore (gobaneng?) Lefoko le dirilwe nama, mo nameng ya motho, le Iponatsa e le Lesedi la motlha. Ke rona bao. Gone ke moo. Go supegetsa fela tsela ya Lesedi, mo Leseding. Banna ba ba botlhale, ba ba sa foufadiwang ke ditumelo tsa kereke le lekoko, ba tlaa tsamaya mo Leseding leo. Ijoo!

²⁶⁹ Go na le Monna fano yo o ka tshubang Dipone, go siame. Ke eng se A se dirang? Ka go rurifatsa Lefoko la Gagwe la motlha ona. Jesu, Morwa Modimo, Yo o solofeditseng Lefoko la motlha ona, o gone fano le rona.

Lo seka lwa tshoga. Lo seka lwa tsaya tsiya se ba se dirang; lo a dira, lo tlaa tsamaya mo lefifing.

Tlhalefang. "Bao ba ba dirang ka botlhale," Daniele ne a re, "mo metlheng ya bofelo, ba tlaa direla Modimo wa bona metlholo." Lo a bona? Lo a bona? Ba tlaa tsamaya mo Leseding, jaaka A le mo Leseding.

²⁷⁰ Lo sek a lwa tshwenyega. Go ka nna ga bo go le lefifi, go lebega ekete ba ile go re pateletsat, mongwe le mongwe. Tsotlhe tsena, lo bona kitsiso phatlalatsa ya bone e tswa, "Dikereke tsena tsotlhe tse dinnye le dilo di tshwanetse go tsena jaanong. Lo tshwanetse lo tsene," kgosa ba ile go lo tswalella. Ba ile go goroga.

²⁷¹ Jaanong re batla go itaya moo thata ka mmannete, bosigong jono, nako e ke gorogang mo nakong ena, lo a bona.

²⁷² Jaanong, bone, "Re ile go tswalela." Lo tshwanetse gore lo nne mongwe wa bone, kgotsa nnyaya. Lona lo—lona kana lo mo go seo, kgotsa ga lo kake lwa dira sepe, ga lo kake ebile lwa reka kgotsa lwa rekisa. Ke gone. Go lo kake lwa leka go rapelela balwetsi. Fa lo fitthelwa lo direla ope wa balwetsi kgotsa motho ope yo o lwalang ka selo sa semowa teng moo, lona le fa tlase ga puso ya molao wa mafatshefatshe, gore lo bolawé. Moo go ntse jalo totatota. Lo a bona? Lo itse moo. Go ntse jalo. Go mo dipampiring tsa bona. Ee, rra. Jalo he, ga lo kake lwa go dira, lo tshwanetse gore lo nne leloko la tumelwana.

Mokaulengwe, mpe ke go bolelele sengwe. Go botoka o nne le Keresete go tlhomame mo pelong ya gago gone jaanong, ka gore go na le nako e e tlang kwa o ileng go Go tlhoka ka mmannete. O tswile ka nako eo. Gakologelwa, nako e sekano seo se tsenang, sone se foo ka metlha yothle. Lo a bona? Jalo he, o sek a wa go dira. O sek a wa dumela dilwana tseo. O tsene gone mo go Keresete jaanong jaana, Lefoko. Ee, rra.

²⁷³ O rurifatsa Lefoko, mme a supegetse gore Lone ke Lesedi la oura. Moo ke ka fa re itseng gore Ena ke Lesedi, ka gore Ena ke Lesedi le Iponagatsa ka nama.

Re itse jang? O ne a le Lefoko la Modimo le dirilwe nama. Lo a bona, Lefoko la Modimo le ne le Iponagatsa, a Ithurifatsa, nako e Mesia a tlang, se A tlaa se dirang.

²⁷⁴ Mosadi ne a re, kwa sedibeng, "Nako e Mesi a tlang, O tlaa dira dilo tsena. O tshwanetse o bo o le Moporofeti, yo e leng Lefoko, a re bolelela pele dilo tsena."

²⁷⁵ O ne a re, "Ke nna Ena." Lo a bona? Moo go ne go lekane. Lesedi le ne la phatsimela mo Lefokong le le solofeditsweng. Lesedi ke leo.

²⁷⁶ O ne a ya gone ka ko motseng, a re, "Tlayang, lo bone Monna Yo o mpoleletseng dilo tse ke di dirileng. A yona ga se ena Mesia?" Moo e ne e le gone. Lo a bona? Go sa kgathalesege se ba bangwe ba neng ba se bua, mosadi o ne a itse gore e ne e le Mesia.

²⁷⁷ Gakologelwang, mo pakeng nngwe le nngwe, mo nakong ya lefifi, Modimo o tlhotse a na le Lefoko la Gagwe go kgaoganya Lesedi mo lefifing.

O ne a na le Lone mo metlheng ya ga Lutere, nako e kereke ya Khatholike e neng e na le sengwe le sengwe; O ne a romela Lutere e le Lesedi le le phatsimang, mma Lutere ne a kgaoganya Boammaaruri mo lefifing.

Mme nako e Malutere a neng a sokama, O ne a dira Johane Wesele, a bo a lomolola Lesedi mo lefifing.

Mme mo metlheng ya pentekoste, nako e Mawesele a neng a na le gotlhe...mme Mamethodisti a ne a tlhakatlhakane gotlhelele, le Mabaptisti, le Mapresbitheriene, O ne a romela molaetsa wa pentekoste go lomolola Lesedi mo lefifing.

Pentekoste e ne ya boela gone ko lefifing gape, jalo, mo lekgotleng la bone, ba tsaya ditumelo tsa bona tsa kereke le dilo.

Jaanong oura e gorogile gore Lefoko lena le rurifadiwe. O romela Lesedi, Lefoko le bonaditswe, jaaka A dirile ko tshimologong; o romela Lefoko, mme Le a Inetefatsa. Lesedi ke leo, mme O tlhola a lomolola. Jaanong ke mo go tshwanang, jaaka Masedi a mannye a Bosakhutleng ko tshimologong.

²⁷⁸ Bana ba lo lebileng, jaaka ke bua, nna ke metsotsotso e le metlhano go feta nako jaanong. Fela mpe ke bueng selo se le sengwe sena.

Go na le Monna yo o leng teng! Lo sekä lwa tshoga, go sa kgathalesege se ba se buang. Ke go bone go tla mo lefelong kwa ke neng ke sa itse kwa ke tshwanetseng go tsamaela mo latelang, fela Ena o tlhola a le teng. Bolengteng jo bo sa palelweng, O tlhola a le teng. O kgona go tshuba Lesedi. Ee, rra. Ena o letile fela, go bona se o ileng go se dira. O kgona go tshuba konopo nako epe fela e A batlang go dira. Ee, rra.

²⁷⁹ Go na le Monna fano yo o kgonang go tshuba Dipone. "Bao ba ba dutseng ko dikarolong tsa moriti wa loso," bangwe ba bone fa tlase ga kankere, bangwe ba bona fa tlase ga loso lwa lekoko, bangwe ba bona fa tlase ga loso la ditumelo tsa kereke, bangwe fa tlase ga loso la dingwao, le mehuta yotlhe eo ya loso, "mme ba bone Lesedi le legolo." Monna yo neng a pekentsha Masedi ka nako ele, ke Ena Yo o tshwanang yo neng a re, ko tshimologong, "A go nne lesedi." Modimo yo o tshwanang, "maabane, gompieno, le ka bosaeng kae," O teng gompieno, gone fano jaanong. O sekä wa tshoga. O kgona go tshuba Dipone.

Nako e pogo e tl Lang, o sekä wa tshoga. Go ne le Lesedi, ne A re o tlaa phamolela batho ba Gagwe kgakala. Mosadi ga a tle go ralala pitlagano. Ga a kitla a go dira. O rile Mosadi ga a kitla. O tlaa bo a phamotswe. "Ba ile go go dira jang, Mokaulengwe Branham? Go lebega go le lefifi mo go boitshegang!" Ga go kgathalesege ka fa go nnang lefifi ka gone, o sa kgone bona seatla

sa gago fa pele ga gago, gakologelwa fela, go na le Monna fano yo o ka tshubang Lesedi. O tlaa Phamola Kereke eo.

Lwa re, "Sentle, nna ke gone . . ."

²⁸⁰ Eya, Shaderake, Meshake, le Abedenego, ba ne ba le gone kwa leubelong le le molelo, fela go na le Monna foo Yo o kgonang go bulela phefo. Ee, rra. Phefo e maatla e e sumang eo e e fologileng ka Letsatsi la Pentekoste, O ne a E bulela gape mme a tlhabela megote otthe phefo go ya kgakala le bona, molelo otthe. Go na le Monna foo; Ena o bidiwa "Monna wa boné."

²⁸¹ Go na le Mongwe fano gompieno. Ke Ena a le nosi! Haleluya! O na le konopo ya Lesedi mo seatleng sa Gagwe. "Bao ba ba dutseng mo dikarolong tsa moriti wa loso, Lesedi le legolo le ba tlhabetse." Lo seka lwa Le gana. Le amogeleng, ka Leina la Morena. Fa re santse re obile ditlhogo tsa rona motsotso fela.

Re tlaa tsamaya mo Leseding, Lesedi le le ntle,
Le tla kwa marothodi a monyo a boutlwelo-
botlhoko a phatsimang gone;
Phatsima tikologong yotlhe ya rona
motshegare le bosigo,
Jesu, Lesedi la lefatshe.

Re tlaa tsamaya mo Leseding, ke Lesedi le le
ntle jang,
Le tla kwa marothodi a monyo a boutlwelo-
botlhoko a phatsimang gone;
Phatsima tikologong yotlhe ya rona
motshegare le bosigo,
Jesu, Lesedi la lefatshe.

Tlayang, lona baitshepi ba Lesedi, bolelang
phatlalatsa,
Jesu, Lesedi la lefatshe;
Foo ditsirma tsa Legodimo di tlaa lela,
Jesu, Lesedi . . .

Ke eng? Lefoko le le rurifaditsweng ke Jesu gompieno. Ena ke Lefoko.

Re tlaa tsamaya mo Leseding lena, ke Lesedi le
le ntle jang,
Le tla kwa marothodi a monyo a boutlwelo-
botlhoko a phatsimang gone;
Ao, phatsima tikologong yotlhe ya rona
motshegare le bosigo,
Jesu, Lesedi la . . .

²⁸² Ka ditlhogo tsa lona di obilwe. Ke a ipotsa ke ba le kae fano ba ba tlaa ratang go tsamaya mo Leseding lena, fa tlase ga ketelelo pele ya Mowa o o Boitshepo, Lefoko le le rurifaditsweng la gompieno? Lo a bona? Lefoko le Modimo a le solofeleditseng gompieno, lo Le bone le bonagaditswe!

A moo e ne e se se A neng a le sone ko tshimologong? O ne a le Lefoko. Morwa o ne a tsalwa; O ne a le Lefoko. O ne a le Mesia; O ne a le Lefoko le le rurifaditsweng. Jalo he go raya gore Lefoko, Modimo o ne a bua tshi- . . . bokhutlo go tswa tshimologong.

²⁸³ Jaanong go na le Lefoko la motlha ona, mme Ena o fano a rurifatsa Lefoko leo.

Mo gare ga tlhakathakano, lefifi le diphatsimo, go lebega go feleletse jaaka Lone, fela ga se Lone. Ga go netefatse go re ke Lone; tumelo ya kereke.

²⁸⁴ Jesu ne a re, “Fa Ke kgoromeletsa ntle bodiabolo ka monwana wa Modimo, lona lo ba kgoremeletsa ntle ka eng?” Ba ne ba sa ba kgoremeletse ntle. Lo a bona? “Fela, nnyaya, fa Ke kgoromeletsa ntle diabolo ka monwana wa Modimo, go raya gore Bogosi jwa Modimo bo tlie gaufi le lona.”

Ao, a re akanyeng ka ga gone, jaaka re tsholetsa diatla tsa rona. Ka bonya jaanong, mme re akanya, ka tidimalo tota.

Re tlaa tsamaya mo Leseding lena, mona ke
Lesedi le lentle thata jang,
Mme le tla kwa marothodi a monyo wa . . .

Dira boipobolo jwa gago. Dumela Modimo jaanong.

Phatsima tikologong yotlhe ya rona
motshegare le bosigo,
Jesu, Lesedi la lefatshe.

Re tlaa tsamaya mo Leseding lena, ke Lesedi le
le ntle jang,
Le tla kwa marothodi a monyo a boutlwelo-
botlhoko a phatsimang gone;
Phatsima tikologong yotlhe ya rona
motshegare le bosigo,
Jesu, Lesedi la lefatshe.

²⁸⁵ Fa ba santse ba tshameka, ke batla go botsa. Paka nngwe le nngwe e nnile e tshwana. Mo metlheng ya ga Noa, bao ba ba ganneng Lesedi, ba ne ba dira eng? Ba ne ba tsamaela ko katlhulong ya Modimo. Faro o ne a diragalelwae ke eng mo metlheng ya Lesedi la setlhare se se tukang, le le neng le le mo go Moshe? Ne a tsena mo lewatleng la loso. Dathane o ne a diragalelwae ke eng yo neng a simolola mme a tloga a gana Lesedi? Ba ne ba tsena mo lefarong la lefatshe; le ne la mo metsa. Go diragetseng mo dipakeng tsotlhe, ko go bao ba ba paletsweng ke go tsamaya mo Leseding, Lesedi la motlha?

Ke Jesu ka nako yotlhe. E ne e le Jesu mo metlheng ya banna bao. Ke Jesu gompieno, gonne Ene ke Lefoko, mme Lefoko le dira Lesedi. Ke Lesedi la motlha.

Akanyang ka ga gone jaanong, ka tidimalo tota, fa re santse ka bopeloephepa, re botsa, a lona lo tsamaya mo Leseding? Fa re santse re e opelela yotlhe mo menong gape. [Mokaulengwe

Branham le phuthego ba simolola go opelela mo menong *Jesu, Lesedi La Lefatshe—Mor.*]

. . . Lesedi le lentle,
 Le le tlang kwa marothodi a monyo a
 boutlwelo-botlhoko a phatsimang gone;
 Phatsima tikologong yotlhe ya rona
 motshegare le bosigo,
 Oho Jesu, Lesedi la lefatshe.

A re emeng jaanong, ka dinao tsa rona.

²⁸⁶ Ke a rapela Rara wa Legodimo gore o lettelele Molaetsa ona o kolobelele koteng mo dipelong tsa batho ba ba leng teng, le bao ba ba tlaa O utlwang ka theipi. Mme mma Lesedi le tle mo Lefokong, Peong, mme lo tlise mo pepeneneng Peo nngwe le nngwe e e neng ya jwalwa golo fano mo diphatsimong tse di farologaneng tsena le makgotla. Mma ba bone jaaka Nikotemo, le e leng fa ba tshwanelo gore ba “tle bosigo,” ba tle mo Leseding. Go lettelele, Rara.

²⁸⁷ Mma go tlhagelele kgang e kgolo ena, ya Lefika lena le le kabotsweng mo thabeng, e se ka diatla. Le tlaa tshwetlella magosi ana a Baditshaba mo mmung, magosi ana otlhe, magosi a semowa le magosi a tlholego. Mme Lefika le tlaa bipa lefatshe lotlhe; e tlaa bo e le kgang e e ntlatfetseng. Bao ba Lefika lei le tlaa ba tshwetlellang ba tlaa silellwa go nna boupi; bao ba ba welang mo Lefikeng leo ba tlaa nna le motheo o o kwenneng.

²⁸⁸ Ao tlhe Keresete, nteseletse, jaaka mothlanka wa Gago, ke swele mo Lefikeng lena, Lefika lena la Lefoko la Gago. Morena Modimo, mpe ke eme, jaaka Dafita, le batlhhabani bao ba kgale ba ba neng ba emela Dafita, mpe ke emele Lefoko lena gompieno fa ke santse ke Le bona le ganwa ke makoko. Le ntse golo fano mo botshabelong bongwe golo gongwe. Ao tlhe Modimo, Ke . . . Dumelela gore re tle re nne le maatla le bopelokgale, le Mowa o o Boitshepo, go ema, gonne dioura di nna lefifi go feta le lefifi go feta.

Fela mpe ka gale re gakologelwe gore O teng go tshuba Lobone. Ka oura efe fela e O batlang go dira, Wena o ka tshuba Lobone, Rara. Jalo he re a rapela . . .

²⁸⁹ Jaaka O ne wa bua, “Lo Lesedi la lefatshe.” Go dumelele, Morena, gore Masedi a rona, ba re leng ba tirelo ya Gago, a tlaa phatsima gore a tsabakele thata mo go ba bangwe, gore ba tlaa bona Lesedi la Efangedi jaaka re le tshela, Morena, letsatsi ka letsatsi, a bonagatsa mo go bone Botshelo jwa ga Jesu Keresete jaaka A ne a le mo lefatsheng; re tletse ka boikobo le bopelonomi, le fa go ntse jalo Lefoko le tshediwa gone ka Ena. Go dumelele, Morena.

Gonne, re soloftse Wena, wena Yo mogolo ka konopo mo seatleng. O tshwere lefatshe mo seatleng sa Gago. O tshotse dilo

tsotlhe mo seatleng sa Gago, mme o tshegetsa lefatshe ka Lefoko la Gago.

Ao tlhe Rara, re lettelele re amogele Lefoko; a O tlaa dira, tsweetswee, Morena? Mpe moo go nne bosupi le keletso ya pelo nngwe le nngwe teng mono.

²⁹⁰ Rara, jaaka re opela difela tsena . . . Jaaka Dafita a ne a opela difela, di ne tsa fetoga seporofeto. E ne e le seporofeto, mme Wena o di lemogile e le, seporofeto. Jaaka re se opela, Morena, mpe se nne mo dipelong tsa rona, le gone, jaaka re opela, “Re tlaa tsamaya mo Leseding.” Mpe go nne jalo, Morena.

Mona ke Lesedi le lentle. Ke Lefoko. Ke Keresete a tshela mo gare ga rona. Eseng se A neng a le sone; se A leng sone, mme, re a itse se A neng a le sone se ne fela sa bonagatsa se A leng sone. Mme re a rapela, Rara, gore batho ba tlaa tlhaloganya mme ba tsamaye mo Leseding le lentle lena. Re kopa ka Leina la Jesu.

²⁹¹ Fa re santse re eme motsotso fela, ke batla gore rotlhe re opeleng.

²⁹² Jaanong teng fano go na le Mopresbitheriene, Momethodisti, Mokhatholike. Mona ke bareetsi ba ba tswakaneng, fa go tla mo selekokong.

²⁹³ Jaanong gakologelwang, a go itsiweng, gore ga ke bue sepe kgathlanong le batho mo diphatsimong tsena. Fela ke go netefaditse, go ya ka Baebele, gore ke diphatsimo. Fa go ne go se jalo, Keresete o ne a tlaa bo a dira jaaka A soloededitse gore o tlaa dira, ka bone. Lo a bona? Fela ba gana Leo. Lo a bona? Mme nako e o gorogang koo, o fitlhela eng? Gongwe ga “ipataganye le kereke, boeletsa tumelo ya kereke.” Mme gone go tswa e le eng? O goroga kwa bofelong jwa tsela, o fitlhela gore e ne e le moenene, wa maaka.

Keresete ke Lefoko. Ena ke Lesedi. Tshela jaanong, fa o santse o ka kgona go tshela. O tshelela sengwe.

²⁹⁴ Ke eng se o se tshelelang? Gore o kgone go swa. Mongwe le mongwe wa lona, lo berekela eng? Go ja. Lo jela eng? Go tshela. Lo tshelela eng? Go swa.

Jalo he goreng o sa tshele gore o tshele? Goreng o sa tshele gore o tshele? Fong, tsela e le nosi e o ka tshelang ka yone ke go amogela Lefoko. Ka gore, “Motho ga a kake a tshela ka senkgwe se le sosi,” se re se dirang golo fano ka mohuhutso wa phatla ya rona, “fela ka Lefoko lengwe le lengwe le le tswang mo molomong wa Modimo.” Jaanong Lefoko la molomo wa Modimo le rurifadiwa gone fano fa pele ga rona, ke Mowa o o Boitshepo. Tshelang ka Lone, a ga lo tle go dira?

²⁹⁵ Jaanong ke batla, fa re santse re opela sena gape, mpe fela mongwe le mongwe ka nosi wa rona re eme mo lefelong la rona, a otlollele ka kong mme a tshware diatla tsa yo mongwe, mme re re, “Mokaulengwe, a re tsamaye mo Leseding lena,” fa re santse re

opela *Tsamaya Mo Leseding*. A lo tlaa dira? Rapelelang jaaka re kopanya diatla tsa rona ga mmogo, fa re sантse re se opela ga mmogo; ka go tswala matlho a rona, go ya ka fa go kgonegang ka gone.

Re tlaa sepela mo Leseding, Lesedi le le ntle ga kalo,
 Le tla kwa marothodi a monyo a boutlwelo-botlhoko a phatsimang gone;
 Phatsima tikologong yotlhe ya rona motshegare le bosigo, (Yoo ke Mang?)
 Jesu, Lesedi la lefatshe.

Jaanong a re tsholetseng diatla tsa rona.

Re tlaa tsamaya mo Leseding, Ke Lesedi le le ntle,
 Le tla kwa marothodi a monyo a boutlwelo-botlhoko a phatsimang gone;
 Phatsima tikologong yotlhe ya rona motshegare le bosigo,
 Oho Jesu, Lesedi la lefatshe.
 Tlayang, lona baitshepi botlhe ba Lesedi, bolelang phatlalatsa, (Gone ke eng?)
 Jesu, Lesedi la lefatshe;
 Foo ditsirima tsa Legodimo di tlaa lela,
 Jesu, Lesedi la lefatshe.

Rotlhe, mpe re e opeleng jaanong.

Re tlaa tsamaya mo Leseding, mme ke Lesedi le lente,
 Le tla kwa marothodi a monyo a boutlwelo-botlhoko a phatsimang gone;
 Phatsima tikologong yotlhe ya rona motshegare le bosigo,
 Jesu, Lesedi la lefatshe.

²⁹⁶ Ka ditlhogo tsa rona di obilwe jaanong. Gakologelwang nako e Iserael e neng e le mo loetong lwa yone, ba ja mana a maša letsatsi lengwe le lengwe, ba tsamaya mo Leseding la Pinagare ya Molelo. Pinagare eo ya Molelo e ne e le Jesu Keresete. Baebele e re E ne e ntse jalo. Mme gompieno O na le rona; re na le Yone. Re a itse O na le rona, yone Pinagare ya Molelo, a dira dilo tse di tshwanang tse A di dirileng nako e A neng a le fano mo lefatsheng, go diragatsa Lefoko la Gagwe.

²⁹⁷ Jaaka re tloga fano, mpe re gakologelweng, re tsholeng pina eo mo dipelong tsa rona jaaka re ya magaeng a rona, jaaka makoto a duma pina. Pele ga o ja dijo tsa gago tsa maitseboa, obo tlhogo ya gago mme o leboge Modimo ka a rometse lesedi go tlisa dijo mo lefatsheng, a direla mmele wa gago wa nama. Fong lebogang Modimo go romela Lesedi la mowa, Lefoko la Gagwe, gore A tle a neye mowa wa botho Dijo. “Gonne motho ga a kake

a tshela ka senkgwe se le sosi, fela ka Lefoko lengwe le lengwe le le tswang mo molomong wa Modimo.”

²⁹⁸ Tswelelang fela lo ikopelela sefela sena, mo magaeng a lona, mo gare ga ba gaeno, mme le kopaneng le rona gape fano go ka nna masome a marataro morago ga borataro, bosigong jono, re direla dikarata tsa thapelo le jalo jalo. Re tlaa lo bona ka nako eo. Go fitlhela ka nako eo, obang ditlhogo tsa lona.

²⁹⁹ Ke ile go kopa Mokaulengwe Neville fa a tlaa tsamaela kwano jaanong, modisa phuthego, mme a re phatlalatse ka lefoko la thapelo.



Go Na Le Monna Fano Yo O Ka Tshubang Lobone TSW63-1229_M
(There Is A Man Here That Can Turn On The Light)

Molaêtsa o ka Mokaulengwe William Marrion Branham, o nê wa rérwa la ntlha ka Sekgowa mo mosong wa Letsatsi la Tshipi, Sedimonthole 29, 1963, kwa Motlaaganeng wa Branham ko Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org